

„Droschak“

ORGANE

de la Fédération

Révolut. Arménienne.

ԴՐՕՇԿԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՂՆԱԿՑՈՒԹԵԱՆ“ ՕՐԳԱՆ

Վ Ա Յ Ր Կ Ե Ա Ն Ը

Նորէն անդունդի ծայրն ենք... Գ ա ո ս ւ ը նորէն տիրեց օսմանեան դժոխքի մէջ և վերստին լսեցին աղէտաշունչ, „կատաստրոֆային“ գուշակութիւնները: Պարբերաբար, բնական երևոյթի անհրաժեշտութեամբ, ժայթքում է նա—այդ ահաւոր Գաօսը—պարբերաբար անիշխանութեան ու ռէակսիօնի սարսափը գալիս է ահաբեկելու խաղաղասէր ժողովուրդներին—և այդպէս կը շարունակուի, քանի դեռ կանգուն կը մնան հիմնական պատճառները, քանի դեռ մահաբերական զանգուած կը մրափի անյոյզ անշարժութեան մէջ, առանց կուսակցական ու գաղափարային շերտաւորումի. քանի դեռ զինուորականութիւնը միակ կուսանը կը հանդիսանայ Սահմանադրութեան և երկրի ճակատագիրը մատնած կը լինի մէկ հատիկ կուսակցութեան քմահաճոյքին, նրա յաւակնոտ ու բռնաւոր դիքատատրութեան:

Քմահաճոյքն ու կամայականութիւնը կապած են միշտ ճակատագրորէն դ ի ք տ ա տ օ Ր ա կ ա ն ռ է ժ ի մ ի հետ և վաղ թէ ուշ փորում են նրա գերեզմանը... Սակայն — այդտեղ է կացութեան տրագիկը—գերիշխող կուսակցութիւնը ապալելուց յետոյ, չի գտնում համապատասխան փոխարինող ոյժ, կազմակերպւած, առաջադէմ ոյժ, և ամեն ինչ վերստին խորասուզւում է նոյն նախնական քաօսի մէջ, ուր առատօրէն սերմանւած են ռէակցիայի ու բռնապետութեան սերմերը:

Իթթիհատեան նեղմիտ, գրգռիչ, ազգայնամոլ քաղաքականութիւնը տւեց ահա իր անխուսափելի պտուղները, տարածելով ամենուրեք դժգոհութեան փոթորիկը, յարուցանելով բրօնիկական խռովութիւններ, ներմուծելով պառակտումը բանակի մէջ, դառնալով ի վերջոյ իր սեփական գերեզմանափորը... Արամազդը, իր զոհին գլորելուց առաջ, խել էր նրա բանականութիւնն ու ողջմտութիւնը... Եւ խելագար ռէժիմը առաջ գնաց ոստոսաւելով, մի կոյր ու բուլժ մոլեգնութեամբ, թափահարելով անդադար „պանթիւրքական“ իր դրօշը, չպրտելով ամբարշտութեան ձեռնոցը իր բոլոր հակառակորդներին ու բարեկամներին, խեղաթիւրելով սահմանադրութեան էութիւնը, բռնանալով ընտրական ազա-

տութեան վրայ, գրգռելով ալբաններին, բուլգարներին, արաբներին, հայերին, արհամարհելով բոլոր օրինաւոր գանգաւները և բոլոր բողոքները:

Արդիւնքը—մեր աչքերի առջև է: Իտալիան՝ կոկորդի վրայ, ալբանացի ապստամբները Դիրօցա՝ իրենց երկրին, օսմանեան բանակը՝ բաժան-բաժան, մասսային դասաւթութիւն զինւորների ու սպանների մէջ, ռուսներ և կոտորած Մակեդոնիայում, հարկւրաւոր քրիստոնեաներ խողխողած և Բուլգարիան սպառնական դիրքի մէջ, Մօնտենեգրօն՝ թատրի վրայ, սպանութիւններ և ընդհանուր անապահովութիւն Հայաստանում... Խորհրդադաւոր ու հապշտապ պատրաստութիւններ Ռուսաստանի ու այլ պետութիւնների կողմից և—որ ամենից սոսկալին է—երկիրը կատարեալ անիշխանութեան մէջ, պարլամենտը լուծւած, հին ռէժիմի մարդիկ գլուխ անցած կառավարութեան, ահաւոր շշուկները մթնոլորտում, ռէակցիայի ուրւակներ՝ գոններին...

Ի՞նչ է այս նոր „դիմադարձութիւնը“, ի՞նչ է այս նոր „զինւորական միութիւնը“, որ գործում է այդպէս յախուռն ու տարօրինակ ժեստերով...

Ի՞նչ է կատարւում այդ համիդեան մինիստրների մութ, զառամեալ գլուխների մէջ և ո՞ր է մղում դէպքերի գահավիժող ալիքը... Մութատար փաշայի դահլիճը հրապարակ եկաւ սահմանադրականութեան, ապակենտրոնացման ու ազգերի իրաւահաւասարութեան խոստովանելով, բայց դեռ նոր միայն հաստատւած՝ շտապեց ներուձի շնորհիւ... Հին ռէժիմի ամենայայնի բորենիներին, ի՞նչ է այդ ցոյցի իմաստը, այդ տենդային աճապարանքի խորհուրդը... Արդեօք զառանցում են այն մի կարգ յոռետեսները, որ գուշակում են, թէ այդ „վեհանձն ու ազգափրկիչ ներումը“ կը հասնէ շուտով նաև Իզդէթներին ու Միւնիր բէյերի՝ բանտարկեալ Յիրոջը՝ որի անունը այսօր բազմաթիւ ալբան ապստամբների շըրթների վրայ է...

Եկէ՛ք ու լուծէ՛ք այդ մութ կնճիռները, եկէ՛ք որոշելու թիրքական մրդածուխ իրականութեան նոյնքան միայն հոսանքները, որոնց բանալին փնտրելու է մի պառակտւած զինւորականութեան ցասկոտ ու յարափոփոխ բնազդների մէջ... Առ այժմ արձանագրենք կացութիւնը, որ միանգամայն կրիտիկական է, աագնապալի: Այն միակ ռէժիմը մահաբերական կազմակերպութիւնը, որ „Իթթիհատ և Թէրափէլ“ անւան տակ

չորս տարի առաջ կատարեց յեղափոխութիւնը, յենաժամակերպական բանակի վրայ—այսօր նա հալածական է և թերեւս մօտ ապագայում ստիպւած լինի նորէն մտնել սուերի մէջ, ապաւինել ստորերկրեայ, գաւազրական գործունէութեան: Սկսած է մահացու մենամարտը այդ ծաւալուն կօմիտէի և նորեկ կառավարութեան միջև: Ի՞նչ ընթացք կ'առնէ նա անցքերի ոլորտոյթի մէջ և ինչո՞վ նա կը վերջանայ... Գուշակելը գիւրին չէ. յամենայն դէպս ներքին բաղաբացիական այդ պատերազմը չափազանց սուղ կը նստի թիւրքիային. նա կըստեղծէ մի այնպիսի տագնապ՝ որի նմանը թերեւս տեսած չլինի աշխարհը «Հիւանդ Մարդը» իր գոյութեան 50%-ամեայ շրջանի մէջ: Նա կը գայ վերջնականապէս համոզելու քաղաքակիրթ աշխարհը՝ որ մահացական մարդկութիւնը, մասնաւորապէս օսմանեան զանգաւածը անկարող է կազմակերպել, իբրեւ ուրոյն ու յարատեւ պետութիւն, ժամանակակից իմաստով. նա կը գայ ամենաուժեղ պատրուակը ընձեռելու միջազգային գիշատիչ դիւանագիտութեան, որ արդէն պատրաստուած է ամեն կողմից նետելու իր որսի վրայ, յօշոտելու, կշնելու...

Թիւրքական տագնապը բեւեռել է իր վրայ ամբողջ աշխարհի լարւած և յուզւած ուշադրութիւնը: Միանգամայն հասկանալի է այդ, եթէ մի վայրկեան անդրադառնանք այն ահաւոր հետեանքների վրայ, որ կունենան Թիւրքիոյ, Արեւելքի ցնցումները համաշխարհային խաղաղութեան տեսակէտից:

Երկիւղը ընդհանուր է. բայց — հարկ է արդեօք յիշեցնել—որ ամենից աւելի յուզւելու պատճառ ունենք... հայերս: Մի անգամ ևս և ուժեղ շեշտով անցքերը գալիս են հասկացնելու, թէ որքա՞ն միամիտ ու վտանգաւոր է՝ տարւել «լեգալիզմով», ապաւինել սոսկ խաղաղ, կուլտուրական գործունէութեան դրօշին... Յուլիսեան Յեղափոխութեան առաջին օրերից ի վեր՝ Հայ Մարտական կազմակերպութիւնը զարկել է շարունակ ահազանքը, ցուցադրել է կացութեան արատները, տիրապետող ցեղի սահմանադրական տհասութիւնը, զինւորական ընդվզումների՝ բմահաճ բնոյթը, հակադարձ շարժումների անվերջ հնարաւորութիւնը... և շարունակ կոչ է արել դէպի զգաստ, շրջահայեաց ազգային քաղաքականութիւն, հրաւիրել է խաղաղութեան կազմակերպութեան շարքերը, աճեցնելու ժողովրդեան դիմադրական կարողութիւնը, պատրաստելու ժողովրդին՝ վտանգաւոր պատահարների դէմ:

Խորոպացի մեր բարեկամները, այդ ծանր պատահարների հնարաւորութիւնը նախազգալով, յորդորում են մեզ՝ զգոյշ լինել, չտարւել վրէժխնդրութեան նկատմամբ, չանդէպ Իթթիհատի, այլ ձգտել առաջ բերելու համերաշխութիւն ու միութիւն սահմանադրական ուժերի միջև... Շնորհապարտ ենք մեր վեհանձն բարեկամներին, մեր դերն է եղել սկզբից ի վեր համերաշ-

խութեան այդ բարոյզը և—մեր կենսական շահերից իսկ դրդւած—չպիտի երբէք հրաժարւինք այդ դերից, անգամ այն բոլոր դառն, հիասթափեցնող փորձերից յետոյ, որ տեց մեզ Իթթիհատի և նրա սիրած դահլիճների տխմար ու հակակրելի բաղաբացիականութիւնը հայ ժողովրդի ամենահիմնական և ամենահրատապ կարիքների հանդէպ...

Հ. Յ. Գաշնակցութիւնը, անկասկածի մարմին — ինչպէս նորերս յայտարարեց Արեւմտեան Բիւրօի թուղթիկով — չունի ոչ մի կապ որեւէ կուսակցութեան հետ. բայց եթէ սկսեն իրականանալ յոռետես մարգարեութիւնները, եթէ նորակազմ դահլիճը, յենաժամ քրական Միութեան վրայ, փորձէ շուռ տալու սահմանադրական զարգացման անիւր դէպի հին, նզովեալ ուժեղութիւն, «Գաշնակցութիւնը» առաջինը կը լինի, որ կը փութայ միանալու Իթթիհատին և բոլոր ազատասէր արարներին՝ սահմանադրական իրաւակարգը վերստին նւաճելու համար:

ՕՍՄԱՆԵԱՆ ՔԱՂԱՔԱՑԻՆԵՐՈՒՆ

Հայրենակիցներ,

Երկիրը կ'անցնէ տագնապի օրեր, պետութիւնը կը գտնւի վտանգի առջև:

Պատճառը միայն ալքանական շարժումը չէ, ո՛չ պատերազմը և ոչ ալ կուսակցութեանց կամ խմբակցութեանց միջև տեղի ունեցող բաղխումը: Ասոնք իրենք իսկ արդիւնքն են աւելի խոր ու ցաւագին պատճառի մը: Դժգոհութեան և վտանգի հիմնական պատճառը՝ երկրին հիւանդոտ դրութիւնն է, մեր աղքատ, յետաձուց վիճակն է, վարչական մեքենային ժանգոտած ըլլալն ու ինչալալահի բաղաբացիականութիւնն է, պիւտձէի անհաւասարակշռութիւնը և պետութիւնը կազմող տարրերու անգոհունակութիւնն է:

Պատճառ չի կայ, թէ նախասահմանադրական վարչութիւններն են, որ ստեղծած, սնուցած և վտանգի այս գազաթնակէտին հասուցած են պետական վիճակը:

Սակայն նոյնքան ստոյգ է, որ սահմանադրական կառավարութիւններն ևս գիտակցութիւնը կամ կարողութիւնը չունեցան դիմելու լուրջ փոփոխութեանց, արմատական դարձմաներու՝ որպէս զի կարելի ըլլար բուժել պետութիւնը կրծող հիւանդութիւնները:

Նորերը հիներէն տարբերւեցան գլխաւորաբար մեծադորդ յայտարարութիւններով և փրուռոյց խոստումներով՝ առանց հոգ տանելու, որ այդ խոստումները գործի վերածւին շիտակութեամբ և հետեւողականօրէն:

1908-էն ետք մէկ մէկու յաջորդող դահլիճները, տարբեր ձևերով, շարունակեցին հին ուժեղ մարչութիւններուն սխտեմը,—չնայելով խորունկը և հեռուն, մոլալթով ծածկելով պետական վեղբերը, իրենց գլխաւոր ուժը սպառելով կարելի եղածին չափ երկար տոնն

ապահովելու իշխանութեան սանձը իրենց ձեռքին մէջ...

Կեանքի անիւր շատ աւելի անողոր է սակայն իր օրէնքներով՝ բան ինչ որ կը կարծեն իշխանութեամբ արբեցողները:

2՝ օրօրէնք այլ ևս սին յոյսերով, թէ երկրին խաղաղացումը կը վերահաստատուի՝ սոսկ առօրեայ կնճռոտութիւնները հարթելով, փոխթիգոսութեան ճարտար խաղերով, կամ զօրքը՝ բարձր իշխանութեան նեցուկ դարձնելով...

Երկրին ապագան կախած է գլխաւորապէս այն բանէն, թէ մենք ո՛րչափ հեռատեսութիւն կրնանք ունենալ՝ ճշտելու պետական խոշորագոյն ջրակերպն ու անոնց նպատակարար մար դարմանները, ո՛րքան կամք և հմուտութիւն կրնանք ցոյց տալ՝ բուժելու այդ վերքերը արագ ու համարձակ բարեփոխութիւններով:

Հասեր է ժամը, երբ այլ ևս խոստումներու տեղ անհրաժեշտ են գործեր՝ իրականացնելու համար հետեւեալ պահանջներն ու բարենորոգումները:

1. Անապահովութիւնը վերցնելու, պաշտօնեաներու կողմնապահութիւնն ու անձեռնհասութիւնը բառնալու, պատասխանատուութեան սկզբունքն ուժեղացնելու և պետական մեքենան օգտակար շարժման մէջ դնելու համար՝ անհրաժեշտ է ամեն մէկ շրջան, մասնաւորապէս ծայրագաւառները օժտել կարող և անաչառ վարչութիւններով կամ վարիչներով (օսմանցի թէ օտար): Անհրաժեշտ է տալ ամեն իրաւասութիւն այդ վարչութեանց կամ վարիչներուն՝ հսկելու պաշտօնեաներուն վրայ և փոխելու ապիկարները, բարեկարգութիւն մտցնելու՝ տեղական պայմաններու համաձայն և հիմնաւորելու անդորրութիւնը:

2. Որպէս զի կարելի ըլլայ բարձրացնել աշխատաւորին ձեռներէցութիւնը, զարգացնել ճարտարաբանստը և ստեղծել դրամագլուխ, — անհրաժեշտ է պակսեցնել աշխատաւոր դասի աւած հարկերը, համաչափութիւն մտցնելով հողագործ և վաճառական դասակարգերու վճարածներուն միջև, ոչնչացնել աշարը, ճամբու, աղի և այլ մարդ գլուխ տուրքերը և հաստատել յառաջատուական տուրք՝ ժառանգական և եկամտային-հարստութեանց վրայ:

3. Որպէս զի կարելի ըլլայ ապահովել պետութեան ֆինանսական-քաղաքական անկախութիւնը և աւելցնել անոր տնտեսական կարողութիւնը, — անհրաժեշտ է հաւասարակշռել պիւտձէն՝ զեղջելով պաշտօնեաներու թիւը, բարձր ամսականները և անհաշիւ կենսութոշականները: Անհրաժեշտ է պակսեցնել ոչ-արդիւնաւէտ ծախսերը և ընդհակառակը, ուժ տալ ճամբաներու և երկաթուղիներու կառուցման, ոռոգման և այլ շինարար ձեռնարկներու:

4. Վերջ դնելու համար ազգային-կրօնական բաղախումներուն՝ անհրաժեշտ է հրաժարիլ այնպիսի կարգադրութիւններէ և քայլերէ, որոնք բազկացուցիչ ազգու-

թեանց կը ներշնչեն թրքացման և իսլամացման քաղաքականութեան երկիւղներ: Այս պատճառով, անհրաժեշտ է գործնական միջոցներով ապահովել ազգերու իրական հաւասարութիւնն ու զարգանալու հնարաւորութիւնը. պէտք է կրթական պիւտձէն բաշխել ազգային վարչութեանց միջև՝ ըստ ազգութեանց թւին, պաշտօնեաներ նշանակել նաև տեղացի ազգութիւններէ, թիւրքերէնին հետ ճանչնալ նոյնպէս տեղական լեզուներու հաւասարութիւնը, վերցնել դաւանական տարբերութեանց մասին օրինագրքերու մէջ գտնւած արամադրութիւնները, և յատուկ օրէնքներով ապահովել փոքրամասնութիւն կազմող տարրերու համաչափ մասնակցութիւնը ընտրութեանց, ինչպէս և պետական-վարչային մարմիններու մէջ:

Ե. Որպէս զի կարելի ըլլայ ապահովել սահմանադրական ռէժիմի ամրապնդումը, երկրին քաղաքական յառաջդիմութիւնն ու ներկայացուցչական սկզբունքը, — անհրաժեշտ է անխախտ ու անձեռնմխելի պահել խօսքի, խղճի, ժողովներու, միութեանց և մամուլի ազատութիւնները: Պէտք է յատուկ կանոններով երաշխիքներ ստեղծել ընտրական ազատութեանց համար — ընտրական գործերէն հեռու պահելով կառավարութիւնները, ջնջելով գաղտնի ֆօնտերը, ճշտելով Բ. կարգի ընտրողներու շրջանակները, ընտրութիւնները կատարելով մէկ օրու մէջ, ոստիկանական շէնքերէ դուրս և կուսակցական խառն մարմիններու հսկողութեան տակ:

Այս և միայն այս հիմնական խնդիրներու կարգադրութիւնն է, որ օսմանեան երկիրը կ'ազատէ տագնապէ, ներքին ու արտաքին հարձակներէ:

Այս նպատակին է, որ ձգտած ենք միշտ և այս ոգիով է, որ անաչառ խստութեամբ քննադատած ենք սահմանադրական եկող գացող վարչութիւնները:

Եւ այսօր ալ մենք ԱՆԿԱԽ ԽՄԱՎԿԱՎԱՆ ԵՒ ԿՈՒՍԱԿԱՆ ԵՐԿՐԻՆՆԵՐՆԵՐ, ԶՈՒՆԵՆԱԼՈՎ Ո՛Ձ ՄԷՅ ԿԱՊ Ո՛ՅԻԷ ԿՈՒՍԱԿԱՆՈՒԹԵԱՆ ՀԵՏ, մենք մեր կատարեալ ազատութեան մէջ՝ մեր խօսքը կ'ուղղենք օսմանեան երկրի բոլոր գաղափարական տարրերուն, ունենալով ընդհանուր հայրենիքի բարձրագոյն շահերուն մտահոգութիւնը միայն:

Եկած է ժամը, որ երկրին ճշմարիտ վիճակը հասկցող օսմանցիները ընդգրկեն և գործադրել տան արմատական բարենորոգմանց այն հարկադրական ծրագիրը, որուն գլխաւոր գիծերը ցոյց տւինք ահա:

Եւ միայն այս ուղին է որ, մեր ամենախորին համոզումով, կարող պիտի ըլլայ վերջ դնել ներքին տեւական տագնապներուն և առաջնորդել երկիրը վերածնութեան ու փրկութեան:

Հ. Ե. Դաւանակցութեան
ԱՐԵՒԻՄՏԵԱՆ. ՌԻՐՈ

ՍԻՉԱԶԳԱՅԻՆ ԿԱՅՈՒԹԻՒՆԸ

„Vae victis“!

Անսովոր տենդ ու ջղայնություն — քաղաքական միջ- նորոգում: Ֆրանսիական միևնույն-նախագահի ուղե- ղությունը դեպի Պետերբուրգ աւելի ևս սաստկացրեց յուզած արամադրությունը: Ամենուրեք լարած ուշա- դրությունը հետևում են Պուանկարէի բայլերին, Պե- տերբուրգի ցոյց տուած ընդունելութեան, ցարի ու մի- նիստի փոխանակած ճառերին, որոնք ըստ երևոյթին նոր դարագլուխ պիտի բանան Ֆրանկո-ռուս զինակցու- թեան մէջ, նոր ու աւելի սերտ կապերով պիտի շաղ- կապեն երկու էապէս հակամարտ ուժերը, որոնց տա- րապայման ամուսնութիւնը 25 տարուց ի վեր չկարո- ղացաւ գտնել համակրութիւն, լայն, անկեղծ ժողովրդ- դականութիւն՝ գէթ Ֆրանսիայում: Շատ ու ակնաւոր Ֆրանսիացիներն աչքում — և ոչ միայն սօցիալիստների — այդ արտաւոյց „միութիւնը ջրի և կրակի“, հանրապե- տութեան ու բռնապետութեան այդ նողկալի գրկա- խառնումը մի անարգանք է Ֆրանսիայի համար: Նրանց յայտնի չէ, թէ ինչ է շահել իրենց հայրենիքը այդ դաշնակցութիւնից, որի շնորհիւ Ֆրանսիայի արտաքին քաղաքականութիւնը տասնեակ տարիներից ի վեր մի շարք խոշոր խնդիրներում ստորագրել է ռուսականին, վարկաբեկել բարոյապէս, իջել մինչև ամենաանարգ սպասաւորութեան աստիճան: Նրանք միայն գիտեն, որ Ռուսաստանն է մեծապէս շահել, — աւելի ճիշտ՝ ցա- րիզմը — բանի որ յանուն դաշնակցութեան, Ֆրանսիայի միջնորդները հոսել են շարունակ դեպի Պետերբուրգի աւազականոցը, գնացել են սնուցանելու Անդրսիբիրեան և ուրիշ տխրահռչակ ձեռնարկները, բազմացնելու բան- տերն ու ոստիկան-ժանդարմական վոճմակները, ուժե- ղացնելու բռնապետական ուժակցիան, խորտակելու ժո- ղովրդական յեղափոխութիւնը...

Եւ այժմ էլ այդ նոյն սրտացաւ քաղաքացիները ան- հանգիստ հարց են տալիս իրենց՝ արդեօք այդ նոր ուղեորութիւնը չի՞ պատրաստում նոր ու հսկայ մի փոխառութիւն...

Ուղեորութիւնից բիչ առաջ հրապարակ նետուեց մի անակնկալ երկու զինակիցները վերջերս բանակցել և կապել են մի նոր, լրացուցիչ դաշինք — նաւային դաշինք: Եւրոպական պատերազմի ատեն՝ երկու պետու- թիւնների ոչ միայն բանակները, այլ և նաւատորմերը պէտք է միանան, աջակցեն փոխադարձաբար: Բայց... Ռուսաստանը նաւատորմ չունի, գրեթէ չունի: Նա ճգ- նում է դուրս նետել Սև Ծովի իր բանտարկութիւնից դեպի լայնարձակ Միջերկրականը, ուր մրցում են զօ- րաւոր պետութիւններ: Բայց նրա ծովային ուժերը խոր- տակել են Եապոնական պատերազմի միջոցին և այժմ նա նորէն պէտք է վերակազմի իր նաւատորմը: Իսկ դրա

համար — դրամ է պէտք և մեծ, հսկայ դրամագլուխ Ենթագրում են, որ դարձեալ Ֆրանսիան է, որ պիտի հոգայ:

Բայց Պուանկարէի խորհրդաւոր ուղեորութեան հետ կապում են և մի շարք այլ հիպոթեզներ. կապում են թիւրքական ճգնաժամը և Դարտանելի բացման յաւի- տենական կնճիռը. ոմանք չափազանց հեռու են գնում՝ գուշակելով մօտալուտ և հիմնական յեղաշրջումն դիւա- նագիտութեան հաւատամքի ու ընթացքի մէջ և՛ իբրեւ դրա հեռանք... Թիւրքիոյ մօտալուտ հաշտարարումը: Այսպէս թէ այնպէս, դեռ շատ հեռու ենք բաղ- ձալի խաղաղութիւնից — պատերազմի մողորդ միշտ աւելի և աւելի սրում է իր ժանիքները: Մի վայրկեան բիչ մնաց, որ հրդեհը բորբոքէր ամբողջ Բալկանեան թե- րակղզու վրայ, Մօնաքենգրօի և Թիւրքիոյ յարաբերու- թեան խզումով: Առաջն առան. բայց յայտնի չէ, որքան ժամանակով: Մակեդոնիայի վիճակը շարունակ զբաղե- ցնում է արիւնակից Բուլղարիային, թիւրքական ուժի մը այդ վայրում ևս ցոյց է տալիս իր կատարեալ անկա- րողութիւնը, ինչպէս Հայաստանում և հետզհետէ աւելի ու հաւանական է դառնում Բուլղարիայի գալոց զին- ւած միջամտութիւնը: Մակեդոնական և բուլղարական ախորժակները աւելի ևս վառւելու են Ալբանիայի ինք- նօրինութեան նւաճումով... Զամենայն դէպս, հաշտու- թիւնը և յարմարումը թիւրք ուժի մի հետ բնաւ չի նկատում մակեդոնական բուլղարների մէջ, ևս առաւել չի լինի այսուհետեւ, քօշանայի սոսկալի կոտորածից յե- տոյ: Սօֆիայի կիսապաշտօն „Միր“ը յիշեալ կոտորածի առթիւ ցատկով բացականչում է, որ թիւրք ուժի մից ոչ մի յոյս չկայ, որ նա երբէք չպիտի կարողանայ բա- րեկարգել երկիրը, որ նոր թիւրքերը հնքի պատճէնն են, նրանց հաւատարիմ սաները՝ ներքին, „ազգային քաղաքականութեան“ մէջ, որ հետեւապէս բալկանեան պետութիւնները պիտի ձեռք առնեն անհրաժեշտ միջոց- ներ՝ իրենց ցեղակիցներին ազատագրելու...

Արեւելքը, սակայն, մտահոգութեան միակ կենտրոնը չէ եւրոպական դիւանագիտութեան համար: Թուրքես- ները նախատեսնում են գալոց պատերազմը աւելի լայն հօրիզոններում: Եւ ի՞նչպէս չնախատեսել, երբ կատար- ւում է մեր աչքերի առջև այդ խօլական մրցութիւնը արեւմտեան պետութիւնների միջև, այդ յարաճուն տենդը զինաւորման մէջ, զրահանաւերի այդ անվերջ բազմա- պատկումը իւրաքանչիւրի կողմից: Անգամ Աւստրիան և Իտալիան տենդային կերպով սկսել են աճեցնել իրենց նաւատորմը՝ Միջերկրական Ծովի վրայ իրենց դիրքերը հաստատելու և պահպանելու համար:

Բայց ընդհանուր ուշադրութեան առարկան է — Գեո-

մ անիան: Անգլիային, Ֆրանսիային և Ռուսաստանին ամենից աւելի անհանգիստ է անում գերմանական նաւատորմը, որ աճում է հսկայական բայլերով: Այդ ահաւոր իրողութեան հանդէպ ամենից շատ մտաւանջւողը Անգլիան է: Պատճառները բացատրել ենք հանգամանօրէն «Դրօշակ»ի մի շարք յօդաւածներում *):

Վաղուց չէ տեսնուած մաքերի այնքան բուռն ալեկոծում նաւատորմի շուրջը բրիտանական կայսրութեան մէջ, ինչպէս վերջին ամիսները: Պարլամենտի մէջ մի քանի միներտներ յաջորդաբար ճառեցին այդ հրատապ նիւթի մասին և փաստեցին նաւատորմի ուժեղացնելու անհրաժեշտութիւնը: Մամուլը, հասարակական կարծիքը բուռն կերպով արծարծում են նոյն թեզը: Ազատամիտ նախարարութիւնը, որ շատ բարեկամ չէ Ձեմբերլէնների իմպերիալիստական ծրագիրներին, գրեթէ էապէս նոյն քաղաքականութիւնն է բանեցնում այսօր, ինչ որ մղել են պահպանողական նախարարութիւնները: Համարքիտանական կայսրութիւնը վտանգի մէջ է—վտանգի մէջ է նրա հռչակաւոր և վիթխարի նաւատորմը: Պէտք է այն դարձնել շատ աւելի մեծ, աւելի վիթխարի, որպէս զի ընդհարման պարագային կարողանայ ապաւել մի քանի միացեալ հակառակորդներին... Այլապէս, ասում են, Մեծ Բրիտանիան չի կարող պահպանել աշխարհածաւալ իր տիրապետութիւնը:

Գերմանիան ուժեղացնում է իր նաւատորմը հիւսիսում, իսկ նրա երկու դաշնակիցները—Աւստրիան, Իտալիան—ուժեղացնում են հարաւում, Միջերկրականի վրայ: Անգլիան պէտք է այնքան զօրանայ, այն աստիճան պիտի աճեցնէ իր զրահանաւերի քանակը, որ կարողանայ ապագայում «մեծ տեղ հասնել» ամեն տեղ զարնել յաղթականօրէն... Այնուամենայնիւ սեփական ուժերը չպիտի բաւեն, որքան էլ լինին մեծ ու ծաւալուն: Եւ ահա Անգլիոյ քաղաքագէտները ձգտում են ստեղծել մի հոյակապ զինակցութիւն. ձգտումը նոր չէ. 7—8 տարի է արդէն, ինչ դարձնել է հռչակաւոր *entente cordiale*-ը (մտերմական համաձայնութիւն) Անգլիայի և Ֆրանսիայի միջև, այնուհետև Ֆրանսիացիների դաշնակից Ռուսաստանը ևս բաշւել է այդ համաձայնութեան մէջ. այժմ ձգտում են երեքպետեան այդ համաձայնութիւնը վերածել մի ահեղ և ներդաշնակ նաւային բանակի: Եւ այդ պէտք է լինի, ենթադրաբար, Պուանկարէի ուղեւորութեան նպատակներից մինը...

Այո՛, հեռու ենք տակաւին խաղաղացումից: Ժողովուրդների, բոլոր ժողովուրդների պատերազմական տենդը մի ահարկու սլացք առաւ վերջին ամիսներում, թիւրքական Արևելքը մեծ, չարաշուք հնոցն է, ուր բորբոքւում են միջպետական ախորժակներն ու մրցում:

*) Տես «Գերմանական արշաւը և թիւրքի» ճակատագիրը՝ վերնագրով յօդաւածաշարքը:

ները. պատերազմի ուրականը ճախրում է և Արևելքում և Արևմուտքում, հնչում է ամենուրեք զօրաւորագոյնի վայրագ ճիչը, հնչում են դեռ վրէժխնդրութեան կրճառները, մի նոր մարիկ կարող է անցնել քաղաքակիրթ աշխարհի վրայից, աւելի հսկայ և կործանիչ, քան բոլոր եղածները... Ամենքն էլ ձգտում են չոր պահել իրենց վառօգը, վա՛յ այն ազգերին, որ կը մերժեն ամօթալի երկչոտութեամբ ինքն ապաշտպանութեան հաւատամքը, վա՛յ նրանց, որ բացառութիւն կը կազմեն էգօիզմի, մարտական եսասիրութեան այդ ճարակող ուրագանի մէջ... *Vae victis!*

Կ Ե Ն Ս Ա Գ Ր Ա Կ Ա Ն

Դ Ա Ի Ի Թ Թ Ո Ւ Մ Ա Ն Ե Ա Ն

(«ԾՈՒԻ ԴԱԻԻԹ»)

1910 թ. յուլիսի 30-ին Վանի Արարաց հրապարակի վրայ, մի զգուշի դաւադրութեան զոհ գնաց մեր «Ծուռ Դաւիթ»ը—Դաշնակցութեան զինւորական շարքի ամենայնադուգն դէմքերից մէկը:



Դ աւ ի թ Թ ու մ ա ն ե ա ն

Դաւիթը բնիկ ալջավազցի էր, Վանի գաւառէն, գիւղի զաւակ, անգրագէտ, բայց զգայուն սրտով և իր ժողովրդի ցաւերին գիտակից:

Նա յարել է Դաշնակցութեանը մեծ կոտորածներից առաջ, աշխատել է դեռ Պետօի և Վազգէնի օրերում: Ջարգերէն վերջը, երբ 800 վասպուրականցի երիտասարդներ իրենց գերեզմանը գտան Գիւլջալդարայի

լանջերուս, և երբ քաղաքի մէջ մնացել էին յետհետ-
ները՝ իրենց հպատակութեան կոչերով, Դաւիթը դուրս
էր մնացել այդ անկումից և չգիմանալով այդ լքման՝
անցել էր արտասահման:

Կոտորածները, հակառակ Համիդի երազներին, չեն
դառնում յեղափոխութեան գերեզմանափորը, ընդհա-
կառակը. Գիւզալդարայի զոհերը վրէժ էին աղաղա-
կում — և վրէժը լուծւեց... յիսանասորի արշաւանքը՝
նոր թափ ու ոգևորութիւն մտցրեց երկրի մէջ մնացած
յեղափոխական փոքրիկ շրջանակների մէջ. պէտք էր
վերակազմել Գեպրեքից յետոյ արտասահման անցած
ուժերը կամաց-կամաց անցնում են Երկիր. արդէն ճիշտ
«Արշաւանքի» օրերը Վազգէնի և Գուրգէնի և երկրացի
բազմաթիւ ընկերների հետ առաջին խումբը մտնում է
Վան:

Հարկաւոր էր նորէն ուժ ամբարել, հարկաւոր էր
զէնք, իսկ այդ կը բերէր արտասահմանէն, ամեն մի
զէնքի համար յաճախ մի քանի մարդկային զոհեր տալով...

Եւ ահա՝ յիսանասորի արշաւանքի՝ դպրոցի առաջին
զինատար խումբը ճանապարհւում է Վան, յայտնի
սպարապետացի Շաշօի խմբապետութեամբ, որը Արշա-
ւանքի բաջերէն մէկն է:

Դաւիթ արտասահման մնացողներէն չէ, երկիրը բա-
շում է նրան, և նա արդէն Շաշօի հետ է:

Խումբը մտնում է հէնց սահմանագլխից և կուսի
բռնւում: Ձտեսնւած և չլսած զինատար խմբերի պատ-
մութեան մէջ — նրանք Յ օր գրեթէ անգագար կուելով,
առաջանում են դէպի Վան... Կռիւները սարսափ են տա-
րածում շրջանի մէջ. կուռղներից մի քանիսը իրար կորց-
նում են, նրանց մէջ էր Դաւիթը: Լաւ ծարօթ լի-
նելով շրջանին և ճանապարհին՝ նա զէնքերը պահելով,
ուզում է մտնել Բաշկալէ, բայց դժբախտաբար բռնւում
է: Եւ սկսւում է Համիդեան ուժի մի յատուկ բարբա-
րոս ծեծը... Դաւիթը անյողգողդ է. բայց բան փրցնել
բերնից չեն կարողանում: Ընդհակառակը. գաղափարի և
զէնքի մարդը յաղթանակում է: Դաւիթը սկսում է
բանտի մէջ իր սիրած քրդական երգը, որով գրաւում է
բոլոր պաշտօնեաներին և բիւրդ բանտարկեալներին...
Ծեծը վերջանում է, սկսւում է դատաւարութիւն. ար-
դիւնքը պարզ է. զէնքով գիմարութիւնը կառավարու-
թեան՝ արժանանում է «կախաղանի», բայց օր առօր
սպասուող կախաղանի փոխարէն հասնում է ընդհանուր
ներման լուրը: Դաւիթ ազատ է և Վանում սուսիկ-
փուսիկ զբաղւած է իր գործով. նա արհեստով պայտա-
գործ էր: Վերակազմութիւնը շարունակւում է. խմբերից
յետոյ հասնում են ինտելիգենտ ուժերը: Յեղափոխա-
կան կեանքը սկսում է տաքանալ Վանում. հասել է և
Վարդգէսը... Դաւիթը արդէն նրա մօտ է... Յօրեկը
համեստ արհեստաւոր, գիշերը կտրիճֆէրայի — ահա Վանի
մեր համեստ ընկերներից մի քանիսի մեծ արժանիքը:

Աշխատել միշտ լէգալ լինել, աշխատել բեռ չլինել
կազմակերպութեան գլխուն, ընտանիք պահել և կու-
սակցական գործերն էլ տանել, ահա Դաւիթի և նման
ընկերների թանկագին առաքինութիւնը:

Բայց այդ երկար չի տևում, մէկ երկու տարի և ահա
ծայրը բացւում է, այս կամ այն ձևով Դաւիթը երկար
չի կարողանում մնալ լէգալ վիճակի մէջ: Վառավարու-
թիւնը գործի վրայ է, նրա բունը խանգարել է: Գե-
րեզմանները շարժւում են, մեռելները յարութիւն առ-
նում, մեռած կարծած յեղափոխութիւնը նորէն հասու-
նանում է. բայց բռնակալները կոյր են, փոխանակ իսկա-
կան պատճառները հարւածելու, հետեանքներն են
հարւածում...

Յեղափոխական խմբումը Վանի մէջ զգալի կերպով
ուժեղացաւ Վարդգէսի գալէն վերջը. եւ կառավարու-
թիւնը արամաբանեց. ուրեմն յեղափոխութիւնը Վարդ-
գէսն է, նրան մէջտեղից վերցնելով, յեղափոխութիւնն
էլ կը մեռնի:

Վանը — ի մեծ ցաւ վանեցիների և ի մեծ դժբախ-
տութիւն մեր շարժման — հարուստ է ոչ միայն լաւ
յեղափոխականներով (Վազգէն, Աւետիսեան, Միքօ,
Փոխուն, Ախպար և այլն), այլ մանաւանդ լաւ դաւա-
ճաւան երօղ. պատճառների մէջ չենք մտնում...

Հայ մատնիչի օգնութեամբ Վարդգէսի տեղը մատ-
նւում է, զօրքերը շրջապատում են Խամար քաւանի,
անկիւնի «Թուռչանց» տունը, ուր գտնւում էր Վարդ-
գէսը, միայն երկու զինւորներով: Տօների առթիւ տեղացի
զինւորները տուն էին գնացել, իսկ դրսի ընկերներէն
Կէորդ Չաւուշ (այդ ժամանակ մի քանի ընկերներով
Վան էր), Վարդան-Շահպազ, Դաւիթ և ուրիշներ խմբով
անցել էին Ալճաւազ՝ կազմակերպական գործով:

Վարդգէսը հասկանում է, որ շրջապատւած են, սե-
նակից դուրս ելնելով, կրակում են կտուրի վրայ կանգ-
նած զինւորների վրայ, որոնք թափւում են փողոց:

Որոշում են փողոցի դուռը բանալ, յանկարծ գրոհ
տալ, մեռնել և կամ ազատել: Դուռը բանալով ներսի
ու դրսի կրակները իրար են զուգադիպում, Վարդգէսը
ոռէն զարկւում է, առաջանալ այլ ևս անկարելի է:
Զինւորների զէնքերը փճանում են, կրակել չի լինում:
Ստիպւած են դառնալ և փորձել տանիքների վրայով
խուսափել. ելնում են տանիքը. — դրացու կտուրը մօտ է
իրենց տանը. անցնել հեշտ է, բայց միւս կողմը հար-
կաւոր է վար ցատկել 6—8 մետր մի կտուր. զինւոր-
ները ցատկում են, նրանց հետեւում է և Վարդգէսը,
ոտի վերքէն ուշագնաց լինելով՝ մնում է տեղն ու տեղը...
մնացածը յայտնի է. միւս օրը Վարդգէսը ձերբակալ-
ւում է:

Քաղաքը սարսափ է ընկնում, կոտորածների սարսափը
դեռ թարմ էր:

Վարդան և Դաւիթ Ալճաւազէն կը դառնան գործերը

ղեկավարելու Բայց նախ պէտք է դաւաճանը զարնել։
Դաւիթն է տերօրիստը։ Օրը ցերեկով, քաղաքի բա-
նուկ փողոցի մէջ, դաշոյնի մի բանի հարւածով գետին է
փռուում մաւնիչ խաչիկ Սէմէրճեանը։ Եւ սարսափը
կրկնապատկուում է, կառավարութիւնը ամենախիստ մի-
ջոցների է դիմում տերօրիստին բռնելու համար։ Քա-
ղաքացիք ահաբեկւած՝ չեն տալիս ապաստան և ահա մեր
Վարդան-Շահպազը, Դաւիթը և միւս ընկերները ըս-
տիպւած են լեռ քաշել ձիւն-ձմեռը, 3—4 մեթր ձիւն
մէջ ապրել շաբաթներով, Վարագայ լեռան բարանձաւ-
ներում, վայրի այծերի ընկերակցութեամբ, անօթի ու
ծարաւ իսկ վարը՝ բաղաքը կատարում է իր բրիստո-
նէական պարտականութիւնը տօների և խրախճանքների
մէջ...

Դաւիթ փախստական է արդէն, զբաղւում է զէն-
քերի փոխադրութեամբ, զինւորական խմբեր կազմակեր-
պելով, նորեկ ընկերներին գաւառ առաջնորդելով և այլն։
Սէմէրճեանի տերօրը Դաւիթի շուրջը նոր համակրանք
և պաշտամունք է բերում. «Ծուռ Դաւիթ» արդէն ահ
ու սարսափի նշանակ է. նրան սկսում են երգել, նա
ինքն էլ հիւսում է Վարդգէսի բանտարկութեան և դա-
ւաճանի սպանութեան առթիւ մի բրդերէն երգ, որ յե-
տոյ այդ շրջանի բիւրդ ժողովրդի սիրած երգերից
մէկն եղաւ։

1905 թ ամառն է. լսում է, որ Կովկասի մէջ կռիւ
կայ. պահել չի լինում. գանգաւում է, թէ «Վանի պա-
րոնները խաղաղասէր են, անոնք կռիւ չեն ուզեր, աղէկ
կ'ընեն, բայց ես առանց կռիւ չեմ կ'նսար մնալ. Կով-
կաս կերթամ»...

Եւ ահա նա Կովկաս է, հայ-թիւրքական ընդհարում-
ների մէջ, միշտ բաջ, միշտ անձնէր և միշտ մաքուր, մի
բան, որ փոքր ինչ դժւար էր գտնուում այդ ժամանակ,
սուկնի պէս բուսած նորելուկ զինւորների մօտ։

Ընդհարումները վերջացած են, նա բաշւում է գործի՝
Բագու։ Սակայն պայթում է Վանի աղէտաւոր դաւա-
ճանութիւնը (1908 թ.)։ Դաւիթը սահմանազուխն է,
խմբի հետ պատրաստւում է Վան մտնել։ Ուշ էր. սահ-
մանադրութիւնը երկնքից շուտ հասաւ, մեզ և իրենց
փրկելու համար։ Բայց նա արդէն Վան է. միշտ նոյն
ձգտումներով, նոյն կորովով և անձնէրութեամբ։ Իր
ընտանիքի հացը հայթայթելու համար՝ նա զբաղւած է
իր գործով և հարկաւոր դէպքում կազմակերպութեան։
Եւ այդ օրերից մինչև իր մահան օրը՝ նա մնաց Վանի
կազմակերպութեան պահապան հրեշտակը. նա է Վա-
նեանի հետ ամեն տեղ. նա է գաւառների ամեն անկիւն
վազողը. նա է մարտ 31-ի թէպէտսի օրը շուկայ վա-
զողը և ժողովրդին ամենավտանգաւոր ճանապարհով
Այգեւստան առաջնորդողը։

* *

Վանի ղեկավար ընկերները երբէք չեն մոռանալ
Դաւիթի հերոսական ժեսսերէն մէկը հայկա-
րէական օրերին։ Վանի ամբոխը կատաղել էր
մի հրապարակային դասախօսութեան առթիւ, ուր վի-
ճաբանութեան ժամանակ երիտասարդ ուսուցիչներից
մէկը հակակրօնական դիտողութիւններ էր արել։ Սկս-
ւում է արշաւանքը նախ երիտասարդութեան և ապա
կուսակցութեան դէմ։ Այգեւստանի մէջ «նոր սերնդա-
կանների» որս էր. ամբոխը թաղեր ընկած երիտասարդ-
ներ կը փնտռէին «ի խաչ հանելու» համար։ Շատերը
կուշտ ծեծւում ու վիրաւորւում են. երեկոյան դէմ
ինտրիգներով լարւած ամբոխը հաւաքւում է Դաշնակ-
ցութեան կուրբի առջև, աղաղակելով, թէ «կ'լուրը ան-
աստածութեան բոյն է, թէ գրքերը պէտք է վառենք»
և այլն։ Վաւաճանը վրայ է հասնում, բայց նրա յոր-
դորներն ու սպառնալիքները զուր են անցնում, նրան ևս
սպառնում են ատրճանակով. վերջապէս ոստիկանու-
թիւնն է վրայ հասնում, ամբոխը ցրում, «երիտասարդ»
ասւածներից մի բանիսին բռնում, իսկ գործը յանձնւում
է հայոց առաջնորդարանին, իբրև կրօնի ներկայա-
ցուցչի։

Միւս օրը ամբոխը նորէն կուրբի առջև է. բաղաքի
շուկայում կոչ է եղել. «Աստուած սիրողը այսօր խանութ
չբանայ և առաջնորդարան գայ»։ Ամբոխը պահանջում
է, որ ինքը անձամբ առաջնորդարան տանի երիտա-
սարդներին, դատելու համար, սպառնում է գրադարանի
դռները կոտրել... Դաւիթը նախընթաց օրը բաղաքում
չէր. նոյն գիշերը պատահաբար դարձել էր. միւս օրը
նա էլ կուրբի մէջ է, ամբոխը նրան գիտէ. Երբ պա-
հանջը կրկնւում է, նա տասնոց ատրճանակը բաշած
մէջտեղ է նետւում գոռալով. «Ով որ համարձակի
կուրբի դռն մօտենալ, դիակը գետին կը փռւի»...

Ամբոխը ցրւում է, քաշւելով առաջնորդարանի առաջ.
երիտասարդները Դաւիթի ուղեկցութեամբ առաջնոր-
դարան են գնում... Ցեսարանը յիշեցնում է Հոսի մէջ
1600 թիւն տեղի ունեցած Զօրդան օրու և օր
դատը։ Խեղճ վանեցի պատանիները, առանց Բրուսօ լի-
նելու, նրա պէս անմահացան այդ օրը... Կրօնական ժո-
ղով սկսել է դատը. շուկայի հազարաւոր ամբոխը
կուտակւել է Առաջնորդարանի առջև և կուզէ ուժով
վեր ելնել ու իր ցանկալի ուղղութիւնը տալ դատին։

Դաւիթը նորէն մէջտեղ է, մի բարձր բարի վրայ.
«Ծօ, դուք Աստուած կը պաշտպանէք, ծօ, դուք աստ-
ւածավախ էք, հապա՛ ձեզ հետ ի՞նչ գործ ունի դա-
ւաճան Դաւիթի հայրը, դաւաճան Ամին, սրիկայ կոռու-
պուճեր, ծօ դուք աստուածավախ էք, ձեր...»։ Իւ ատըր-
ճանակը բաշւում է ու ամբոխի մէջ նետւում։ Ամբոխը,
ամօթահար, բաշւում է Ս. Նշանակի եկեղեցին՝ միտինգի
ժողովը տալիս է իր դատաւիճիւնը. երիտասարդներից մի
քանիսը դատապարտւում են. «զրկել ազգային իրա-

ւունքներէն և ազգային վարժարաններու մէջ պաշտօնավարելէ...

Եւ կրօնական պրօբլեմը դրանով լուծւած կարծեցին... Այնուհետեւ Դաւիթն եղաւ ժողովրդի, երիտաւարդութեան պաշտամունքի առարկայ: Եւ այդ առանց բաժանելու երիտասարդների հայեացքները: Կուսակցութեան դէմ պայքար կար, պէտք էր չէզոքացնել հարւածները և ապա ներսը մաքրել ներքին վէճերը:

Իրաւունք ունէր Դաւիթի մահը «Դրօշակ»-ի խմբագրութեան հաղորդող ընկերը, երբ նա ստում էր. «Սա մի չափազանց դժգոյն նկարագրութիւն է, եթէ ինկատի ունենանք Դաւիթին իր ծայրայեղ կորովով, յանգրգնութեամբ, զոհաբերութեամբ: Նա մի անձնաւորութիւն էր, որ յեղափոխական ժամանակներում սարսափ էր ազդում թշնամիներին, խաղաղ ատեն պատկառանք և նրա մահով մենք չկորցրինք մի սոսկ մարդ, այլ մի անձ, որ յիշեցնում էր իր ներկայութեամբ մի ամբողջ շրջան: Նա գնաց. նրան փոխարինել դժւար կը լինի»...

Այո, նա գնաց պառկելու Արարաց գերեզմանատանը՝ վազգէնի, Միքօի, Արշակի, Յարութիւնի, Ռուբէնի բով... Եւ այդ գերեզմանները կը դառնան ուխտատեղի յեղափոխական հաւատացեալների համար:

Ա Ր Ա Մ

Թ Ե Ր Թ Օ Ն

Ո Ր Պ Է Ս Զ Է Գ Ի Ա Թ

I

Ս Ե Ի Զ Ի Ա Ի Ո Ր Ը

Ա.

Շոգ ամառ էր.

ճաշը վաղուց անցել էր, բայց արևը դեռ շարունակում էր թափել երկնքից կիզիչ շողեր, որպէս հալւած կապարի ցնցուղներ:

Գիւղն ամայի էր, փողոցները՝ թափուր. կրակ կարած մթնոլորտը բոց մշուշով խաղում էր տափակ կտուրների ու խոտի խանձած գէգերի վրայ: Վաղ առաւօտից՝ հօտ ու հովիւ բաշւել էին սարերը, և մշակ ու հնձոր արտերում, մարգերում աշխատանքի դուրս եկել:

Խրճիթներից բիչ հեռու, կանաչ բլրի լանջին, ուր մի աղբիւր էր կարկաչում, ու մի բանի ուռիներ զով սուեր էին տարածում, նստած էին մի խումբ կանայք օրւայ խեղդող տօթը վանելու համար: Նրանց չորս կողմը բազմաթիւ մեծ ու փոքր մանուկներ՝ կիսամերկ, գլխաբաց ու ոտաբոբիկ, բայց ժպտուն, անհոգ ու չարաճճի թաւալ էին տւել գետնին, փոշիների մէջ, իրար քաշքշում

էին ու բրբջում: Ապա մէկէն նրանք վեր ցատկեցին որսալու համար այն երկու թիթեռներին, որոնք իրար համբոյր տալով՝ մերթ թաղում էին ուռիների զով սաղարգի մէջ, մերթ յայտնւում, միշտ տարփագին, միշտ սիրագեղ ու հմայիչ: Սակայն թիթեռները վտանգն զգալով բլուրն ի վեր խոյս տւին, բաշ տալով իրենց յետևից կանչւող փոքրիկների ամբողջ խումբը: Մի վայրկեան կանաչ մարգագետինը թնդաց ուրախ ճիչներով, գանգրահներ գլուխներն ու երկնքանգ թիթեռները պտոյտներ գործեցին արևի շողերով ոսկեզօծ, յետոյ խումբը հեռաց յետ եկաւ յաղթական—ամենից ճարպիկները թիթեռների թևերից բռնած բերում էին: Ու փետեցին գոթախտ, թրթռուն միջատների մի մի թևը, վար դրիր գետին նրանց դողդոջուն եթերային մարմինները. ու խելայեղօրէն բրբջում էին, զւարճանում, երբ ջինջ եթերի, արձակ հովերի, բուրակէտ ծաղիկների հետ խաղացող թիթեռները, թևակոտոր ու խղճուկ, որպէս վաղաժամ խամրած երագներ, սողում էին փոշիների մէջ անօգուտ ճիգեր թափելով նորից սլանալ դէպի կապոյտ անհունը:

Ապա մանուկները ձանձրացած՝ նրանց մի մի թևն էլ կտրեցին և վերջում ջարդեցին թաթերով:

Այսպէս մեռան թիթեռները մի արևոտ օր, երբ որ այնքան շող ու բոյր կար երկնում... Եւ մանուկները ցնծում էին, մանուկները երջանիկ էին:

Նրանց մայրերն՝ այն գեղջուկ նազանքով, որ ժողովրդի կնոջ անարեւստ զարդն է, ուռիների սաւերում փռե էին իրենց գեղն ու հրապոյրները անհոգ և փարթամ, որպէս մայր բնութիւնը: Ով գիտէ, ո՞ր ձորից, ո՞ր լեռնակատարից մոլորւած հովը սուրում էր այստեղ, մի վայրկեան զով համբոյր էր տալիս մեղկօրէն մերկ սրունքներին, կիսաբաց լանջերին ու մարմար պարանոցներին, վշչում էր ուռիների սաղարգի մէջ, ապա անցնում, որպէս մի չքնաղ պատրանք:

Կանայք զրոյց էին անում ու աշխատում: Մէկը հանգարա կարում էր մի կտակէ շապիկ. երկուսը եռանդով բուրդ էին գզում սանդերքի վրայ. նրանցից բիչ հեռու երկու ջահել հարսներ, երեսների կարմիր քօղը կիսով չափ բարձրացրած՝ նուրբ ու վարժ մատներով գուլպաներ էին գործում և իրենց միայն լսելի շնչիւնով պատմում իրար հարսնութեան գաղտնիքներն ու արբեցուցիչ յոյզերը: Պառաւ Եղսանի կողքին, երեք հարսները միաժամանակ շուլուլում էին մի կտակէ վերմակ, մինչդեռ չորրորդ հարսը կերակրում էր օրօրոցի փոքրիկ մանկանը:

Ամենից բարձր սակայն պառաւ Եղսանի ձայնն էր լսւում: Քանի օր առաջ հեռաւոր գիւղում մի աղջիկ էին փախցրել հարսմիները, և այդ առթիւ պառաւը պատմում էր բոլոր հին ու նոր նման անցքերը, որ երբ և իցէ ապրել էր գիւղը: Ու կուրներ էին նրա զրոյցները, արիւնահեղ ընդհարումներ, սպանութիւններ,

կորած, անյայտ հերոսութիւններ, անծայր ու գալարուն, որպէս անիրաւ կեանքը մեր աշխարհի Այսօր թարմ անցքի ապաւորութեան տակ, առանձնապէս ուժգին շեշտեր էր գտել պառաւ եղսանը ուկնդրուհիներին յուզելու համար եւ երբ հասաւ «Սե Զիաւորին» քար լուծիւն իջաւ ուռնին՝ ի տակ Մանուկներն իսկ դադարեցին իրար քաշքշելուց ու բերանաբաց, աչքերը՝ խոհուն, ահանջ էին դնում անձայն:

— Հայ, առնդ աւերւի, Սե Զիաւոր, ո՛ւր ես, դու էլ մի տղամարդ էիր, եկար աշխարհ ու գնացիր... ո՛ւր ես, չէ՞ ասում են սե օրերին դու էլի մեր սարերում երևում ես քո հրեղէն ձիով...

Աղբիւրը կարկաչում էր. ուռնները փսփսում էին մեղմիւ և հեռուն, դաշտ, սար ու ձոր մի անծայր յօրանջով հեռում էին բարկ մշուշի մէջ:

— Էսպէս օրօրոցի երեխայ էր, շարունակեց իշսանը, մայրը կաթ չունէր, քանի անգամ բերել է ծիծ եմ աւել, հազար երանի՛... առիծի ձագի պէս էր ծծում ստինքներս... յետոյ մեծացաւ...

Պառաւ յանկարծ լռեց, ու սկսեց արագ արագ ձեռքի թեշին պտտել, երբ հանդիպակաց խճիթից դուրս եկաւ մի ջահիլ կին, որ նայեց ուռնների տակ նստած խմբին ու կանգ առաւ: Նա բարեձև, շնորհալի հասակ ունէր ու գեղանիստ, դալար իրան, որի փարթամ ձեւերը չէր կարողանում աւել նրա անպաճոյճ զգեստը: Սե լաւի տակ գունատ դէմքը, տրտմօրէն անուշ, վաղաժամ խամրած ծաղկի պէս կրում էր իր վրայ մի լուռ ու մխացող վիշտ. և աչքերը խորունկ ու երազուն՝ անդառնալի մի կորուստ փնտրողի աեսքն ունէին:

Պանանց խմբի մէջ խեղդաւած շշուկ բարձրացաւ և անցաւ մի ծայրից՝ միւսը: Ա՛յդ նկատեց արդեօք, թէ՛ մի այլ մտածումով, մենաւոր կինը ըստ երևոյթին փոխեց իր մտադրութիւնը, չ'առաջացաւ դէպի ուռնները, նստեց խճիթի դռան սաւերապատ թմբի վրայ, յետ արեց լաչակը, բաց ձգեց լանջը, մի փոքր զով առնելու համար, և գլուխը քաշ՝ սկսեց հանդարտ գործել ձեռքի փոքրիկ թասագը: Ուռնների տակից դէպի նա սլացաւ մի վեց-եօթ տարեկան մանուկ, հասաւ մենաւոր կնոջը ու խանդաղատագին փարեց նրա պարանոցով: Մայրը համբուրեց զաւակին ջերմօրէն ու նրա արեւառ այտերը ափերի մէջ բռնած՝ երկար նայում էր աչքերին:

Վաղբից ու շոգից յոգնած երեխան գլուխը մօր ծնկանը դրեց ու պառկեց, խոհուն հայեացքը դէպի վեր յառած: Թուխ դէմք ունէր նա, պայծառ իմացական աչքեր և սե հարուստ խոպոպներ, որոնց ծայրերը արևից խանձաւ՝ հասած հասկի պէս դեղնել էին: Մայրը նրա գլուխը բնբջօրէն տեղաւորեց ծնկանը, մատները թաղեց թաւ մազերի մէջ, գուրգուրեց, բացեց լայն, բարձր ճակատը, բրտիները սրբեց, կռացաւ կրկին համբուրեց, ապա լռելեայն վերսկսեց աշխատանքը:

Երեխան նայում էր մօր ձեռագործին, բայց մտքերը հեռու էին, ու աչքերի մէջ մի անյագ հետաքրքրութիւն էր փայլում:

— Մայրիկ, Սե Զիաւորն ո՞վ է, ասաց նա յանկարծ: Մայրը շարունակ ընդհատեց աշխատանքը, կռացաւ զաւակի դէմքին, լուռ նայում էր:

— Ախ, ջանիդ մեռնիմ բալա. ու նա խորունկ ախքաշեց:

— Մայրիկ, եղսան մարէն ա՛յ էնտեղ Սե Զիաւորն էր պատմում, յետոյ դու որ դուրս եկար, սուս կացաւ, բոլորն էլ սուս կացան, յետոյ ինձ նայեցին, էլի բաներ ասացին... ու ես էլ եկայ... Մայրիկ, գիտե՞ս, սարից էն կողմը, հեռու, չեմ իմանում ո՞րտեղ, մի աղջիկ են փակցրել, իշսան մարէն ասաց՝ «Սե Զիաւոր ո՞ր ես»... Մայրիկ ջան, ո՞վ է Սե Զիաւորը:

— Հէքիաթ է, բալա՛ ջան, Սե Զիաւորը, հէքիաթ, հանգստացիր, քրտնած ես, յոգնած:

— Մայրիկ, ես ուզում եմ, որ դու ինձ Սե Զիաւորը պատմես:

Մայրը վերստին լռեց, և իր պրպտողի հայեացքը ուղղեց հեռուն. երևի յուշերը ծանր էին, աչքերը արագ-արագ թարթում էին՝ եռացող արցունքները զսպելու համար:

— Քնի՛ր բալաս, թող ես էլ թասագը գործեմ, ասաց նա փոխած ձայնով:

— Մայրիկ... երեխայի ձայնը դողաց. նա յամառաբար Սե Զիաւորի հէքիաթն էր ուզում:

Ուռնների վրայ զարկեց ճնճղուկների մի ամբողջ երամ. նրանք ոստոստում էին ու ճուռղում. կանաչ ու կարմիր բզէզները լողում էին արևի ոսկէ շողերի մէջ. շատ վերեւ՝ զով բարձունքում, երկու արագիլ սաւառնում էին անվերջ շրջաններով. կանայք զրուցում էին ցածրաձայն: Իւ մենաւոր կինը՝ անուշագիր դէպի բոլորը՝ մեղմիւ պատմում էր զաւակին Սե Զիաւորը:

Բ.

— Սե Զիաւորը, բալա ջան, ասում էր նա կերկերուն ձայնով, բոյ ու բուսաթով տղամարդ էր. նա սե մազեր ունէր, սե աչքեր, ու երբ սուրը կողքին, հրացանը մէջքին, հեծնում էր իր ձին ու անցնում գիւղով, բոլորը դուրս էին թափւում նրան նայելու: Չին խաղում էր նրա տակ, խրխնջում, փնչացնում, ու ոտներով փոշի էր հանում ամպի պէս: Յերեկով էլ էր գնում Սե Զիաւորը, գիշերով էլ. սար ու ձորի տէրն էր, ոչ ոքից վախ չունէր, աւազակները նրա անունից դողում էին:

Էսպէս էր Սե Զիաւորը:

Ու մի անգամ հաւար եկաւ դաշտից, թէ մի աղջիկ տարան:

— Ո՞վ տարաւ մայրիկ:

— Հարամիները, բա՛լա ջան, մեր սարերում շատ հարամիներ կան. նրանք աղջիկ են փախցնում, մարդ են սպանում, թալանում, աւազակներ են. խաբար եկաւ, թէ աղջիկ փախցրին դաշտից: Սէ Զիաւորը ամենից առաջ հասաւ հաւարին. այ, էնտեղից անցաւ, էն լէն ճամբով. էլի ձին խրինջում էր ու վիշապի պէս գնում:

Գնաց հասաւ հարամիներին. նրանք շատ էին:

— Հէ՛յ, քաֆուրներ, պոռաց, ո՛ւր կը պրծնէք իմ ձեռից, ցած դրէք աղջիկը:

— «Զէ, ասաց հարամին, դու ինձ չես հասնի՞. ու աղջիկը ձիու թամբին պինդ բռնած, քշում է, հաքշում, իսկ Սէ Զիաւորը նրա յետեւից հասուէհաս:

— Հէ՛յ, աղջի, պոռաց Սէ Զիաւորը, թեքւիր, թեքւիր մի կողմի:

Աղջիկը լսեց, կռացաւ, բաշ ընկաւ ձիուց. հարամու թիկունքը բացեց. Սէ Զիաւորը քաշեց հրացանը, նշան մտաւ, զարկեց հարամու մէջքից. հարամին ընկաւ, ընկերները փախան, աղջիկն ազատեց:

Էսպէս էր Սէ Զիաւորը. նա առաւ աղջկան, գիւղ բերեց, յետոյ եօթն օր եօթ գիշեր հարսանիք արին ու նրանց պսակեցին:

Մայրը խորը հառաչեց ու լռեց:

— Յետոյ ի՞նչ եղաւ Սէ Զիաւորը, մայրիկ:

— Սէ Զիաւորն էլ չկայ, բալա՛ ջան:

— Ի՞նչ եղաւ մայրիկ Սէ Զիաւորը:

— Մի օր էլ հաւար եկաւ, շարունակեց մայրը, թէ գիւղի նախրը տարան աւազակները. Սէ Զիաւորն էլի գնաց նրանց վրայ, կրակի պէս գնաց: Յետոյ՝ ուշ գիշեր էր, որ ձին մենակ եկաւ, սէ ձին. եկաւ հասաւ բրտիների մէջ կորած, խրինջալով կանգնեց դրան առաջ, փնջացնում էր, ոտները գետին աւլիս ու լալիս. տէրը չկար. ձորերի մէջ մի անիրաւ գնդակ էր դիպել Սէ Զիաւորին ու նա ընկել էր հեռու, հեռու մի սարալանջի Էսպէս մեռաւ Սէ Զիաւորը բալա ջան, հարիմները զարկեցին: Կրկին լռութիւն տիրեց...

— Մայրիկ դու ինչո՞ւ ես լալիս:

— Ե՛ս... ես չեմ լալիս, բալա:

— Ա՛յ, աչքիդ արցունք կայ:

Մայրը շտապով սրբեց գոգնոցով արցունքի խոշոր կաթիլը, որ բաշ էր ընկել աչքից և իր մութ վիշտը մատնել զաւակին. ապա դարձեալ մատները նրա մազերի մէջ թաղեց, բացեց ճակատը, նայեց, նայեց, կռացաւ համբուրեց այնպէս տարփոտ գորովով, որ երեսայի հոգին սարսուեց:

— Մայրիկ, երբ ես մեծանամ, ինձ համար մի սէ ձի կ'առնեմ:

Ու երեսայի աչքերը վառւում էին յափըշտակութեան բոցով:

— Ա՛խ, բալա ջան, սէ չէ, սպիտակ ձի, ամպի պէս ճերմակ:

— Չէ՛, ես սէ եմ ուզում, սէր լաւ է վազում:

— Սէր դուշմանիդ, ճերմակ ձի, ճերմակ ձի, բեզ մատաղ:

Մանուկը գլուխը տարուբերեց. նա համաձայն չէր. նա դեռ երկար նայում էր հեռուն, երկար խորհում էր իր մանուկ խոհերը, որոնք առնական ծանրութիւն ունէին իրենց անորոշութեան մէջ, ապա կամաց կամաց թերթերունքները բաշ ընկան ու նա նիրհեց երազելով սէ ձին, մութ ձորերն ու գիշերներն ահաւոր:

Գ.

Արեւը հանդարտ իջաւ դէպի մուտքը. սուերները երկարացան ու կախեցին սարերից. մենաւոր կինը դեռ իր տեղումն էր ու երեսան ծնկին՝ բնում էր մուշ մուշ: Մայրը գործը թողած՝ անթարթ նայում էր զաւակին, նրա խուփ աչքերին, պայծառ ճակատին, կիսաբաց շրթ-թունքներին, լսում էր նրա եթերային շնչառութիւնը, և զգում էր այդ սիրուն գլխի ջերմութիւնը, որ ծնկից բարձրանալով՝ տարածւում էր ամբողջ մարմնով և իր մատաղ ու վիրաւոր մայրութիւնը փոթորկում: ստինք-ների մէջ բնորոշ յոյզերի բոցը սփռում:

— Քնի՛ր բալա, մեծցի՛ր բալա, արեւիդ մեռնեմ, մրմնջում էր նա:

Եւ այդ «սիրուն բալայի» առնական ապագայի հետ՝ նա ո՛չ մի որոշ մտապատկեր կապած չունէր. մայրու-թիւնն էր միայն, որ բնազդօրէն տենչում էր իր զաւակը տեսնել տղամարդ, յաղթակազմ, հուժկու տղա-մարդ: Ու երբէք նա չէր ասել որդուն թէ, «Սէ Զիաւորը» նրա հայրն է, իր քաջարի ամուսինը, երբէք չէր ասել, որ աւազակների ձեռքից խլած աղջիկը՝ հէնց ինքն է, այս վշտաբեկ այրին: Չէր ասել, որ այն հոյակապ հերոսի սուգն է կրում տարրներից ի վեր: Լաւեւայն ու գաղտնի արցունքով նա համբուրել էր զաւակի պայծառ աչքերը, ուր հօր իմացականութիւնն էր փայլում, նրա բարձրագիւր ճակատը, ուր նրա հպարտ արիութիւնն էր թառած, նուրբ շրթունքները, ուր հօր անընկճելի կամքն էր թրթռում: Վրէժի կարմիր թոյնը չէր քամել իր զաւակի մատաղ հոգում, և ոչ հօր առնական կորովն ու անձնուրաց առաքինութիւնները շնչացել նրա ականջին: Ո՛չ, նազանը չէր ուզում, որ զաւակը հօր ճամբով գնայ, այդ ճամբան շատ էր քարքարոտ, փշոտ, արիւնոտ. թո՛ղ մեծանայ զաւակը հէնց այնպէս, ինչպէս անտառի կաղ-նին... իր մօր համար:

— Քնի՛ր բալա, մեծցի՛ր բալա... չէ՛, չէ՛ սէ ձին չեմ ուզում, արեւիդ մեռնիմ...

Արդէն երեկոյ էր:

Ուռիների տակից կանայք հետզհետէ քաշեցին, դաշտից դարձող աշխատաւորներին հոգալու. թեթեւ հովը օրօրում էր ուռիների դալար ոստերը. աղբիւրը բրբջում:

էր միակերպ ու անծայր. և մանուկը դեռ քնում էր այնպէս խորն ու այնպէս անուշ և մայրը ակնապիշ ու հմայւած՝ նայում էր նրա կիսաբաց շրթունքներին, որոնց վրայ մի բանի անգամ երազի պէս գիւթիչ ժպիտ խաղաց ու անցաւ, նայում էր այդ անմեղ հրեշտակային դէմքին. ու խորհում էր Սե Զիւաւորի մասին, որ մի օր սե Զամբով գնաց այլ ևս երբէք յետ չգալու համար:

Այն այդ Զամբան, արիւն-արցունքի զուլում Զամբայ...

Հօրից յետոյ նաև զաւակը.. սե Զիւաւ վրայ... նոյն զուլում Զամբով... Ու վախով յիշեց, թէ ինչպէս վառւում էին փոքրիկի աչքերը, երբ սե Զի էր ուզում բիշ առաջ. յետոյ՝ այնպէս նման է հօրը, այնպէս նման...

— 2է՛, չէ՛, սե Զին չեմ ուզում, մըմնջում էր նա: Ե՛ւ հպարտ էր, որ հօրն է նման զաւակը, և՛ դողում էր, վախում էր, որ այդպէս է...

Յետոյ մի այլ պատկեր եկաւ խռովելու նրա հոգին. մի կտրիճ երիտասարդ, որ չորս տարուց ի վեր, իր կինը կորցրած՝ Նազանի ձեռքն է խնդրում: Սե Զիւաւորի պէս չէ նա — ո՛վ կը լինի Սե Զիւաւոր, նա մի զարմանալի հէքիաթ էր, եկաւ ու անցաւ — բայց գիւղի ամենէն ընտիր, ամենէն սրտոտ տղամարդն է Օհանը: Եւ նրան գուցէ կարողանար տալ իր ձեռքը Նազանը, եթէ Սե Զիւաւորն այնպէս պինդ նստած չլինէր նրա սրտում և այնպէս յամառաբար չը պահէր իր տեղը նրա հոգում: Յետոյ զաւակը կար, այս չքնաղ մանուկը, որ իր աչքերի մէջ, իր ճակատի ու շրթունքների վրայ հօր պատկերն էր կրում ու խրճթի մէջ, նրա կողքին նրա ներիական յուշերը կենդանի պահում:

Այնպէս հօր են մեծ մեռելները...

Եւ Նազանն սպասում էր, որ ժամանակը մեղմացնի վերքերի կսկիծը, Զամբայ հարթի մի նոր բախտի համար: Սպասում էր և՛ Օհանը:

Նրանք փոխանակում էին լուռ, նշանակալից հայեացքներ միայն, իսկ գիւղը շնչում էր, կանայք յօրինում էին հազար ու մի զրոյցներ: Տարիներն անցնում էին սակաւ և Նազանի գլխից այրիութեան քօղը չէր վե՛ւ վերանում, միայն մանուկն էր օր աւուր աճում ու զօրանում և մայրը հսկում էր նրա վրայ, որպէս արծիւն իր ձագին:

— Քնիր բալա, մեծցիր բալա, արեւիդ մեռնում:

Եւ մանուկը քնում էր մուշ մուշ, ու սե Զիւաւ կունքին նա տարւում էր դաշտերով, ձորերով, հովը շոյում էր նրա ճակատը, ձին թռչում էր, ձին սլանում էր վիշապի պէս, փոշին բարձրանում էր ամպերով ու մանուկը երջանիկ էր, մանուկը ժպտում էր հեռաւոր երազներին, ու Զամբան վերջ չունէր, ու ձոր ու դաշտ անծայր էին... Եւ նրանից հեռու մի մարդ էր գնում, մի ահագին հսկայ, նոյնպէս սե Զիւաւ, նրա առաջ լեռները իրենց մէջքերն էին ծռում որպէս ծեծւած շներ, և Զիւաւ ոտների տակից կայծեր էին ցայտում՝ կրակի փունջերով...

Դ.

Արեւն իսպառ ծածկեց:

Արեւմուտքը ողջ լողում էր երփներանգ ցուքերի մէջ և լեռների թիկունքից կարմիր լոյսերի հսկայական խուրձեր էին ժայթքում դէպի երկնքի ճակատը: Յեղյեղուկ ու շառագոյն ամպեր, որպէս կարմիր յուշերի երեւուն կարաւան, թրթռում էին լեռնակատարներին, ապա կամացուկ լուծւում հսկայական հրդեհի ծոցում:

Աղջկերանց խմբերը դարձան դաշտերից երգ ու ծիծաղով և իրենց հետ դէպի անհամարյր ու խղճուկ խրճիթները բերին լայնարձակ, գիւթիչ բնութեան խինդն ու բոյրը: Հնձուրների դանդաղ, յոգնաշխատ շարանը յայտնեց դաշտերի ծամբին ու նրանց գերանդիներն ու մանգաղները վերջալոյսի բոսոր ցուքերի տակ կայծկըլտացին:

Նախիրը դեռ չկար և ոչ հօտերը ոչխարի. տանտիկիններն ի զուր էին սպասում կովկիթները ձեռներին: Ու յանկարծ՝ հաւար բրդաւ.

»Նախիրը տարան դաշտից, ոչխարը բշեցին հարամիները«...

Գիւղում խուճապ սկսեց:

Աղմուկ, կանչ, օգնութեան ճիչեր... Կանայք կտուրները բարձրացան, տղամարդիկ դէպի դաշտ վազեցին, զինւած՝ ով ինչով կարող էր: Նազանը ցնցեց. երեխան զարթնեց, բացեց իր խոշոր աչքերը, ուր դեռ լողում էին երազները, ու բնաթաթախ հայեացքով նայում էր իր շուրջը: Մայրը գրկեց նրան, սղմեց կրծքին այնպէս պինդ, պինդ, ասես սկսած շփոթն ու իրարանցումը նրա զաւակը խլելու համար լինէր:

Հեռու ձորերում ճարճատեցին հրացանները. լեռները տեքացին մահասարսուռ արձագանքներով, իսկ գիւղում եկեղեցու զանգը հնչեց դողդոջ ու գալարուն, աղօթք ու լաց, անէծք ու օրհնութիւն իրար խառնեցին:

— Մայրիկ էս ի՞նչ է:

— Ոչինչ բալա, էդ ամպերն են գոռում սարերում: Նազանը դողդողում էր և սղմում, սղմում զաւակին գրկի մէջ:

— Մայրիկ, էս ի՞նչ լացի ձայն է, այ էնտեղ:

— Պառաւ Հերիքի կովերն են կորել բալա, ու նա լալիս է:

— Մայրիկ, գիտե՞ս, ես երազիս տեսայ Սե Զիւաւորին, նա գնում էր, ես էլ յետևից, ես էլ Զիւաւ, սե Զիւաւ:

Ու մայրը վերստին երկիւղով տեսաւ զաւակի երազուն, քնաթաթախ աչքերում ծանօթ կրակը, որպէս հեռաւոր մշուշի մէջ փայլող թրթռուն բոց:

— Սո՛ւս, բալա ջան, սո՛ւս...

Մշուշը թանձրացաւ, խաւարը պատեց արարաշխարհ, Նազանը դեռ իր տեղումն էր, երեխան պինդ սղմած

կրծքին, աչքերը՝ կիսախուփ, հոգին՝ ալեծոփ, երեւակայում էր այն Սե Զիւաւորը, որ ասում են, ամեն անգամ երեւում է ձորերում, հէնց որ գիւղին ապէտ է պատահում:

Սե խաւարը պատել էր գիւղն ու շրջակայքը. հրացանների ձայները դադարեցին, հօտ ու նախիր անհետ կորան, գիւղացիք յետ եկան և իրենց հետ բերեցին մի գիւղ:

Օհանն էր սպանւած...

Նազանը կանգնել էր խրճիթ ներս մտնելու համար, ու քարացաւ իր տեղում, երբ գիւղի կենտրոնում բարձրացաւ Օհանի մօր լացն ու ողբը:

Նազանը ծնօտի տակ պինդ ամրացրեց կրկնակի այրիութեան բօղը:

— Էլի՛, էլի՛... մըմնջում էր նա, ու ոտները դողդողացին վշտի այս նոր բեռի ծանրութիւնից, նա յետ յետ գնաց, թիկունքը պատին տեց, ձեռքերը ջղայնօրէն տարածեց խաւարի մէջ, ու դժւար էր իմանալ. աղօթում է նա, աղերսում, թէ անիծում: Գուրծքը յուզմունքից ալեկոծ, բիւրբը լայնացած, նա անթարթ նայում էր մութ հեռուն, ուր ինչ որ անորոշ ձևեր, խօլական սուերներ գալարում էին, բարձրանում, իջնում ու առաջ սլանում, որպէս մրկի շնչով հալածական:

Իսկ շները ոռնում էին չարագուշակ ու այլանդակ:

— Մայրիկ, ի՛նչ մութ է, տուն մտնելու, մըմնջում էր երեխան մօր փէշերին կպած: Մայրը չէր լսում. նա աջ ձեռքով ծածկել էր աչքերը չտեսնելու համար ահաւոր տեսիլքը, ու խօսում էր ինքնիրան այնքան մեղմ, այնպէս պաղատագին, որ ասես անթաղ մեռելի մի սուեր լինէր, որ ապաստան էր խնդրում մայր երկրից իր ցաւատանջ թափառումները կարճելու համար:

— Չէ՛, չէ՛, անողորմ... քշիր հեռու այդ սե ձին... մենակ եմ ախր... տաշտի վերջին հացը քաղցած մուրացիկն իսկ չի տանի, ի՛նչ ես ուզում, ո՞ւմ ես փնտրում...:

Եւ անհամար բազմութեամբ սե ձիւաւորներ, իրար յետևից, իրար ոտքի տալով սլանում էին երկնքի երեսից, և սե խաւարը անքում էր նրանց ոտների տակ, ու հեռուն Օհանի մայրը դեռ անիծում էր, ողբում, չորացած ձեռներով փոշի ցանում դէպի վեր, դէպի աստղերը:

— Մայրի՛կ, մայրի՛կ...

Նազանը չէր լսում:

— Տե՛ս, այրիութեան բօղը կրկին հանգոյցով պինդ կապեցի... ամեն օր թռնից ծուխը պալան-պալան կը հանեմ, սե մազերս սպիտակ կը հիւսեմ, ու դու բո սե ձին քշիր հեռու, ճամբադ սե է, սե՛ սե...

Ի՛նչ վառ աստղ ցոլաց երկնքում, գունատ, թրթռուն փայլով ողողեց մօրն ու զաւակին, նազանն ու շքի եկաւ, թափով խլեց մանկանը, ներս տարաւ ու դուռը պինդ փակեց:

Իսկ դրսում, գիշերային քար լուծեան մէջ աղբիւրը

պատմում էր խաւարին մի հին հեքիաթ, որ ոչ սկիզբ ունէր և ոչ վախճան. ուռնները վերից թախծօրէն օրօրում էին իրենց սաղարղները, ցօղէ արցունքներ մաղում ու վշվշում, բարձրում խօլական սուերները ահօսում էին հորիզոնները ցասկոտ ու անհանգիստ, և սսկած խրճիթների տակ, վիրաւոր սրտերի մէջ, մի հին ու մեծ վիշտ էր մխում թագնւած կրակի պէս...

Ե.

Ճրագի լոյսը պլպլում էր մեղմիւ. սիւների սուերները երերում էին պատերի վրայ. ու գիշերային հովը աշխարհի հազար ու մի ցաւագին ճիչերով բեռնաւորւած՝ յամառ ու միակերպ ծեծում էր Նազանի դուռը, որի յետևում Սե Զիւաւորի զաւակն էր հանգչում.

„Բա՛ց, բա՛ց...“:

Ճ Ա Ր Ա Գ Ի Ր

ԱՆՑԵԱԼԻ ԱՐՇԻՎՆԵՐՈՒՄ

ՎԱՐԴԱՆԻ ՅԻՇԱՏԱԿԱՐԱՆԸ

„Նախաբան“ գուցէ պէտք չէ. ան ունեն արդէն յանձնարարական է: Պետօ, Սաքօ, Դոււման, Վարդան — մեր առաջին „գիտազօրներն“ են (eclaircisseurs), մեր անդրանիկ դրօշակակիրները, որ հանդէս են եկել Վազմակերպութեան արշալոյսին, նետել են հայոց ազատութեան մարտադաշտը, իբրև ազգային և մանաւանդ քարոզիչ, պրօպագանդիստ, գնացել են հերկելու խոպան գետինը, մղում տալու „կայծերի“ հեղինակի ծրագիրներին, ձուլելու երկրի մէջ և կիսազատ սահմաններում այն առաջին կազմակերպական կորիզները, որոնք յետոյ աստիճանաբար աճելով, ծնունդ տւին լայնատարած, զանգւածային բանակին:

Առաջին երկուսը այսօր արդէն նահատակ են: Ի՛նչ — Պետօն — որ դեռ 1890 թւականից հաստատուել էր վանի մէջ և սերմանել առատօրէն իր ըմբոստ գաղափարները, նահատակեց Վասպուրականում, 1896-ի արիւնալի ընդհարման մէջ: Ի՛նչ — Սաքօն — մեռաւ 1908 թւականին, Էրեւանում, երբ գիւղում էր դէպի Պարսկական Յեղափոխութեան կրկէսը:

Վերջին երկուսը, բարեբախտաբար, կենդանի են և ի վիճակի՝ պատմելու մեզ յեղափոխական գործունէութեան այն նախնական դրաւները, այն առաջին քայլերն ու խարխալումները, այն խիզախ ու յուսահատ, երբեմն օրհասական, հոգեվարքոտ թռիչքները, որոնցով հայ անդրանիկ քարոզիչը ձգտել է խորտակել անտար-

բերութեան սառուցը, իր թշուառ Հայրենիքում, ձգտել է փոթորկել ստրկութեան մրափը և հրել զանգաւածները դէպի կռիւ ու վերածնունդիւն...

Ահաւասիկ այդ պատմութիւնը: Պարզ, անպաճոյճ, ինչպէս ինքը հեղինակը, ինչպէս մեր բոլոր զինւորները: Բայց որքա՞ն յուզիչ է նա իր միօրինակ ու միապաշար ֆօնի մէջ... Միօրինակ է տանջանքի ու զրկանքների այդ հրէշաւոր պատկերը, միօրինակ են հերոսական մաքառումի այդ դժոխային մանրամասները — և գուցէ տեղաւոր նրանք ձանձրացնեն ընթերցողին. ի՞նչ արած... այդ դաժան միօրինակութիւնը մեր կեանքի չարաշուք սեփականութիւնն է, մեր ռազմիկի «ստորերկրեայ» գոյութեան ու գործունէութեան յատկանիշը...

Քայլի՛ր անմուռնչ գիշերային խաւարի մէջ, սարերով ու ձորերով, լուսաբացին թագնւի՛ր անմատչելի դարաններում, հսկի՛ր մշտապէս բրդական վոհմակների գէմ, որ ամեն մի քայլափոխիդ հեռւում են նզովքի պէս, տնքա՛ր բեռի տակ, փոխադրելու հրացանները շալակիդ, դողա՛ միշտ մ'ա տ ն է ե լ ու վտանգից, մաքառի՛ր շարունակ սոսկալի բնութեան գէմ, տառապի՛ր ցրտից, քաղցից ու ծարաւից, ապրի՛ր միշտ անքուն, տանջալի գիշերներ, առանց տաք սնունդի, առանց տաք ծածկոցի, փնտրի՛ր մշտապէս անառիկ քարայրներ, ուր կարենաս շունչ առնել, փոքր ինչ հանգստանալ, կազդուրել, պատրաստ եղի՛ր ամեն վայրկեան պաշտպանելու, կռուելու և վտանգի րոպէին մագլցի՛ր լեռն ի վեր, շտապի՛ր գրաւելու ամենաբարձր դիրքերը, թաղի՛ր հապճեպով սպանւած ընկերներին, երբեմն ձգի՛ր նրանց հոգեվարքի ցնցումներում և փախի՛ր գահաժողով խուճապներից... մի՛ խօսիր ու մի՛ հազիր պտոյանների միջոցին, քո ձայնը կարող է լսելի լինել շրջապատին, անտառի մէջ քայլելիս մի՛ զարնւիր տերեւներին, նրանց դաւաճան խշուրը կարող է ուշադրութիւն հրաւիրել, մի՛ ծխիր օդի մէջ, որովհետեւ այդ ծուխն ևս կարող է նկատել թշնամու որջերից... թագնւի՛ր բոլորից, և՛ քրդից ու հայից, և՛ կառավարական զաֆթիէից, և՛ հովիւից ու շնորհից, կեկւի՛ր ու գալարւի՛ր, երբ հանդիպես մի անմեղ կառաւանի, թէկուզ մի հատ ճամբորդի, թէկուզ մի խեղճ, ողորմելի լամուկի, որ կարող է «հաւա՛ր» ձգել և խմբի գոյութիւնը վտանգել... Եւ այդ ահաւոր միջավայրում, այդ անհնարին դժոխքի մէջ՝ միաժամանակ առաջ տար քո դրական աշխատանքը, մտի՛ր գաղտնագողի հայկական գիւղերի մէջ, հաւաքի՛ր զգայուն երիտասարդներին, խօսի՛ր, բարոյի՛ր, կազմակերպի՛ր, հալածի՛ր վատերին, պատժի՛ր լրտեսներին, մատնիչներին, դաւաճաններին — ահաւասիկ հայ ռազմիկի գերմարդկային պաշտօնը, ահաւասիկ այն եզակի, անօրինակ պայմանները, որոնց մէջ մեր անդրանիկ խմբերը կատարել են իրենց վսեմ, առաքելական թափօրը... Սոսկալի է. յոգնում էք, ձեր նիարգերը թուլանում են և ուղեղը տառապում

է այդ մոնօտօն պատկերների անծայրածիր շարանից...

Այո. հայ կեանքի «ռեալիստները», անհրապօր և նիւթապաշտ անդորրութեան մէջ փափկացած հոգիները կարող են արգահատական ժպիտով անցնել այս բոլորի վրայից, բայց նրանց համար չէ վարդանի յիշատակաւորանք, նրանց չէ, որ կը մատուցանենք հայ յեղափոխական արշիւների այս անսպառ ու սրտառու էջերը, որոնցից հիւսւած է մեր նորագոյն պատմութիւնը — մի պատմութիւն, որի բեմը զարդարել է գաղափարական երիտասարդութեան ամենաընտիր, ամենաշքեղ հատւածը...

Թողնե՛ք այժմ, որ խօսէ ինքը վարդանը, վասպուրականի, Շատախի այն հինաւուրց կռիւների հերոսը, որին քաջ լեռնականները յաւերժացրել են իրենց ոգեշունչ տաղերի մէջ «Շատախ առիւծ» մականունով *):

I

Դ Է Պ Ի Վ Ա Ն Ե Ի Վ Ե Ր Ա Դ Ա Ր Զ

Բ Ո Ղ Ա Զ Ա Զ Է Ս Ա Ն Ի Կ Ռ Ի Ի Ը

Առաջին հանգրւանը — Պարսկաստան...

1890 թ. վերջերից կուսակցութիւնը հաստատուել էր արդէն Ասորպատականում և կազմում էր պատկառելի ուժ: Մի քանի հոգի եկել էին այդտեղ՝ «Երկիր» մըտնելու նպատակով և դրա համար. պէտք եղաւ երկար սպասել:

Մէկը ես էի, եկել էի 1890-ի վերջերին և տեսնելու անհամբերութեամբ սպասում էի բաղձալի օրւան: Այնտեղ, վանում, Դաշնակցութիւնը ունէր արդէն իր ներկայացուցիչը: Պետօն, անխոնջ, անձնէր, գաղափարական Պետօն, հոգ էր պատրաստում ապագայի համար: Նա անցել էր, իբրեւ հաւթաւանցի վաճառական, ազատ կերպով, բաւական ժամանակ ապրել էր ազատ, ծանօթացել էր ժողովրդի և տեղական միակ կազմակերպութեան, արմենականների հետ, նրանց միջոցով զէնք էր մտցրել երկիր, ժողովրդի յեղափոխական տարրերին բաժանելու: Պետօն սակայն շուտ հիասթափուեց արմենականների վերաբերմամբ և որոշեց, որ պէտք է աշխատի՝ Դաշնակցութեան սեփական ուժերով գործի ձեռնարկել: Անցնում է այդ նպատակով Պարս-

*) Վարդանը տեղ-տեղ ակնարկում է հակառակորդ կուսակցութիւնների անցանկալի արարքների վրայ: Ցեղ ենք տալիս նաեւ այդ ակնարկներին՝ պատմութիւնը և պատկերը լրիւ ցուցադրելու համար և ոչ բնաւ կուսակցական քննախնդրութեամբ: Հ. Յ. Դաշնակցութիւնը վաղուց արդէն հասել է այնպիսի դիրքի՝ ուսկից դիւրին է անաշու և արդար լինել դէպի հակառակորդ մարմիններն ու անհատները, յարգել նրանց մէջ լաւերին և արհամարհել վատերին: ԽԲՄ.

կաստան, այնտեղից Կովկաս Կրկին վերադառնում է Պարսկաստան և խմբի համար պատրաստութիւններ են տեսնում:

Հասաւ 1894-ի սեպտեմբերը, երբ պիտի ուղղւէինք դէպի Մայր-Հայաստան: Մինչ այդ՝ ժամանակիս մի փոքր մասը անցուցել էի Սալմաստի գիւղերում, տեսչի ծառայի պաշտօնով (թեմական տեսչի ձիաւոր): Իսկ ամենամեծ մասը՝ Դերեկ վանքում, մերթ վանահօր օգնականի պաշտօնով, մերթ սպասաւորի, ձիաւորի, երբեմն էլ վանքական կալաւածների կառավարչի օգնականի:

Այդ վանքի մէջ շատ արկածների հանդիպեցայ, շատ փորձանքների մէջ ընկայ: Այդ վանքը եղաւ իմ կեանքի դպրոցը, ուր առաջին անգամը ստացայ ռազմական քիչ թէ շատ փորձառութիւն: («Վանք» բառը այստեղ չպէտք է հասկանալ բուն էութեամբ, աղօթատեղի, ուր մարդիկ աղօթքով ու ժամասացութեամբ են զբաղւում):

Հասաւ բոլորիս ցանկացած օրը. պէտք է երկիր մտնէինք, բայց դժբախտաբար, այդ ժամանակը ես հիւանդ էի և բժիշկը արգելում էր երկար ճանապարհ գնալ, երկուշ կրելով վատ հետեանքից: Բոլոր ընկերները խնդրում են, յորդորում են ինձ, որ այդ անդրանիկ խմբին չմասնակցեմ: «Հիւանդ ես և կարող ես ամբողջ խումբը վտանգի մատնել» — ասում էին և շատ էին խնդրում ու թախանձում: Բայց ոչ մի կերպ չեն կարողանում համոզել: Ես ի վերջոյ այսպիսի պայման դրի. «Ընկերներ, եթէ ամենեւնի ճանապարհին, որ յետ եմ մնում ու չպիտի կարողանամ ձեզ հետ քայլել և իմ պատճառով խումբը ստիպւած պիտի մնայ դաշտի մէջ, ես ինձ կ'ըսպանեմ և դուք իմ զենքերը վերցնելով, կարող եք շարունակել ճանապարհը»: Բոլոր ընկերները զիջանում են ո'չ միայն այդ պայմանը աչքի առաջ ունենալով, այլ և այն՝ որ ես ամենից երկար սպասողն եմ եղել այդ օրին:

Սեպտեմբերի վերջերն էր. Դաշնակցութեան 12 հոգուց բաղկացած անդրանիկ զինակիր խումբը — կազմ ու պատրաստ Նրա անդամները համարեա թէ բոլորն էլ աչքի ընկնող երիտասարդներից էին. բոլորն էլ՝ զինավարժ: Խումբն իր հետ տանում էր 18 հրացան. խմբի մէջ էր և Պ ե տ օ ն:

Երեկոյեան, մութը գետինը ծածկելուց յետոյ, երբ արդէն գիւղի ամբողջ ժողովուրդը ընկղմել էր խոր քնի մէջ, մի փոքրիկ բակում շարեշար կանգնած էին հայդուկները. նրանց շրջապատել էին մի քանի կանայք և տղամարդիկ. աղօթում էին ու բարի ճանապարհ մաղթում:

Առաջ շարժւեցինք: Գնում էինք ամենայն արագութեամբ, որպէս զի դեռ լոյսը չբացւած հասնէինք որոշ կայանը: Առաւօտեան, մինչև լուսաբացը արդէն մեր որոշւած տեղումն էինք, առանց որեւէ ճամբորդի հանդիպելու: Ամբողջ գիշերւայ ընթացքում առաջի կայա-

րանը՝ Դերեկի հանդէպ գտնւած սպիտակ սարի լանջն էր: Ցերեկն այդտեղ անցկացնելով, երեկոյեան առաջ ենք գնում: Ես միշտ երկիւղի ու տարակուսանքի մէջ էի, թէ ահա մի ժամից ոտքերս կը կաշկանդւին, ճանապարհին կը մնամ, բայց չէ, որքան գնում եմ, այնքան ուժերս աւելանում են և ամենից առաջ ինքս եմ, շարունակ հարցնելով հանգուցեալ Շ է ր օ ի ց. — «Երբ արդեօք կը մտնենք Հայաստան»:

Այդ գիշեր ճանապարհին Պետոն հիւանդանում է, բայց բրդական գիւղի շների հաջորդ, գիշերապահների միմեանց ձայնակցելը ստիպում էր բոլոր թափով առաջ գնալ. ահա և խանաբագին, ահա հ մ ա ն ա գ լ ու խ ը: Այդտեղ — մի կարկաչուն աղբիւր: Նստում ենք, քիչ հանգստանում: Կուշա խմում ենք ու առաջ գնում: «Ահա և մենք Հայաստանի մէջ» — բացականչում է յանկարծ Շերօն: Իմ ուրախութեանը սահման չկար. այլ ևս չեմ քայլում, այլ թռչկոտում եմ... «Հիմա որ մեռնեմ էլ՝ հոգս չէ»:

Աղօթարանը դեռ չբացւած՝ գտնւում ենք մի այրի մէջ: Շերօն էր գտել: Եւ անունն էլ մնացել էր «Շէրօյի այր»։ Եղանակը ցուրտ էր, և մենք ամբողջ մարմնով դողում էինք: Երբ լոյսը բացւեց, մեր առջև փռւած էր Խ ա ն ա ս օ Ր ի ահագին դաշտը. զանազան կողմեր արածում էին բրդական հօտերը: Ցերեկը ապահով անցկացնելով՝ երեկոյեան ճանապարհ ընկանք դէպի «Կարմիր քարեր» կոչւած տեղը: Ճանապարհին մեր ընկերներից մէկը բաւական յոգնել էր և չէր կարողանում լաւ առաջ գնալ: Այդ պատճառով չկարողացանք մեր որոշ ապահով տեղը հասնել, այլ մնացինք լեռան ստորոտում, ճամբու մօտիկ մացառների մէջ: Մեր գրութիւնը վտանգաւոր էր, եթէ թշնամին նկատէր: Ամբողջ ցերեկը գրեթէ առանց շարժւելու — մի՛ գուցէ մեր շարժումից մացառներն էլ շարժւին ու ճամբորդները մեզ նկատեն — պառկել էինք մինչև երեկոյ: Բարեբախտաբար, ոչ ոք չնկատեց: Մութն ընկաւ, առաջ գնացինք: Գիշերը լուսնեակ էր և պէտք էր անցնել զինւորների պահականոցի մօտից. Շերօն ամեն բան գիտէր, նա այդ կեանքի մէջ լաւ փորձւած էր և մեզ ամենայն աջողութեամբ ու գաղտնի ճանապարհով էր տանում, երբեմն այնպիսի ճանապարհներով, որ ցերեկով տեսնողը կը սարսափէր... Բայց ինչ արած, միակ գիծն էր:

Առաւօտեան հոտանք Ա շ կ ե ր տ ու լ եռ: Մի ահագին լեռ է, շրջապատւած հայ ու քիւրդ գիւղերով: Այդտեղ ամառը վրաններ են լինում, իսկ մեր ժամանակ միանգամայն թափուր էր և մենք կարողանում էինք ցերեկով ևս առաջ երթալ: Լեռան գագաթին պառկել էինք հանգստանալու. հեռուից ոչխարներ տեսանք և կասկածելով, որ դէպի մեր կողմը կարող են անցնել, տեղից ելանք և մի յարմար տեղ փոխադրւեցինք: Հէնց նոր էինք պառկել այդտեղ՝ նորէն հեռուն

մի ինչ որ մարդ երևաց. երկար նայեցինք դիտակով, բայց նրա հայ կամ բիւրդ լինելը չկարողացանք իմանալ: Սակայն, նկատելի էր, որ ձեռքին հրացան ուներ. հաւանական էր, ուրեմն, որ բիւրդ որսորդ էր: Ինքն էլ կարծես մեզ էր նկատել. իսկ թէ ի՞նչ մարդկանց տեղ կընդունէր մեզ՝ այդ էլ դժար էր ասել: Բայց յամենայն դեպս մենք հարկ տեսանք հեռանալ մեր տեղից, կամաց-կամաց աւելի բարձր դիրքեր քաշեցինք, որպէս զի եթէ ուրիշներին իմաց տալու լինէր մեր մասին, իբրեւ թշնամիների, և կռիւ ծագէր, մենք լաւ դիրքերում լինէինք: Մինչև իրիկուն մնալով, ո՛չ մի հաւար և ո՛չ մի մարդ չեկաւ մեր կողմերը: Յերեկը կամաց-կամաց հանգստանալով շարունակեցինք ճամբան մինչև կես գիշեր: Ապա մի այդ գտնելով մտանք մէջը բնելու: Գիշերը սարսափելի ցուրտ էր: Մի քանի ժամ պառկելուց յետոյ, տեղներիցս ելանք ու լեռներով առաջ գնացինք: Մի քանի ժամ բարձրացանք ու մի բարձր տեղ նստեցինք. գիշերային գնալիք ճամբէն էինք դիտում: Առջևինս փռած էր Խոշաբի սարահարթը. հսկայ լեռներ, որոնց միջից երեւում էր հեռուն վարագայ լեռան գագաթը, ուր պէտք է հասնէինք այդ գիշեր: Երեկոյեան, դեռ բոլորովին չմթնած՝ լեռից իջանք մի ահագին ձոր: Ամբողջ 4 ժամ քայլեցինք ու հազիւ դուրս ելանք: Դեռ ձորի մէջտեղը՝ մեր առջևից յանկարծ հրացանի ձայն լսեց: Ամենքս դուրս ելանք ճամբուց և դիրք բռնեցինք: Բայց բանից դուրս եկաւ, որ չարաձգի Շերոն էր. մի վայրի ոչխար յանկարծ առաջն էր դուրս եկել. Շերոն չի համբերում ու կրակում է...

Այդ գիշեր մեր կացութիւնը աւելի վտանգաւոր էր. գնում ենք կառավարական ճանապարհով և ամեն քայլում կարող էինք ճամբորդների հանդիպել: Պէտք էր շտապել ժամ առաջ տեղ հասնել, բայց մեր յոգնած ընկերը դժարանում է քայլել: Նրա ոտքերի տակը ուռել էր...

Ճանապարհին տեղ-տեղ կարաւաններ էին պատահում, քաղաք գնացող: Դրանցից միշտ խոյս էինք տալիս զգուշութեամբ: Հասել էինք Նոր-գիւղի կեսառուկի ստորոտը, այդտեղ նորէն հանդիպեցանք ձիաւորների, որ հաւանօրէն զաթթիաներ էին: Մենք իսկոյն քաշեցինք մի կողմ, պահեցինք բարերի ետև, մինչև նրանք անցան: Ապա ահագին զառիվերը առջևինս առած՝ սկսանք բարձրանալ: Ահա և վարագայ լեռը: Առաւօտեան դէմ մտել էինք մի փոքրիկ բարանձաւի մէջ, հանգստանում էինք. մէկ էլ տեսանք՝ որտեղից որտեղ՝ ոչխարի հօտը մեր վրայ դուրս եկաւ. ահա և հովիւը վերջինը նկատելով զինւած մարդկանց՝ մնաց բարացած. աչքերը ապշած յառել էր մեզ: Շէրօի հարցին՝ պատասխանում է, թէ հայ է և վարագայ վանքի հովիւ: Երբ հեռը սկսեցինք հայերէն խօսել՝ նա ուշքի եկաւ և ուրախութեամբ ժպիտ արտայայտեց, իմանալով մեր հայ լինելը:

Մեր հացը վերջացել էր: Հովիւց հաց խնդրեցինք և նա իր բոլոր ունեցածը մեզ տեց, բայց էլի շատ քիչ էր, նոյնիսկ մէկ անգամ ուտելու համար: Ուստի խնդրեցինք հովիւց, որ քիչ կաթ կթի ոչխարներից: Աշուն էր, ոչխարների կաթը՝ քիչ: Մի քանիսը կթեց, հազիւ երկու հովաւան կոտ դուրս եկաւ. ամենայն խորթակով կլանեցինք: Ճանապարհի համար իւրաքանչիւրս մի-մի գրանջայ չամիչ էինք վերցրել (գարմիւսն). ցուրտ եղանակին նա քիչ օգնում է: Շերոն իր տոպրակի մէջ պահել էր իր բաժինը. հացի նեղ պարագային՝ փշրանքներով խառն՝ այդ էլ կերան հայդուկները:

Հովին երկար ու բարակ հարց ու փորձ արինք. վանքում ո՞վ կայ, վանահայրը ո՞ւր է (հանգուցեալ Գանիէ վարդապետը). արդեօք վանքի մէջ կառավարական պաշտօնեայ կա՞յ և ինչ և ինչ: Վանահայրը վանքումը չէր. այնտեղ զաթթիայ կար և մի երկու բարի ուսուցիչներ, հայեր: Հովին ասինք, որ այն երկու հայերին յայտնէ մեր մասին (մենք նրանց ճանաչում էինք) և ասէ նրանց, որ անպատճառ հաց բերեն:

Ամբողջ ցերեկն այդտեղ սպասելով, գիշերը քաշեցինք մի աւելի փոս տեղ, ուր շատ թէ քիչ կարող էր տաք լինել՝ ցրտից պաշտպանելու համար: Առաւան դէմ, լոյսը չբացւած, քաշեցինք աւելի բարձր ու ամուր դիրքեր: Ամբողջ ցերեկը մնալով առանց հացի ու ջրի. երեկոյեան նորից իջնում ենք ձորը՝ գիշերն այդտեղ անցնելու համար: Այդ գիշեր, այն երկու ուսուցիչները մի մեծ կապոց հաց հետերնին առած՝ գալիս են ձորերում փնտրելու մեզ, երգում են և ինչ, բայց չեն գտնում մեզ: Նրանց երգի ձայնը մենք չենք լսում. երկար ման գալուց յետոյ՝ նորէն դառնում են վանքը: Քաղցը մեզ շատ էր նեղում, ցորեկը բարձրանում էինք լեռը, առանց հաց ու ջրի անցկացնում, իսկ երեկոյեան իջնում էինք ձորը՝ գէթ ջուր խմելու: Արդէն երրորդ օրն էր, որ անօթի էինք: Հայդուկներից մէկին, կարթաւանցի Սահակին զէնքերը առնելուց յետոյ, ուղարկում ենք վանքը, որ գուցէ կարողանայ հաց բերել: Հայդուկը մտնում է վանքը և գաղտնի կերպով տեսնում դռնապանի հետ, ասելով նրան, որ իրենք մի քանի ընկերներ են, աղ են բերել, անօթի են ու հաց չունին: Դռնապանը, անպիտան 20 լախ-Դալման (հայ), պատասխանում է. — «ո՛ւտ ես ասում, դու զաչաղ ես, բեզբունել կըտամ»:

Խեղճ Սահակը հազիւ կարողանում է մի հաց վերցնել իրեն համար ու վանքից հեռանալ: Անօթութիւնը սաստիկ նեղում էր մեզ: Լուսաբացին, երբ բարձրանում էինք լեռը՝ հազիւ էինք ոտերնիս բարձր տալիս, այնքան թուլացել էինք: Հայդուկների գլխում զանազան մտքեր էին ծագում և մի քանիսի մէջ մանաւանդ յուսահատական տրամագրութիւն էր նկատւում: Ուզում էին, օրինակ, ճանապարհը բռնել ու անցնողին կողոպտել, գուցէ այդ ձևով կարողանային հաց ձարել: Բայց միև-

ները, որ Գործը իրենց սրտին աւելի մօտ էին ընդունում, համբերութեան խրատ էին տալիս և կարողանում էին յետ կանգնեցնել այդ վտանգաւոր ծրագիրներին:

Մի պարզ առաւօտ էր, ձորի մէջ երկու մարդ նկատեցինք, որոնք ձեռքերում ինչ որ կապոց ունէին բռնած. դիտարկով գննեցինք և իսկոյն ճանաչեցինք դրանց ով լինելը: Մի քանի հոգի վազէվազ իջանք ձորը, այդ մարդկանց մօտ վանքում եղած մեր բարի ծանօթներն էին, որ մեզ համար հաց էին բերել: Վարձ բարեւելուց յետոյ, նետեցինք հացի վրայ ու սկսեցինք կլանել լազահութեամբ: Ոչ մի խօսակցութիւն. միայն ուտում էինք: Եւ այնքան կերանք ու պաղ ջուր խմեցինք, որ հիմա էլ շատ ուտելուց չէինք կարող շարժել:

Վանքից եկողների հետ երկար խօսեցինք ու ճանապարհ դրինք: Նախորդ գիշերը մեր ընկերներից երկուսը գնացել էին վան՝ թէ հաց չըկելու և թէ մեզ համար տեղ պատրաստելու: Վանքի մարդկանց գնալուց մի-երկու ժամ յետոյ՝ ձորում երեւացին երկու այլ մարդիկ, մի երրորդի առաջնորդութեամբ: Վանքից էին գալիս, մեր ընկերներն էին չորհել: Նոյնպէս հաց էին բերել: Բայց արդէն կուշտ էինք, — վանքից եկած ամբողջ հացը, ժաժիկը, ընկուզը և խնձորը կերել էինք:

Հաց բերողները միևնոյն ժամանակ մեզ վաղադրութիւն պէտք է անէին դէպի բաղաբ: Դեռ մութը չհասած՝ բարձրացանք Ձիւթ լեռն ու կ'ընչաւ լեռը (Վարագի շղթաներից է): Այդտեղից պէտք է իջնէինք դաշտը ու դէպի բաղաբ, բայց մեր վաղադր փոքր ինչ մոլորեց, ժամանակն էլ ուշ էր, ուստի մնացինք Ձիւթ լեռն ու կ'ընչաւ ամբողջ գիշերը և ցերեկը: Հացը նորէն պակսեց մեզ. պէտք էր ծար տեսնել: Առաւօտեան վաղ մարդ չըկեցինք բաղաբ և շուտով երկու երիտասարդներ մի տոպրակով հաց բերին մեզ:

Գնում ենք վան, որպէս զի մինչև կողերի դուրս գալը՝ քաղաք իջնէինք: (Պիտի կոչում են գիշերապահ զինուորները, որ երեկոյեան, ժամը ըստ թրքական 2-ին դուրս են գալիս պատելու բաղաբի զանազան մասերում. հետեւեալները բաղաբի մէջ, իսկ ձիւթները բաղաբից դուրս, գաշտերում): Երբ լեռից ցած իջանք Վարագուր վանքի վերին-աւագան կոչած տեղում, մեր մի բանի ընկերները բաղաբից եկած, սպասում էին մեզ: Ի՞նչ խօսք՝ որ հանդիպումը չափազանց յուզիչ եղաւ... Մեզ հաց, թութիւն տեցին, մեր զէնքերը վերցրին, իրենց վրայ առան աւելորդ զէնքերը ու ճանապարհ ընկանք: Ծածու զանազան կողմերում պահապաններ էին դրած մեր մարդկանցից, մեր գիծը լրտեսելու նպատակով: Տեղ-տեղ նրանք ևս միանում էին մեզ և սաւար խումբ էինք կազմում: Ամենայն աղողութեամբ, առանց նկատելու՝ մեր ծարպիկ առաջնորդները մեզ ուղեկցեցին մինչև Այգեստանի ծանօթ աններից մէկը, ուր մնացինք

գիշերը և ցորեկը, իսկ միւս երեկոյեան բաժանելով երկու մասի՝ երկու ուրիշ տներ փոխադրեցինք:

Այդ ժամանակ վանի նահապետը, (զինուորական-նահապետ) գազան Բահրի փաշան էր, որ ամբողջ ժողովրդեան վրայ սարսափ էր ձգել իր բարբարոսութիւններով: Այդ բաւական չէր, մենք ունէինք և մի ուրիշ հակառակորդ տարր — արմենականները: Նախ քան մեր վան ճանապարհովը՝ նրանք նամակներ էին գրել իրենց ընկերներին, որ ամեն կերպ աշխատեն ժողովրդի գործին ծանօթ մարդկանց համոզել, որ մեզ չ'ընդունեն, համարելով մեզ խռովարար ու վնասակար մարդիկ, որ իբր բաղաբ մտնելուն պէս պէտք է կռիւ սարքէինք և ժողովրդին վտանգի մատնէինք: Բայց չնայած դրանց գործ դրած բոլոր ջանքերին՝ ժողովուրդը սահմանափակ չափով մեզ լաւ ընդունեց և կարողացանք ամբողջ 22 օր պահուիլ:

Պէտք է սակայն, աւելացնել, որ պահում էինք ամենախիստ պայմաններում. մեր տեղը ոչ ոք չգիտէր. չգիտէին նոյնիսկ մեր ամենամօտիկ ընկերներից շատերը. ամենամօտիկն դրացի չպէտք է իմանար, թէ իր դրացու տանը յեղափոխական մարդիկ են ապրում. մի փոքրիկ կասկած լինելուց՝ անմիջապէս փոխադրւում էինք այդ տնից մի ուրիշ տուն: Յորեկը և գիշերը տնից դուրս գալը, տան բակի մէջ երեւալն անգամ վտանգաւոր էր. բարձր հազել և խօսել չէր կարելի. ամեն բան կատարւում էր չորս պատերի մէջ, տան խուլ անկիւններում. իւրաքանչիւր դրացի կասկածանքով և ենթադրութիւններով կարող էր որոշ բաներ իմանալ. — օրինակ, դուռը յաճախ ծեծելուց, շուկայից պարէնը սովորականից շուտ բերելուց, վերջապէս, մի փոքրիկ, չնախատեսւած, արտակարգ երեւոյթ տեղի ունենալուց՝ կարող էին մի բան կռահել: Նրանք սովորաբար գիտեն, թէ իրենց դրացին կամ այս ինչ տանտէրը օրական ինչքան հաց, միս ու այլ բաներ է առնում, կամ թէ ի՞նչ մարդիկ են սովորաբար մուտք գործում և՛ըն և՛ըն: Այդ բոլոր գործողութիւնները պէտք է կատարէին շատ զգոյշ կերպով: Միս, հաց կամ այլ բաներ զանազան մարդիկ զանազան խանութներից էին առնում մեզ համար, որպէս զի բան չհասկանային: Շատ անգամ մարդիկ, որոնց կանչում էինք մեզ մօտ խօսելու համար, սովորաբար գալիս էին այգիներով ու գիշերով. և որպէս զի դուռը չծեծեն՝ հողի կամ բարի փշրանքներ էին նետում պատահանին, որով հասկանում էինք նրանց ով լինելը և ներս էինք առնում: Մեր վան մտնելու գլխաւոր նպատակն էր՝ փոքր ինչ զէնք մտցնել և չփել ժողովրդի երիտասարդ տարրի հետ: Ապա, մեզ չփել երկու ներկայացուցիչ թողնելով (Պետոն ու Յովսէփին) տեղւոյն կազմակերպութեան համար — Պաշտաներս լուրի-միջիկ յետ պիտի դառնայինք: Այդպէս էլ արինք:

22 օր ձիալով այդ դժոխային պայմաններում, թողինք մերոնցից երկուսին, թողինք նաև զենքերի մեծ մասը, ու մեզ հետ առնելով միայն 7 հրացան՝ բաղաբից դուրս ելանք: Ցեղացիներից (բաղաբացի և գաւառացի) մի քանիսը մեզ հետ միացան: Ընդամենը 15 հոգի ճանապարհ ընկանք, ունենալով հետերնիս 2 լաւ վախճներ: Գնում ենք Պարսկաստան:

Առաջին գիշերը գնացինք մինչև Պարսկաստանի վանքը միայն. 22 օրւայ մէջ համարեա տեղներիցս չէինք շարժել, ոտքերնիս խամացել էին, շուտ էինք յոգնուած: Վանքի մէջ 2 սարկաւագ կային, որոնցից մէկը վանահօր տեղապահն էր: Նա մեզ շատ սիրով ընդունեց և իր սենեակում տեղ տւեց բոլորիս: Այդ սարկաւագը մի աշխոյժ, փորձառու եմիտասարդ էր, միանգամայն նւիրւած մեր Գործին: Հայաստանի մի բանի կէտերում ժողովրդի մէջ պատել էր առաջներում և բաւականին տեղեկութիւններ ունէր: Ժամանակին, վարդապետ ձեռնադրելուց յետոյ, մեր յայտնի գործիչներից մէկը դարձաւ: Մասնակցեց վանայ մեծ կուլին և Պետօի հետ միասին նահատակեց կուլի դաշտում, 1896-ի յունիսին:

Սարկաւագը ոչինչ չխնայեց մեզ համար. թէյ, տաք կերակուր, ճանապարհի պաշար: Միւս երեկոյեան տարաւ մեզ եկեղեցին ու մի յեղափոխական պահանջ կարդաց, բոլորիս հետ համբուրեց ու ճանապարհ դրեց:

Վախճները առաջ ձգելով, բռնեցինք Արջակու ճանապարհը. մի բանի ժամից յետոյ սկսեց սարսափելի անձրևը, որ փառաւորապէս թրջեց մեզ: Քրտինքը ներսից, անձրևը դրսից... Մինչև ոսկորներիս ծուծը թրջւած էինք. ոտնամաններս արեխներ էին. փրկութիւն չկար:

Լուսադէմին Արջակու մօտն էինք գտնուում, բայց որովհետև լուսնեակ էր՝ չէր կարելի գիւղ մտնել, ուստի մի բիչ հեռու տեղ նստեցինք. հրացանի կոթով հողի վրայի թաց շերտերը մի կողմ աւինք, տակից չոր հող հանեցինք ու վրան նստեցինք, մինչև լուսնեակը մայր մտաւ: Այն ժամանակ այդ կողմերի վախճ Սահակին մացրինք գիւղը, որպէսզի տեղ պատրաստէ մեզ համար: Մենք էլ գիւղի մի ծայրում, մի աւերակ տան մօտ նստած, սպասում էինք: Սահակը այդ գիւղի մէջ ազգական ունէր, որի տունը գտնուում էր հէնց գիւղի ծայրում. նա մտնելով տուն, յայտնում է, որ մի խումբ մարդկանց պէտք է ներս ընդունեն: Ցանտերը իսկոյն հասկանում է յիշուած մարդկանց՝ ով լինելու: Սահակի հետ միասին գալիս են մեզ մօտ և մեզ ներս ընդունում:

Մի չքաւոր ընտանիք էր ապրում այդ տան մէջ: Նա բաղկացած էր մի մեծ սենեակից ու մի գոմից. մենք մեծ սենեակում մնալ չէինք կարող, բանի որ կարող էին ցերեկով դրացիներից գալ... Ստիպւած էինք գոմը մանել, ուսկից արդէն նախիրն արօտի էին հանում առտւան դէմ: Մի կերպ անասունների աղբը մաքրեցին, մի հին

կապերտ ձգեցին գետնի վրայ, հայդուկների մի մասը կապերտի վրայ իսկոյն տեղաւորեցան. միւս մասը անասունների մսուրի մէջ: Որովհետև շատ յոգնած էինք՝ պառկելուն պէս բնեցինք... Լաւ ակորժակ պահելով, որպէս զի կէսօրին տաք ապուր ուտէինք: Մի բանի ժամ քնելուց յետոյ, արթնանում ենք, բայց ինչ ձախորդ լուր ենք առնում... Թոնրի վրայ եփելու ժամանակ՝ ամանը շուռ է գալիս և ապուրը թափոււմ, իսկ խեղճ տանտիկինը ուրիշ թանձածուն չի ունենում, որ նորից ապուր եփի: Այնպէս որ՝ մնում ենք առանց ոչնչի և մեր տոպրակ հացն ենք սպառում, որովհետև տեցիք ուտելու հաց անգամ չունէին:

Երեկոյեան մութը ընկնելուն պէս, պատրաստ ճանապարհ ընկանք: Այդ տան անդամներից մէկը, մի 18 տարեկան պատանի, կպաւ մեզ — «Ես էլ կուզեմ գալ ձեզ հետ»... Որքան աշխատեցինք յետ կանգնեցնել պատանին՝ չեղաւ: Գիւղից բաւական հեռացել էինք, մէկ էլ տեսնենք, վազէվազ եկաւ ու միացաւ մեզ: Էլ երկար խօսելու տեղը չէր. առանք հետերնիս ու առաջ գնացինք: Գիշերը սաստիկ մութն էր և ճանապարհը դժւար էր գտնել: Նա անցնում էր Հաղարի հայաբնակ գիւղի մօտով, ուր այդ պահուն նստած էր թաբուր-աղասին (ձիաւորների հրամանատար) իր ձիաւորներով: Այդ մասին մենք յետոյ իմացանք: Դեռ լոյսը չէր բացել, արդէն գտնուում էինք Բողազ-քէսէնի մօտ: Երկու հոգի մտցրինք գիւղը, որ մեզ հաց ու տեղ պատրաստեն: Յանկարծ շների հաջորդ բարձրացաւ գիւղում: Նշան էր՝ որ մերոնք նկատուել էին: Անցաւ մօտ կէս ժամ և ահա գիւղացիներից մի քանիսը դէպի մեզ եկան ու խորհուրդ տւին գիւղում չմնալ, ասելով, որ թաբուր-աղասին այդտեղ մօտիկ է և կարող է վաղն իսկ գիւղը գալ: Լաւ կը լինի, ասացին, որ գնանք գիւղից կէս ժամ հեռու գտնուող աւերակ ջրաղացը, ուր աւելի ապանով է: Բողազ-քէսէնցիներին չէր կարելի չհաւատալ: Իսկոյն դիմեցինք դէպի ջրաղացը: Ցուրտ գիշեր էր. մի լաւ կրակ արինք ջրաղացի մէջ. գիւղացիք հաց, պանիր, կարագ բերին. կուշտ կերանք, տաքացանք ու հանգստանում էինք, երբեմն գիւղացիների հետ խօսակցելով: Քիչ յետոյ գիւղացիներից մի երկուսն էլ եկան ու խորհուրդ տւին էլ չմնալ ջրաղացում, աւելի հեռու տեղ երթալ: Կարծես թէ մի բան նախազգում էին, Այդ էլ ընդունեցինք, իսկոյն վերցրինք մեր ունեցածը և ուղղեցինք Արջաձոր կոչւած ձորը մի այլ վախճի հետ (վախճ Մարտիրոսը հիւանդացել էր): Աղօթարանը բացւելուն պէս՝ մենք արդէն այդտեղ էինք: Առաջ գնալ չէր կարելի, բանի որ մեր դիմաց քրդական գիւղօրայք կային, կարող էին հեռւից մեզ նկատել:

Հոկտեմբերի վերջն էր, ձիւնէ բարակ սաւանը ծածկել էր ձորը և շրջակայքը, ցուրտը շատ զգալի էր և մենք ամբողջ մարմնով դողում էինք: Հրացանի կոթով

սառած գետինը փորել, չոր հողին հասնել ու նստել վրան—դեռ բաւական չէր, դողում ենք անընդհատ:

Այդ ձորում մի փոքրիկ կրակ արեցինք, հաւաքելով գազ (կաշան), որ փոքր ինչ տաքանանք: Բայց... թաց էր, չէր այրում և միայն ծուխ էր անում: Իսկ ծուխն էլ վտանգաւոր էր. հեռւից կարող էին նկատել մեզ... Լաւ էր, որ ձորը շատ մեծ ու խոր էր և ծուխը մինչև ձորից դուրս գալը՝ անհետանում էր:

Վերջապէս, տեսանք, որ ոչ մի օգուտ չկայ կրակից. հանգցրինք և այնպէս նստանք, իւրաքանչիւրը իր փորած տեղում. որովհետև սոսկալի ցուրտ էր, ոչ մէկը չէր կարողանում բնել: Գիւղացիներից մեզ հետ եկած վալադը պէտք է լինան գագաթին պահպանութիւն անել և մի բան նկատելուց՝ մեզ իմաց տար: Կէս օր էր:

Արեգակի ճառագայթները քիչ տաքացրին մեզ. հայդուկների մի մասը բնեցին, միւս մասը արթնն՝ զենքերն էին սրբում: Մի երկուսը ման էին գալիս: Յանկարծ Ինգոն (վալադը) լուր բերեց, թէ մի ձիաւոր դէպի մեր կողմն է գալիս. իսկոյն տեղներիցս վեր թռանք. քնածներին արթնացրինք, մեր զենքերը վերցրինք, հացի տոպրակներն առանք ու ամենայն արագութեամբ վազում էինք դէպի վեր: Դեռ չէինք հասել ձորի եզրը, յանկարծ մեր առջև մի ձիաւոր դուրս եկաւ, երկար միրուքով, բարձրահասակ, ձմրան վերարկուն վրան հագած, հրացանը առաջը դրած: Հրամայեց մեզ ձորը մտնել. «գի՛րն դարեա, գի՛րն դարեա», (մտէ՛ք ձորը, մտէ՛ք ձորը). ձիաւորը դրանով մեզ հանգստացնում էր և ուզում էր մեզ նորից ձորը մտնել, մինչև իր ընկերների հասնելը. «բայց դէ ո՛ւր կը մտնէինք, իսկոյն մեր կողմից մի բանի հրացաններ պարպեցան, բայց ապարդիւն. ձիաւորը ինքն էլ մի անգամ արձակելով մեզ վրայ՝ ձին բռնեց: Ես էլ իմ հրացանս ուղղեցի ձիաւորին, բայց իրեն դիպչելու տեղ՝ ձիուն դիպաւ ու ձին յետի ոտքերի վրայ նստեց: Ուրախութեանս չափ չկար, սկսեցի պոռալ. «աղէ՛րք, ձին խփեցի»: Տղերքն ասում են. «իրեն խփի՛ր, իրեն խփի՛ր». բայց որ չի՞ դիպչում... Այնքա՛ն էինք շնչառաւ եղել, որ հրացանը հանգիստ չենք կարողանում նշան առնել:

Ձին նստելուն պէս՝ ձիաւորը ձիուց իջաւ, անցաւ ձիու յետևը, հրացանը թափելի միջից ուղղեց ինձ, բայց նոյնպէս ապարդիւն անցաւ, ձին թողեց ու ոտով փախաւ: Հրացանների ձայնից՝ ձիաւորի ընկերները, թւով 50 հոգի (նոյնպէս ձիաւորներ), թաքուր-աղայի հետ միասին ձիերը քշեցին, հասան լեռան գագաթը, որտեղ մենք էինք գտնուում: Սարի գագաթը բոլորովին հարթ էր, այդտեղ չէր կարելի երկար կուլել. Ենգոն առաջ անցաւ և պատուիրեց իր ետքից գնալ: Մենք անցնում էինք ձիաւորների միջով, նրանք մեզ էին գնդակներ նետում՝ մենք նրանց, բայց և այնպէս ո՛չ մի կողմից ո՛չ որ չէ ընկնում: Հիմա սարից նորէն պէտք է մտնէինք

ձորը և նորէն բարձրանայինք մեր դիմաց բարձր բարձրորոտ լեռը, որտեղ բաւական լաւ դիրքեր կային: Մենք թէ իջնում էինք և թէ կուլում: Մեր ետեւից կարկտի պէս թափւում էին գնդակները. այլ ևս վազելու ուժ չէր մնացել: Ետևում մնացել էինք միայն չորս հոգի զինւած, իսկ մնացածները զինւած թէ անզէն՝ բարձրանում են դիմացի լեռնային դիրքը:

Ձորը իջնելիս՝ թշնամու գնդակներից մէկը դիպաւ կտրիճ Սահակին. խեղճը վիրաւոր ընկնում է և մրմնջում. «այլ ևս չեմ կարող գալ...»։ Նրա հրացանը հայդուկներից մէկն առնում է հետը: Ետ մնացած չորս հոգիներս, մի գծի վրայ իրարուց բաւականին հեռու ուղղում ենք յարկարծակի թշնամու վրայ, գնդակներ թափում ու էլի դառնում մեր ճանապարհը գնում: Այսպիսով թշնամուն ժամանակ չենք տալիս կանոնաւոր կերպով նշան առնել մեր առջև շատոնց անցած անզէն ընկերների և մեր վրայ:

Ձիաւորները, նկատելով, որ մենք դէպի լեռն ենք ձգտում բարձրանալ՝ նոր հասկացան իրենց սխալը, իսկոյն ձիաները հեծան ու ձորի միւս կողմով պոռոտ գործելով աշխատում էին մեր դիրքերը գրաւել, բայց արդէն ուշ էր. տղերքն արգէն հասել էին լեռան գագաթը և գրաւել էին դիրքերը: Թշնամին հէնց մեր դիմացը մօտաւորապէս 200 բայլի վրայ, մի ուրիշ դիրք էր գրաւել, ուսկից մեզ վրայ գնդակ էր թափում: Թէ մեր և թէ թշնամու դիրքերը համարեա նման էին ու շատ ապահով պահելու տեղ կար. մեզ պաշտպանող բարերը հազիւ էին պատսպարում մեզ. շարժել՝ անկարելի էր:

Քիչ յետոյ բարձրացաւ սարսափելի ձիւնախառն բուք: Այդքան վազած, քրտնած, բէզարած — հիմա էլ այդ բուքը... Սաստիկ մրսում էինք: Սկիզբը մի քիչ «Լօ Լօ» երգեցինք, բայց սիրտ չկար շարունակելու. թըշնամու շատութիւնը մտառանջում էր մեզ... մանաւանդ որ առաջին անգամն էր Տաճկաստանում կռիւ ունէինք. ծանօթ չէինք թշնամու բազմութեան, նրա բնաւորութեան, նրա ռազմական հնարքներին: Վերջապէս, տեղի պայմանները մեզ անծանօթ էին: Կարծում էինք, թէ ահա ամենքը կը բռնեն մեզ վրայ միանգամից, չեն նայի ընկած զոհերին ու կը կոտորեն մեզ բոլորիս: Բայց շատ չանցաւ, տեսարանը փոխւեց. սրտերս ամրացան. թշնամու բազմութիւնը չափազանցեց էինք: Քաջաւերեցինք ու աներկիւղ կուլում էինք: Ձիաւորներին օգնութեան հասան շրջակայ գիւղորայքում բնակւող բրդերը, հաւաքով, վայրենի աղաղակներով, նրանք գալիս էին զանազան կողմերից, գալիս էին ձիաւորներ, սրարշաւ և հայհոյելով ու սպառնալով մեզ... Կռիւր շարունակւում էր բաւականին տաք: Մեր դիմացի դիրքում զաթիաններից մինը տեղիցն ելաւ ու կուզեկուզ փորձեց դիրքը փոխել: աւելի լաւը գրաւել: Բայց մեր առաջի դիրքում գտնւած երեք հայդուկների գնդակներից իսկոյն գետին գլորեց:

Ուրախութեան բոլոր բարձրացաւ մեր փոքրիկ բանակի մէջ, բարձրաձայն սպառնալիքներ ու հայհոյանքներ էինք ուղղում դէպի անիրաւները:

Փոթորիկը սարսափելի էր, անընդհատ ու ձիւնախառն հողմը փչում էր ու աչք բանալու հնարաւորութիւն չէր տալիս: Ծխողներս իրար ետեւից էինք ծխում, որ գուցէ դրանով փոքր ինչ տաքանանք: Անգէններից մէկը ինձ համար գլանակներ էր պատրաստում ու բարի տակից դէպի ինձ նետում: Կուր ժամանակ 15 հոգի էինք, մէկը վիրաւոր ու մերձիմահ ընկաւ ձորի մէջ. մնացած 14-ը 7 հրացաններով 3 դիրք էինք գրաւած. իրարից հեռու-հեռու:

Կուրը շարունակեց մինչև արեամուտը: Կամաց-կամաց ձիւնորները սկսեցին բաշել: Երբ մութն ընկաւ, այլ ևս ոչ մի ձայն չէր լսուում: Մենք էլ բոլորս ի մի հաւաքեցինք, տեսանք, որ մեզնից այլ ևս ոչ մէկը չէր վնասուել այդ բուռն կուրի միջոցին. մեծ ուրախութեամբ հանդիպեցինք իրար, կարծես ամբողջ ամիսներով բաժանած էինք: Լուսնեակ գիշեր էր, բայց մեր բախտից՝ մի ամպ կտրեց լուսնի առջևը և մենք կարողացանք իջնել լեռից աննկատելի կերպով: Գիշերը հանդարտ էր, ամենուրեք լուութիւն: Ենթոն յայտնում է, որ մեզ հետ չի կարող գալ. ոտքերը ցաւում են. նա կերթայ գտնելու Սահակի դիակը և անկէ՝ դէպի գիւղ: Մենք մեր ճանապարհը բռնեցինք ամենայն զգուշութեամբ, մի գուցէ շրջապատւած լինէինք: Իսկ ենթոն վերադարձաւ Սահակի դիակի մօտ: Մեր ընկերը տակաւին չէր մեռած, միայն ցուրտը և վերքից հոսած արիւնն էր նրան թուլացրել: Ենթոն, Սահակին շալկած մի քիչ տեղ տանում է, ապա գաղտագողի մտնում է գիւղը և իմաց տալիս մի երկուսին: Գիւղացիք գալիս տանում են Սահակին և տեղաւորում մի խոտի դէպի մէջ, ուր և մնում է ամբողջ ցերեկը. կարողանում են միայն քիչ կաթ խմացնել, որ դժարութեամբ է ընդունում: Այդ նոյն գիշերը մտնում են նրան մի ցորենի հորի մէջ, որպէս զի խուզարկութեան ժամանակ չգանեն: Այնտեղ էլ մեռնում է:


(Կր շարունակելի)

ԿՈՒԿՈՒՆԵԱՆ ԽՍՐԻ ԴԱՏԱՎԱՐՈՒԹԻՒՆԸ

Վերջինքն դարձեալ նոյն 1890 թւականը... Շարժման արշալոյսն է. «Զայնը արդէն հնչել էր Էրզրումի լեռներէն», կատարուել էր Էրզրումի մէջ անդրաւնիկ և արիւնոտ ցոյցը սուլթանական բռնակալութեան դէմ. թոյլ վեհերոտ ստրուկը աւել էր իր գոյութեան առաջին ապացոյցը և արիւնակից Կովկասը փոթորկւել էր ծայրէծայր: Գաղտնի ժողովներ, ապստամբական կարմրավառ թռուցիկներ, խմբական տենդային պատրաստութիւններ

և ամենուրեք նոյն պատմական ու սրտառուչ կոչը. «դէպի Հայաստան»:

Եւ մինչ խմբապետ-բարոզիչների շարանը «Դաշնակցութեան» ղեկավարութեան տակ մղւում էր Պարսկաստանի վրայից դէպի Վասպուրական՝ տրամադրութիւնները չափելու, խոպան հողը մշակելու և հասունցնելու ապստամբական կռիւների համար — անգին՝ բաշերի մի այլ խումբ, մի ամբողջ վաշտ, Պետերբուրգի արհեստագիտական դպրոցի ուսանող Սարգիս Կուրկուսն էր առաջնորդութեամբ, սլանում էր յաղթական թափօրով Արարատեան դաշտի վրայից, Ալեքսանդրապոլի,



Կ Ո Ւ Կ Ո Ւ Ն Ե Ա Ն Խ Ո Ւ Մ Բ

Ղարսի և ամբողջ գծի հայ ազգաբնակչութեան խանդավառ ցոյցերի մէջ, դէպի թիւրքական սահմանագլուխը, դէպի «Երկիր», գնում էր պատժելու հարազատ ժողովրդի արիւնարբու ոսոխներին, վրէժխնդիր լինելու բաշիբոզուկ կառավարութիւնից ու բրդական հրոսակներից և դիմելու անյապաղ ապստամբական գործողութիւններին...

Խումբը, ինչպէս յայտնի է, սահմանի մօտ զարնեց ռուսական կօզակներին, ձերբակալեց և դատեց Երեւանում. մի մասը, իբրեւ «քաղաքական յանցաւորներ», աքսորեց Սիբիր, տաժանակիր աշխատանքի վայրերը... Մի բանիւր մեռան այնտեղ, մի բանիսն էլ փախան, ապաստանեցին Պարսկաստան:

Դատը ունեցաւ մեծ շառաչում: Առաջին անգամ նա

կօնկրեալ կերպով և յստակօրէն ցոյց տւեց այն եղերական քաղաքականութիւնը, որ բռնել էր և պիտի շարունակէր Ալէքսանդր III-ի բթամիտ ուժեղութեան օրինակը տենչանքների վերաբերմամբ: Մեր շարժման այդ նշանաւոր վայրկեանն է, որ կուզէինք վերադառնալ «Դրօշակ»-ի մէջ, հրատարակելով Մեղադրական Ակտը որի պատճէնը պահուում է 22 տարուց ի վեր «Դաշնակցութեան արշիվներում»:

Մեր այդ պատմական լէգէօնը տւեց մի շարք փայլուն դէմքեր—հօգոր՝ իրենց հայրենասիրութեամբ ու գաղափարականութեամբ—որոնք այլ և այլ ժամանակներ գնացին մասնակցելու «Դաշնակցութեան» շարքերի մէջ հայ ազատագրական պատերազմին: Երկուսը այդ սիրելի դէմքերից անջնջելի առներով արձանագրւած են մեր նորագոյն պատմութեան էջերում: Մինը — «Պարսկաստանի Գարիբալդին», նահատակեց բէջ առաջ: Միւսը, ինքը խմբապետը, ապրում է... շղթայակիր, բանտի մէջ, ինչպէս 22 տարի սրանից առաջ, դատապարտւած վերստին 15-ամեայ սիբիրեան կատօրգայի...

ԱՄԲԱՍՏԱՆԱԳԻՐ *)

Երևանի Հռօնային Դատարանին են յանձնւած նուիր գաւառի նիւթ գիւղի բնակիչ Սարգիս Մովսիսեան և ուրիշներ 27 տարեկան, Երևանի բնակիչ Ստեփան Յարութիւն (մականունը Ծերունի), 24 տարեկան, Թիֆլիս նահանգի Սղնախ գիւղի բնակիչ Կոնստանտին Լիսիւնեան, 25 տ., Թիֆլիսի բնակիչ Ռուբէն Յովհաննիսիւն 24 տ., Ալէքսանդրօպոլի բնակիչներ Նիկողայոս Թօմարեան, 20 տ., Բարդուղիմէոս Քեմաճեան, 21 տ., Մկրտիչ Մուրադեան, 20 տ., Ալէքսանդրօպոլ գաւառի Իւսիսա գիւղի բն. Մարտիրոս Գալստեան, 26 տ., նոյն գաւառի Գոռօզ գիւղացի Մուրադ Կալմուկեան, 26 տ., Մուսա Գեօղայի գիւղացի Գաբրիէլ Բօյաճեան, 22 տ., Ախալցխայի բն. Գրիգոր Աբրահամեան, 23 տ., Հարար գիւղացի (Չանգեղ. գաւ.) Մովսէս Մելքոնեան, 28 տ., Գանձակի նահանգի Բարսեղեան գիւղի բն. Ի. Բրեմ Ասիւրեան, 19 տ., նոյն նահանգի և գաւառի Չեղարի գիւղի բն. Մեհաբեկ Դաշոյեան, 27 տ., շուշեցի Յովհաննէս Մարգարեան, 23 տ., Թաթր-Միրիքեանցի Արտեմ Խոսրոսովեան, 21 տ., Չանգեղուրի Ունանբաճ գիւղացի Աբրահամ Աղամալեան, 23 տ., կողղանցի Գալուստ Սելեան, 22 տ., կողղանցի շրջ. Բաշքէյ (Պաւստի) 40 տ., Մարգար Միրզաբեկեան, 29 տ., Եղօ Մանուկեան Առաքելեան, 36 տ., Սիմէօն Մանուկեան Առաքելեան, 27 տ., Թիւրքաճ Կալաթեան Բալթեան, 27 տ., Դաւիթ Գրիգորեան 2 ռախեան, 25 տ., Ռուբէն Գեղամեան, 25 տ., Խաչատուր Հայկունի, 25 տ., Գրիգոր Տէր Մեհարոպեան, 22 տ., Առաքել Գալստեան, 30 տ., Մամուլ Միսոյեան, 20 տ., Մանուկ Գալստեան Խաչատուրեան, 24 տ., Մինաս Մելքոնեան, 25

*) Թարգմանում ենք ռուսերէնից բառացի, մի քանի անկարեւոր հատւածներ կրճատելով:

տ., Արշակ Պետրոսեան, 24 տ., Գալուստ Կարապետեան, 25 տ., Պետրոս Գրիգորեան, 26 տ., Ղարսի նահանգի Հորադեանի շրջ. միջին քեդիկները Սարո (նաև Ծառուկ) Յովհաննիսիւնեան, Ղազօ Տարաշեան, 16 տ., ներքին քեդիկները Վարդան Թիֆլեան, 28 տ. և Մկրտիչ Հաջի Գանիէլեան (մականունը Հրէա-Մկրտիչ), 25 տ.:

Բոլոր վերոյիշեալ անձերը մեղադրուում են սպանութեան ց, աւագակութեան ց, մեծ, ապա և իշխանութեան ց, դիմադրութեան ց, 27 տ., կողղանցի Փաշաթ Կարապետեան, 27 տ., Մկրտիչ Վարդանեան (Մկո), 27 տ., Յովհաննէս Տէր-Պետրոսեան, 33 տ., Վարդան Աղալիսեան (Պ), 27 տ., Սիմէօն Մարգարեան, 33 տ. և Հայրապետ Ալէքսանդրեան, 27 տ., մեղադրուում են այն պատճառով, որ սպանութեան ց, մասին չեն տեղեկացրել իշխանութեան ց:

Բոլոր ամբաստանւածները պահուում են հսկողութեան տակ:

1890 թ. սեպտեմբեր 26-ին, կողղան աւանի բնակիչներ Աշրաֆ Մահմեդ Օղլի, Սէիդ Իբրահիմ Օղլի և Ռաֆֆ Իսօ Օղլի գուրս գալով կողղանից դէպի անտառ փայտ բերելու, Գիւմրի-Թափայի վրայ հանդիպեցին մի խումբ հայերի, մի մասը ձիաւոր, միւսը ոտքով, ամենքն էլ եսփուռ-շինքով. շարժւում էին դէպի ցած, Արաքսի հոսանքով դէպի... *): Հարց ու փորձ անելով Աշրաֆ Մահմեդ Օղլին և ուղեկիցներին և իմանալով նրանց մահադակաւ լինելը՝ խումբը շրջապատեց նրանց: Մէկը խմբի անդամներից դաշտով հարած տւեց Աշրաֆ Մահմեդ Օղլին: Վերջինս ձիով էր և աջողեց խոյս տալ: Փախաւ նաև Ռաֆֆ Իսօ Օղլին: Իսկ երրորդը, Սէիդ Իբրահիմ Օղլին մնաց խմբի ձեռքում: Բայց տեսնելով միւս երկու բնակիչների փախուստը, խումբը նրան ևս արձակեց:

Առաջին փախչողը, Աշրաֆ Մահմեդ Օղլին, երկու կրկնով մի գուցէ իր երկու բնակիչներն ապանւին, անյապաղ վերադարձաւ կողղան և տեղեկացրեց դէպքի մասին: Կողղանի գաւառապետին Եւնոյն օրը, ժամը գիշերուայ երկուսին, գաւառապետի օգնականը՝ կապիտան Կուրաշեֆ, առնելով իր հետ Աշրաֆ Մահմեդ Օղլին և մի վաշտ կոզակներ ու միլիցիականներ, գնաց փնտրելու շարագործներին: Արաքսի ափին, Գիւմրի-Թափայի և կողղանի միջև, աղի հանքերի մօտ, կոզակները ձերբակալեցին երեք հայերի՝ Եփրեմ Դաւթեան, Մեհաբեկ Դաշոյեան և Չեղարեան: Չեղարեանը նախ բացատրեցին, թէ եկած են Սարղիսից և ուխտի կերթան էլ՝ միածին: Նրանցից իւրաքանչիւրը ուներ բերդանի հրացան, ստորճանակ և դաշոյն: Իւրաքանչիւրի մօտ — պատրօնդաշ, բերդանի հրացաններով: Բացի այդ՝ մէկն ուներ սուլիչ, ամբարացի թուրի վրայ, կապած հրացանին:

Միևնոյն ժամանակ աղի պահեստներից մէկում ձերբակալեց մի ուրիշ հայ, որ ինքզինքը կ'անւանէր պարսկահայտակ Մկրտիչ Պողոսեան (յետագայում պարզեց, որ Հուշի քաղաքացի Յովհաննէս Արզումանեան Մարգարեանն է): Վերջապէս, Արաքսի անցնելու միջոցին, կոզակները տեսան երկու ափերի վրայ մի քանի փամփուշտներ, որ անշուշտ նետուած էին գետն անցող մարդկանց ձեռքով: Մկրտիչ Պողոսեանը գինւած և հազնւած էր բողբոջին նոյն ձևով, ինչպէս առաջին ձերբակալուածները: Կապիտանի հարց ու փորձի վրայ՝ Պողոսեանը բացատրեց, որ ինքը և ձերբակալուած Եփրեմը, Դաշոյեանն ու Մինասեանը գտնուում էին յետնապահ շարքերի մէջ 100 հոգուց բաղկացած հայկական մի խմբի, որ մտադիր էր անցնել սահմանը և մտնել Թիւրքիա՝ վրէժխնդիր լինելու քրդերից այն զրկանքների համար, որ վերջինները պատճառում են իրենց արիւննակից հայերին. սակայն չորս օր լեռների մէջ մնալուց յետոյ, չունենալով ուտեստի պաշար, խումբը իջել լեռներից Վարդիհեմ վանքի կողմից և քայլել է Արաքսի ափերով, նրա հոսանքով: Արաքսի անցնելիս, Պողոսեանը, իր ասելով:

*) Անընթեռնելի է:

կորցրել է հրացանը և ուժասպառ դառնալով, մտել է աղա-
հանքի պահեստներից մինը, հանգստանալու Պողոսեանի
հրացանը (կապալեթական բերդան) կողակները գտել են
Արաբսի ափին: Երբեք չէր մարել են նաև հետքերը Արաբսի
անցնող մարդկանց ու ձիերի սմբակների:

Լրկելով ձերբակալածներին կաղզւան՝ կապիտան Կու-
զուշովը գնաց աղահանքերի մօտ, Արաբսի ափին գտնուող
խառ գիւղը և այդտեղ հարց ու փորձ արեց տանուտերին՝
չկա՞ն արդեօք գրոնցիներ գիւղի մէջ: Խառի տանուտերը
պատասխանեց, որ ոչ ոքի չի տեսել: Իսկ մաւստարը, Գրիգոր
Ոսկանեան հաղորդեց, որ առաւօտեան տեսել է խառի մէջ
երեք իրեն անծանօթ հայերի: Խառ գիւղը գտնուում է սարի
վրայ: Գիւղից քիչ վար՝ լեռնալանջերին, մեծ տարածութեան
վրայ և սանդուխտաձէ Արաբսի հովիտով ձգւում են այգի-
ները: Խառից ցած, մօտիկ տարածութեան վրայ, Արաբսի
հոսանքով փռւած են Ղարաբաղ և Քերս գիւղերը: Իսկ գետի
հակառակ եզրերին՝ Կողզւանը: Առաւօտեան ժամը 8-ին
հասնելով խառ գիւղը, կապիտանը կանգնեցրեց զինուոր Պո-
ղոսեանին գիւղի ամենաբարձր կէտում, հրամայելով նրան
դիտել ուշադրութեամբ, չկա՞ն արդեօք մարդիկ այգիների
մէջ: Ինքն էլ սկսեց դիտել գիւղի միւս ծայրից. սակայն, ոչ
մի շարժում չնկատեց: Մի քանի ժամանակից յետոյ, նրանց
ուշադրութիւնը գրաւեց այգիների միջից բարձրացող խա-
րայի ծուխը: Միեւնոյն ժամանակ, ինքը կապիտանը նկատեց,
որ խառի այգիներից դուրս եկաւ ինչ որ ձիաւոր և ուղղւեց
դէպի Ղարաբաղ գիւղը: Կապիտանը գնաց դէպի ծուխը,
բաժանելով կողակներին երեք մասի: Կողակների մի մասը
կապիտանի հետ գիւղից ուղղակի դէպի այնտեղը, ուր բարձ-
րանում էր ծուխը. միւս մասը, Մուստար Ոսկանեանի հետ,
գնաց դէպի նոյն կէտը ձախ կողմից. երրորդ մասը, կողակ-
ներ՝ Դէնիս Զախարով, Գրիգորի Պոպով և Լուկա Խիլայ,
զինուոր Ղազար Մարտիրոսեանի հետ—գնաց աջ կողմից:

Քայլելով այգիների մէջ, այդ վերջին կողակները հանդի-
պեցին մօտ 100 հոգուց բաղկացած հայկական խմբի: Ոմանք
նստած էին կրակի շուրջը, ուրիշները կանգնած կամ քայ-
լում էին հրացանները ձեռքին: Կողակների առջևից քայլող
զինուոր Մարտիրոսեանը, մօտենալով անյայտ մարդկանց, ասաց
հայերէն, որ եկել է գաւառապետը և ուղղում է խօսել
նրանց հետ: Մարտիրոսեանը ասաց նաև, որ թողնեն հրա-
ցանները: Այդ խօսքերին՝ խուժք պատասխանեց հայհոյան-
քով. ապա լուեց հրացանի տրաքոց, որին հետևեց զաւրկ,
միահամուռ հրաձգութիւն այն հայերի կողմից, որոնք ձեռ-
ներին հրացան ունէին: Կրակում էին Մարտիրոսեանի և
կողակների վրայ: Խմբի միւս անդամները նետուցին դէպի
իրենց հրացանները, որոնք ծածկւած էին ետփռնջիներով,
խառայի մօտ, ծառի տակ: Իսկ նրանք, որոնք ժամանակ
չունեցան հրացաններն առնել, հրացանաձգութիւնը սկսե-
լուն պէս փախան ցրիւ այգիների մէջ: Կօզակ Դէնիս Զա-
խարով, որ ամենից առաջ էր կանգնած, վիրաւորւեց, և վի-
րաւոր վիճակում անցաւ ծառի ետևը, այնտեղից մի քանի
անգամ կրակեց շարագործների վրայ, ապա բնկաւ գետնի
վրայ, գոչեց. «Եղբայրներ, պինդ կացէ՛ք» և սողաց դէպի
կաւաչէն պատը, ուսկից կրակում էին Պոպով և Խիլայ: Կ-
յակ Զախարովի դիակը անգամահատուելիս, գտան, որ ստա-
ցել է հինգ վերք, ոտքերի և կրծքի մէջ: Կօզակների գրն-
դակներից մահացաւ կերպով վիրաւորւեց շարագործներից
մէկը: Ընտոով վերջինները սկսեցին յետ նահանջել դէպի
Ղարաբաղ և Քերս գիւղերը, շարունակ գնդակներ թափելով
կօզակների վրայ:

Հրացանների տրաքոցը լուում էր այգիների այլ և այլ
կողմերում: Եւրոպական և խառ գիւղի կողակները դիմեցին
դէպի այն կէտերը, ուսկից թնգում էին հրացանները և
տեսան ուրիշ հինգ ձիաւոր հայեր, որոնք կօզակներին տես-
նելուն պէս՝ սկսեցին արձակել նրանց վրայ—նոյնպէս յետ
նահանջելով դէպի Ղարաբաղ գիւղը: Մէկը նրանցից ճերմակ
ձի ունէր, միւսը սև, երրորդը՝ մոխրագոյն, չորրորդը՝ (°):
Կօզակների գնդակներից ճերմակ ձիաւորը վիրաւորւեց և
բնկաւ ձիուց. բայց նա չուտով փախաւ անյայտացաւ: Կօ-
զակների թիւը փոքր լինելով, կապիտանը չվստահացաւ
հետամուտ լինել նահանջողներին, թողեց հակողութեան հա-

մար խառ գիւղի մօտիկ լեռան վրայ չորս կօզակ մաւստար
Ոսկանեանի հետ և տեղեկացրեց կատարւածի մասին՝ կաղզ-
ւան: Ժամը 12-ին դէպքի տեղը ժամանեց կաղզւանից Դեր-
բենդեան 154-րդ գնդի մի վաշտ և մի ջոկատ Ղարսեան
սահմանապահ բրիգադի: Մինչև վաշտի գալը՝ կօզակները
ձերբակալեցին խառ գիւղի այգիներում փախած չարագործ-
ներից 9 հոգի: Վաշտը ժամանելուց յետոյ՝ խառ և Ղարա-
բաղ գիւղերի միջև, Արաբսի ափին, ձորերի ու դաշտերի մէջ
ձերբակալեցին դարձեալ 16 հոգի: Մէկ հոգի էլ ձերբա-
կալեց Ղարաբաղ գիւղում, ապա դարձեալ մէկը ժայռերի
մէջ, որ յայտնեց, թէ պատկանում է նոյն խմբին:

Ինչպէս յայտնեց, ձերբակալածներից մի քանիսը զինւած
էին հրազեններով, երեք հոգի ունէին բերդանի փամփուշտ-
ներ ու տարճանակ: Բայց մեծ մասը առանց հրացանի ու
տարճանակի էին: Ձորերի ու այգիների մէջ փախչող չարա-
գործներից մէկը, որ գնդակներ էր արձակում հսկիչ կօզակ-
ների վրայ, սպանեց վերջինների ձեռքով: Խառի այգիներ-
ում, ուր խուժք տեղաւորւել էր, գտնւեցաւ՝ 28 հրացան
բերդանի սխառմի, 2-ը՝ վինչեստրի, 2-ը՝ Պիրոզի, 4-ը՝
Մեյզլերի և 2-ը... Ապա 11 դաշոյն, 2 սուր, 6 սուխ, 1
տարճանակ, 2... 24 ետփռնջի, 6 պայուսակ լի փամփուշտ-
ներով ու այլ իրերով և 2 ձի, Այն ձիաւորները, որոնք հրա-
ցանաձգութեան ժամանակ յետ էին նահանջել դէպի Ղա-
րաբաղ, սպանել են այդ գիւղի մօտ հրացանի գնդակներով
ե ր կ ու չ է լ ը ղ ի, Տաշիր Մահմեդ Օղլի և Ալա Աբ-
դուլլա Օղլի: Նոյն օրը, գիշերով, դէպի Զօրակեալ տանող
ճանապարհի վրայ, Բօզարջիի գիւղի մօտ, հսկիչ արշաւախմբի
անդամներ Աբբաս Դուռնեամալի Օղլի և Բայրամ Ալլախբերդի
Օղլի հանդիպեցին 5 ձիաւորի: Հսկիչների կոչին ձիաւոր-
ները պատասխանեցին գնդակներով: Ապա ծռելով ճանա-
պարհը, յիշեալ ձիաւորները դիմեցին դէպի... գետակի ճահ-
ճոտ եզրերը: Այդտեղ վրայ հասան երկու թիւրք հսկիչ-
ները և երկուսին սպանեցին: Սպանւածներից մէկը յաղթ-
անգամ տղամարդ է, ու մօրուքով, չէրքեզկայով և 39-րդ
գիւղիցիայի սպայի պօգօններով: Ղարսի բանակի ուրեաղնիկ
Աւետիք Փահլեվանեան, նրա գիակի հանդէպ, ճանաչեց
յանձին նրա՝ նախկին տաժանակիր Ս ա ր գ ա ր Ա լ ե-
տ ի ո ս ե ն ի ն, Ալէքսանդրօպոյի գաւառի կօլուարչի
գիւղի նախկին բնակիչ: Միւս սպանւածն է Մ կ ր տ ի չ
Պ օ ղ ո ս ե ա ն:

Դէպքի վայրը դիտելուց յետոյ, Ղարսի շրջանի Նախի-
ջեան գաւառի կառավարիչ (գաւառապետ) սպայ Զախարա-
տիսկի, սեպտ. 27-ին, զինւորների ջոկատ առած, գնաց
խառ գիւղ, որոնելու փախած չարագործներին: Նոյն օրը նա
ձերբակալեց մի մարդ, որ թագնւել էր ժայռերի մէջ և որ
ինքզինքն անուանեց Գանձակի նահանգի բնակիչ Մ ո վ ս է ս
Ա ղ ա բ է կ ե ա ն Մ ե լ ջ ու մ ե ա ն: Նա ունէր ետ-
փռնջի և տարճանակ: Զախարատիսկու վկայութեամբ՝
ձերբակալւածը յայտարարել է, որ պատկանում է նոյն հայ-
կական խմբին, որ խառի մօտ գիւղագրութիւն է ցոյց տւել
կաղզւանի գաւառապետի օգնականին: Նրա հրացանը միա-
ցել է խառ գիւղի այգիներում:

Խմբի առաջնորդներն են Ս ա ր գ ի ս Կ ու լ կ ու ն ե ա ն
և Ս ա ր գ ա ր Ա լ ե տ ի ո ս ե ա ն: Խուժքը բաղկացած էր
100 մարդուց: Նա գնում էր թիւրքիս՝ օգնելու համացեղ
թիւրքահայերին. սակայն, երբ նա արդէն յայտնւել էր
թիւրքիսում՝ առաջնորդները որոշել են — Աղաբեկեանին
անյայտ պատճառներով—վերագառնալ: Այնուհետև խուժքը
դիմել է կաղզւանի շրջանով դէպի խառ: Երբ Աղաբեկեանին
հարց տւին՝ ի՞նչ էր արդեօք անում նա և ի՞ր համախոհ-
ները թիւրքիսի մէջ և հետո՞ւ էին արդեօք գնացել թիւր-
քական հողի վրայ—Աղաբեկեանը չպատասխանեց:

Ձերբակալւածների ընդհանուր թւից 14 հոգի՝ Սարգիս
Կուրնեան, Դաւիթ Չոլախեան, Ռուբէն Դերձակեան,
Միրտիչ Պողոսեան, Աւետիս Մանուկեան, Ռուբէն Յովհան-
նիսեան, Կոնստանդին Լիսինեան, Գրիգոր Ալմաշեան, Մեհ-
րաբ Դաշոեան, Եփրեմ Դաւթեան, Իսահակ Մինասեան,
Սահիան Զարութիւնեան, Մարտիրոս Գայստեան և Մուրադ
Կալմուկեան՝ յայտարարեցին, որ իրենք պատկանում են հայ-
կական այն խմբին, որ գնում էր թիւրքիս: Ուրիշ 6 հոգի

(յիշատակում են անունները) չուրանալով հանգեծ, որ իրենք մտադիր էին թիւրքիա երթալու, մինչդեռ նպատակով, ինչ որ առաջին խմբի անդամները—պնդեցին, որ իրենք այդ վերջին խմբի հետ կույ չունէին, այլ գնում էին առանձին: Բոլոր միւսները (յիշ. անունները) յայտնեցին, որ իրենք բոլորովին պատահական զուգագիրութեամբ են դառնել խառն և Ղարաբաղի մէջ, որ տեղի են ունեցել սեպտեմբերի 26-ի դէպքերը և ուր զօրքը ձերբակալել է չարագործներին:

Թէ ինչո՞ւ էին հաւաքել կողզանի շրջանում, ինչ էր արդեօք խմբի նպատակը — այդ առթիւ հետեւեալ բացատրութիւններն էին տալիս:

Խումբը գնում էր թիւրքիա՝ ազատելու իր ցեղակիցներին տաճկական լծից և վրէժ հանելու քրդերից այն գազանութիւնների համար, որ նրանք գործ էին դրել հայերի վրայ, 1890-ի ամառը: Մի քանիսի բացատրութեամբ՝ ուստի հայերի վաշտը նպատակ ուներ ձեռք բերել ավտոնոմիա, ինքնավարութիւն թիւրքաց Հայաստանի համար, նման բուլղարականին: Մի քանի ուրիշները երազում էին վերականգնել հին Հայաստանը և միացնել բոլոր հայաբնակ հողերը: Վրէժ-ինդրութիւնը թիւրքերի ու քիւրդերի հանդէպ պէտք է արտայայտէր սպանութիւններով: Մուրադ կալմուկեանի բացատրութեան համաձայն՝ խմբի ղեկավարներից մէկը, թիւրքահայատակ Յակոբ Սարկաւազը ասել է, որ եթէ խումբը յաղթութիւն տանէր քրդերի վրայ՝ նրանց գոյքերը պիտի բաժանէ հայերի մէջ:

Անդրկովկասի այլ և այլ ծայրերից համախմբելով թիւրքիսի մէջ նրանք փոքրիկ խմբերով անցել են Ալեքսանդրօպոլի վրայով դէպի Ղարսի շրջանը, ապա դէպի Էջմիածին, Անի (հին Հայաստանի աւերակ-մայրաքաղաքը) և Զորագետի գաւառակը: Ղարսի գաւառակի բռնա գիւղի մէջ խմբի բաղները միացան ու կազմեցին մեծ խմբեր: Այդ նոյն գիւղում նրանք ստացան հրացաններ և ուրիշ զէնքեր: Մի մասը արդէն զինւած էր նախ քան այդ գիւղը ժամանելը: Այդտեղից անցան Շահաբադի վրայից՝ 2 ուրուի գիւղը: Այդտեղից էլ մտադիր էին անցնել Ալաշկերտի լեռնաշղթայով՝ Տաճկաստան. սակայն, երբ ժողովրդական տաճկական սահմանադիրներն՝ նրանց հաղորդեցին, որ Սարկաւազի (միւս անունն է՝ Վարժապետ) ղեկավարութեան տակ գտնւած խումբը արդէն իսկ անցել է սահման: Այդ պատճառով — նաև որովհետև ցուրտ էր լեռներում — նրանք որոշում են իրենց նպատակի իրագործումը յետաձգել գարնան: Եւ գնում են խառ:

Գետնալ Պետանգերի վկայութեամբ (Ղարսի շրջանի զինւոր. նահանգապետի օգնական) խմբի մարդիկ հարց ու փորձի ժամանակ ասում էին, թէ «Ռուսաստանը»՝ զուր տեղն է միջմայրում իրենց պաշտպանած դատին, քանի որ խումբը Ռուսաստանին հակառակ չէ գործում:

Թէ ինչ միջոցներով էին նրանք ուզում հասնել իրենց նպատակին, — ձերբակալւածներից ոմանք յայտնում էին այդ առթիւ, որ յոյս ունէին, թէ իրենց գործողութիւնները պիտի գրաւէին եւրոպական պետութիւնների, մասնաւորապէս Անգլիայի ու ռազմութիւնը թիւրքահայերի կացութեան վրայ և որ այդ պետութիւնների աջակցութեամբ պիտի իրագործէր այն նպատակը, որի համար նրանք գիտում էին թիւրքիա:

Շահաբադի տանող ճանապարհի վրայ, ուրիշ հայեր և միացան խմբին: Վերջինը հասաւ Շահաբադի սեպտեմբեր 22-ին, շաբաթ օր, ապա գիշերով գնաց թիւրքական սահմանագլխի վրայ գտնւող լեռները: Երկուշաբթի օր հասան Թէքէ-Բինա սարը: Այդտեղ է, որ իմացան, թէ 2 օր առաջ հայկական միւս խումբը (Սարկաւազի առաջնորդութեամբ) անցել է սահմանը, բնդհարում և հրացանաձգութիւն ունենալով թիւրքաց սահմանապահ զօրքի հետ:

Կուլուենանի և Սարգարի առաջնորդած խումբը մտադիր էր, թիւրքական սահմանն անցնելով, գիւղի դէպի Սառն, իբրև աւելի յարմար վայր թիւրքերի դէմ մղելիք կռիւի համար: Այդտեղ կան շատ հայ գիւղեր: Այդտեղ սարերը ծածկւած են անտառներով: Տեղական քրդերը բարեկամ են հայերի հետ...

Խմբի անդամները ուսերի վրայ զինանշան ունէին հայկական «Մ. Հ.» բառերով, որ նշանակում է «Միութիւն Հայաստանի»: Սարգարը կրում էր 39-րդ դիվիզիայի սպայի զինանշան. շուշեցի Աբրահամը ուներ կարմիր, իսկ Կուլուենանը՝ ճերմակ զինանշան, երկու շատ խոշոր տառերով:

Սարգիս Կուլուենան, Կոնստանդին Լիսինեան և Ռուբէն Յովհաննիսեան մեկնել են Պետերբուրգ 1890-ի յուլիսի սկզբներում, եկել են թիւրքիա, ուր հանդիպել են թիւրքահայատակ Սարկաւազի նւ. Վերջինը համոզել է նրանց թիւրքիա գնալու. պատմել է հայերի կրած ճշմարտութիւնները, մատնացոյց է եղել ազատ Բուլղարիայի վրայ, խօսել է Անգլիայի անելիք օգնութեան մասին և ասել է, որ Ռուսաստանի վրայ ներկայումս անկարելի է յոյս գնել:

Թիւրքիայի Կուլուենան, Լիսինեան և Յովհաննիսեան գիւղի են Ալեքսանդրօպոլ, այնտեղից՝ Ղարսի շրջանը: Կուլուենան յայտնեց, որ իր խմբի մէջ եղել է 100 մարդ, որոնցից 20-ը՝ ձիաւոր, Հաւաքել է նա այդ խումբը 2 ամառայ ընթացքում, Ղարսի շրջանի և Ալեքսանդրօպոլի մէջ: Նա ինքը ձիով պտոյսներ է գործել Ղարսի շրջանում: Խումբը կազմակերպելու համար, խմբի անդամները զինւած էին արագածիք զէնքերով: Գնել են նրանք մասամբ իր, Կուլուենանի, անձնական միջոցներով, մասամբ էլ ներաբերւած գրամներով: Փամփուշտները գնել են Սարգարից: Նմանապէս Ղարսում ու Ալեքսանդրօպոլում Շահաբադի գիւղի մօտ հաւաքելով խումբը գիւղի է սահմանի լեռները, ուր մնացել է 2 օր: Լեռների մէջ խմբից յետ են մնացել 25 մարդ: Խումբը իջել է խառ գիւղը, յետ մնացածներին սպանելու և նոր կամաւորներ հաւաքելու համար: Կոնստանդին Լիսինեանի բացատրութեան համաձայն՝ նա ինքը գնացել է Զորագետ, այնտեղից Ալեքսանդրօպոլ, ուր հանդիպել է սարկաւազ Յակոբին և Կուլուենանին, որոնք զրկել են նրան, Լիսինեանին, Ղարսի Ղարսից Լիսինեանը գնացել է Սարգարաւազ, ապա Արմութի գիւղը, ուր տեղեկացել է Սարգարի մասին, ապա Արմութի գիւղը, ուր տեղեկացել է Սարգարի մասին: (Ինչպէս կը տեսնենք, Սարգար Տէր-Անդրէասեանի սպանութեան մասին սահմանապահ զինւորների ձեռքով: (Ինչպէս կը տեսնենք, Սարգար Տէր-Անդրէասեանը նոյնպէս գնացել էր ուրիշ հայերի հետ Արմութի գիւղը, թիւրքիա անցնելու համար. հանդիպելով սահմանապահ զինւորներին, որոնք էլ տեղ նրանց զինւած գիւղագրութիւն և սպանել է նրանց ձեռքով):

Սարգիս Կուլուենանին խոզարկելու ժամանակ՝ գտնւել են նրա մօտ նամակներ և նոթեր հայերէն լեզուով: Այդ նամակներից մէկում, անյայտ հեղինակը հրաւիրում է Կուլուենանին մտնել, իբրև անդամ, ընկերութեան մէջ, որ հպատակում է Վարչութեան: Ապա շարունակում է նամակագիրը. քանի ընկերութեան անդամները կը գտնւին Ռուսաստանում, նրանք պարտաւոր են հնազանդել Վարչութեան: Ուրեմն, դու ևս (գիւղով Կուլուենանին) լինելով գործօն անհատ և գտնւելով Ռուսաստանում, կատարելապէս հնազանդւում ես Վարչութեան և պարտաւոր ես, ինչպէս ամեն մի այլ անդամ, կատարել նրա հրահանգները: Այլապէս՝ դու կը լինի պետութիւն պետութեան մէջ: Եթէ ուզում ես ընկերութեան աջակցութիւնը — գրամով, զէնքով, մարդկանցով — պէտք է բոլորովին հնազանդւիս նրան: Նամակի վերջում հեղինակը յոյս է յայտնում, որ Կուլուենան չպիտի կամենայ գործել առանձնացած, և որ նա կը միանայ այն մարդկանց, որոնք կապւած են սուրբ գործով: Կուլուենանի մօտ գտնւած երկրորդ նամակը գրւած է գաղտնագրով, պայմանական նշաններով: Դոյցատետրի մէջ գտնւեց, սակայն բանալին և այդ նամակն ևս կարդացւեց: Նրա տակը ստորագրւած է «Վարչութիւն»: Վերջին տեղեկացնում է Կուլուենանին, որ ստացել է նրա նամակը: Չենք կասկածում, որ ասուած է նամակի մէջ, որ դու ունենալով Սուրբ Գործը իբրև նպատակ, պիտի համաձայնւի գործել համբաշխ և բնդուենել այն կանոնադրութիւնը, որին հնազանդւում են ընկերութեան մէջ մտնող բոլոր անձերը: Իկա՞ծ լինելով այն համոզումին, որ նախ անհրաժեշտ է զէնք մատակարարել թիւրքահայերին, Վարչութիւնը լիազօրութիւն է տալիս Կուլուենանին մտնել այդ նպատակով բանակցութեան մէջ Ղարսի խմբակի հետ, ըստ կարելու շուտ իրագործելու համար այդ հրատապ կարիքը. այն է՝ ստանալ Ղարսի խմբի

բակից միջոցներ, որոնք անհրաժեշտ են յիշեալ նպատակն իրագործելու համար և նոյն խմբակի հետ խորհրդակցելով, կազմել Կուկուլենեանի տրամադրութեան տակ գտնուած մարդկանցից մի խումբ, որ ընդունակ լինի դբադել այդ գործով, իսկ մնացած մարդկանց վերաբերմամբ տնօրինել այնպէս, ինչպէս որ կը գրէի Ղարսի խմբակին (կօմիտէին): Վարչութիւնը ի գործ կը գնէ իր բոլոր ճիգերը՝ գտնելու համար մօտիկ ապագայում ըստ կարելւոյն մեծ բանակութեամբ զէնք: Կուկուլենեանի մօտ գտնուած երրորդ նամակի մէջ նրա թիֆլիսեան ծանօթը հաղորդում է, որ Ղարսի տօտիկանութիւնը տեղեկացել է նրա, Կուկուլենեանի, գործողութիւնների մասին, և խորհուրդ է տալիս (նամակի հեղինակը), որ Կուկուլենեանը իր պետերբուրգեան հինգ ընկերների հետ, ըստ կարելւոյն շուտով անցնի Թիւրքիա: Մնացած կամաւորները, աւաւած է նամակի մէջ, կասկածները հեռացնելու համար՝ պէտք է անցնին Երևանեան նահանգը: Նամակի հեղինակը աւելացնում է, որ Թիֆլիս է եկել Հախատախտիսկին և սպասում է Հերմեմանովին (կովկասեան կառավարչապետին) զեկուցումն ներկայացնելու համար. ասում է, որ ձեզ բոլորիդ ծանաչում է, գիտէ, թէ որտեղ էք գտնուում և սպասում է կառավարութեան հրամանին՝ իր ընթացքը որոշելու համար: Նամակի հեղինակը տեղեկացնում է Կուկուլենեանին, որ հրացաններ առայժմ չի դրկի, որ նա շատ թշնամիներ ունի և որ նրան աշակցութիւն ցոյց կը տրւի, հէնց որ փոքր ինչ առաջ կը մղէ գործը: Առանձին թախանձանքով նամակագիրը համոզում է Կուկուլենեանին, որ շտապէ գեթ իր 3 պետերբուրգեան ընկերներով Թիւրքիա անցնել, ի նկատի ունենալով ռուս կառավարութեան կողմից սպառնացող վտանգը: Մինչ Ընկերները կարող են Թիւրքիա անցնել—նաև իգգիրով: Նամակի վերջում աւաւած է, որ եթէ Կուկուլենեանը ուզում է լուսնել իր թշնամիներին, պէտք է շուտով Թիւրքիա երթայ: Թիֆլիսի մէջ լուր է տարածւել, իբր թէ Կուկուլենեանը վախենում է Թիւրքիա անցնել, բայց իր վերջին նամակով նա (Կուկ.) «փակեց բոլոր կասկածողների բերանները»:

Այդ նամակի թւականն է 8 սեպտեմբեր 1890: Երբոր հասցեից երևում է, որ նամակի ուղղւած է եղել Թիֆլիսից Սարգիսովի, տեղացի փառաւորական կարապետ Խաչակեանին, յանձնելու համար Սարգիս Կուկուլենեանին:

Զորքուրդ նամակը (գտնուած նոյն Կուկուլենեանի մօտ) ստորագրւած է Վարչութեան մի անդամի կողմից: Այդտեղ հաղորդւում է Վարչութեան վերջին որոշումը Կուկուլենեանի և նրա մարդկանց գործողութիւնների մասին: Առաջին կէտում ասւած է. «աշխատիք ըստ կարելւոյն շուտով... շարունակութիւնը անընթեռնելի է, բայց նամակի ամբողջ պարունակութիւնից երևաց, որ ուզում է ասել. «աշխատիք ըստ կարելւոյն շուտ անցնի Թիւրքիա»: Երկրորդ կէտում ասւած է. «այն մարդկանց, որոնց անկարելի է այժմ իսկ բերել, աշխատիք ցրել զանազան տեղերում, բայց ոչ Ղարսի շրջանում և ոչ էլ իրենց ծննդավայրերում: Թիւրքիա գնացողները պէտք է բաժանւին առանձին խմբերի, պէտք է երթան կարաւանային ճամբաներով: Կամաւորների միւս մասը պէտք է զբաղի ժողովրդին զէնք բաժանելով: Երրորդ մասը խաղաղ կերպով պէտք է մտնի ժողովրդի մէջ: Ինչպէս ասւած է նամակի վերջում՝ Վարչութիւնը չի ցանկանում (?) խմբից ակտիվ գործունէութիւն, բացի Սերվազի խմբից (?): Նամակի մէջ արւած բոլոր առաջարկների մասին Կուկուլենեանը պէտք է խորհրդակցէ Ղարսի մասնաճիւղի հետ, որին Վարչութիւնը յանձնարարում է զբաղել Կուկուլենեանի հետ միասին կամաւորների բաշխումով: (Վարչութիւնը այդ նամակը ղրկած է Կուկուլենեանին փտաւհելի մարդու ձեռքով: Նամակի մէջ ասւած է. «ուղարկում ենք մեր մարդուն... նա քեզ կը հաղորդէ մեր վերջին որոշումը»): Կուկուլենեանից խլւած թղթերից մէկի վրայ—որի պարունակութիւնը չունի անմիջական առնչութիւն նրա գործողութիւնների հետ—մատիտով գրւած է հետեւեալը. «Օրթոֆեադիկար, այսինչի տունը» (այդ մարդու անունը նշանակւած է նամակի մէջ):

Կուկուլենեանի ծոցաթղթերի մէջ գտնւեց չորս անւանացուցակ. իր խմբի մէջ մտած մարդկանց անունները, նրանց ընկալանքներ, ապա նրանց յատկացւած զէնքերը, զգեստ-

ները: Երկու թղթերի վրայ նշանակւած են այն գիւղերը, որոնց մէջ պահոււմ էին զէնքերը... Օրինակ, այսպէս. «Զուրուզ, Տէր-Խաչատուրի մօտ, 14 հրացան, մի խուրջին... պահետի դրւած... Թաղւած ժամի (մէջ աջ կողմը գտնւող նկուզում... փոխադրւած է նրա ասելով... (անընթեռնելի)... Թագցրել է գետնի տակ նաև պաղրոնտանները, ատրճանակները, գաշոյնները»: «Զուրուզ, Մանուկի մօտ 16 հրացան, 2 քսակ և 1 խուրջին. առաջ թագցրւած էին զարմանոցում: Մի քանի ջահէլների ատրճանակները, գաշոյնները, փամփուշտամանները և եսփուշիները գտնւում են մի քանի անձերի մօտ, որոնց անունները գիտէ Օսէփ քեօխան: Օսէփ, Մանուկ և Յովհաննէս քեօխանները (գիւղերի տանուները) խնդրել են Մ-ից 5 հրացան» և ինչ:

Զուրուզ և Արմուշի գիւղերը, վկայութեամբ Խաչակովի և Դրաւոյի (վերջինս կաղզւանի շրջանի գաւառապետն է), եղել են Կուկուլենեան խմբի հաւաքման կենտրոններ, նախ քան նրա մեկնելը դէպի Թիւրքիա: 1890 թ. օգոստոսի սկզբում Խաչակով հրահանգ ստացաւ միջոցներ ձեռք առնելու այն հայերի դէմ, որոնք պէտք է համախմբէին Զուրուզի գիւղի մէջ և ապա մեկնէին դէպի Տաճկաստան: Նրա հաւաքած տեղեկութիւններից պարզւեց, որ Զուրուզի մէջ եղել են 7 հոգի, իսկ Արմուշի մօտ 30 մարդ: Ամենքն էլ Թիւրքիա պիտի անցնէին:

Օգոստոսի 14-ին սահմանապահ զօրքի Սատաշանսկի բաժնի հրամանատար Բէլէկօյ տեղեկանալով, որ Զուրուզ գիւղի մէջ հայեր են հաւաքւած, զէնքով սահմանապահութիւն անցնելու համար, դիմեց մի խումբ ստրաժնիկներով դէպի յիշեալ գիւղը և նկատեց երկու մարդ, որ շուտաբայլ հեռանում էին գիւղից, անցնում էին չկիրճով: Երբ ստրաժնիկները սկսեցին հետապնդել նրանց, մէկը նրանցից նստելով ժայռերի մէջ, մի քանի գնդակ արձակեց ստրաժնիկների վրայ և հրացանաձգութեան միջոցին սպանեց: Իսկ նրա ուղեկիցը, Գաղէթ-Խաչի բնակիչ (Թիֆլ. նահանգ) Ալէքսան Մկրտչեան յայտարարեց զինւորներին, որ ինքը եկել է ուրիշ հայերի հետ Զուրուզ գիւղը՝ Թիւրքիա անցնելու և օգնելու համար իր ցեղակիցներին, որոնց նկղում են տաճիկներն ու քրեւդերը: Նրա ասելով, Զուրուզ գիւղում կային 5 ընկերներ, եկած նոյն նպատակով Խորասանի շրջանից: Պորուշիկ Բէլիօօզ ձերբակալեց նրանց Զուրուզից՝ Արմուշի տանող ճանապարհի վրայ: Նրանք ախալցխացիներ էին և յայտնեցին, որ չեն ծանաչում ոչ Ալէքսան Մկրտչեանին և ոչ էլ նրա սպանւած ուղեկիցին, որ չէր եղել ուրիշ էին գնում Ախալցխայից «Վարդիհեր» վանքը, իսկ Արմուշի մտել էին...? գնելու համար: Յետոյ պարզւեց, որ Մկրտչեանի սպանւած ուղեկիցը նրա համագիւղացի Աբրահամ Տէր Անդրեասեանն է, որը Թիֆլիսի կայարանում մի գիշերապահ (զօրօգօյ) սպանելուց յետոյ, թաքնւել էր և այլ ևս չէր գտնւել:

Օգոստոսի 15-ին կապիտան Կուզուշեւի գրում էր Դրաւ-չեվին, որ օգ. 12-ին 9 հայ են մտել Արմուշի և Զուրուզ գիւղերը. ապա 18 հոգի լազի զգեստով սգոստ. 15-ին պէտք է մեկնեն Խաւ գիւղից նոյն գիւղերը երթալու համար, որ Զուրուզ ու Արմուշի պահւած են 70 բերդանի հրացաններ, որ ընդամենը Զուրուզի մէջ պիտի հաւաքւին 80 հոգի, ապա զինւելով պիտի երթան Թիւրքիա, որ խուժը յոյս ունի սահմանն անցնելու անկատելի կերպով, բայց եթէ հանդիպելու լինի սահմանապահ զինւորներին՝ պիտի ղիմադրէ: Այդ տեղեկութիւնները Կուզուշեւի ստացել է մի անձից, որը հայ կամաւորների փտաւհութիւնը շահելով, տեղեկացել է նրանց նպատակներին և պտտրաստութիւններին: Մի երկրորդ նամակով՝ Կուզուշեւի հաղորդում էր Դրաւչեւի (22 օգոստ.), որ 16 հայ, կամենալով Խաւից երթալ Խորասանի գաւառը և տեղեկանալով օգոստ. 14-ի Զուրուզի դէպքի մասին, գնացել են Ղարս: Հաղորդում էր նաև, որ Հահգեվան գիւղում կան 90 բերդաններ և 7 արկղ փամփուշտ, Զուրուզի մէջ 7 բերդան. իմանալով սա-կայն, որ զինւորական նահանգապետի օգնական Պետան-գերը շուտով խուզարկութիւն պիտի կատարէ Զուրուզի և այլ գիւղերի մէջ—զէնքերը պահող հայերը փոխադրեցին այդ

զենքերը և թագքորին Շահգեվանի և Չուրուկի հայ եկեղեցիների մէջ...

Արմութի գիւղը գալով, ենթադրեց Մելիք Բզնունի գիւղացի այդ գիւղի պատուաւոր բնակիչ Սարգիս Հայրապետեան Մարկոսեանին, նոյն գիւղի տանուտէր Բաբի Մուրադեանին և այլոց, գիւղացի նաև ուրիշ ժողովայն գիւղերի պատուաւոր բնակիչներին ու վաճառականներին, խնդրելով նրանց բողոքին՝ օգնութեան գալ թիւրքիա գնացող հայկական խմբին: Եւ ահա երբ այդ անձերը լիակատար պատրաստակաւութիւն յայտնեցին իրենց աջակցութիւնը յոյց տալու, այն ժամանակ կամաւորները սկսեցին համախմբուել Անդրկովկասի այլ և այլ տեղերից՝ խորասոն դաւաճել գիւղօրայքում:

(Կր Շարունակի)

ՀԱՍՍԱՐԱԿԱԳԻՏԱԿԱՆ

ԺԱՆԺԱԿ ԲՈՒՍՍՈ

(Ծննդեան 200-ԱՄՆԱԿԻ ԱՌԻՖՈՎ)

Հազաւագիւտ տօներից մինը... Ֆրանսիական Յեղափոխութեան անգլուգական մարգարէն է, որ իր հոկայ հասակով վերստին կանգնում է լուսաւոր մարդկութեան առջև և պահանջում նրանից յարգանքի, զմայլումի ու երաստագիտութեան տուրքը:

Եւ տօնում է ողջ աշխարհը: Տօնում է ռամկավարական ֆրանսիան իր պատմութեան մեծագոյն դրաւի հրաբխաշունչ հերոսին:

Տօնում է մի առանձին բերրանքով ժան-ժակի ծննդափայլ — Ժընէ և ը, փոքրիկ, կօսածալիտ, մտաւորական կենտրոն, որ հպարտ է իր մեծանուն գաւակով, հպարտ է և իր հինաւորաց քաղաքակրթութեամբ ու ազատութեամբ:

Դրօշակները ծածանում են ժընէվեան հանրապետութեան համետ բուրգերի վրայ, ժողովուրդը ցոյցեր ու խրախմաններ է սարքում հայրենասիրական ամենավեհ գիւղութեան մէջ, ճառերն ու ծափերը որոտում են Լէմանի վճիտ ջրերի շուրջը, մեծ և սիրած հայրենակցի հասցէին, 200 տարի նրա մահից յետոյ, այն ներկայի վայրերում, ուր ժան-ժակը ապրել է — գաւառութեան ու տառապանքի մէջ — իր այնքանի և արկածալի կեանքի մի մասը...

I

Երկերի ծագումը

Համաշխարհային գրականութեան և կուլտուրայի պատմութեան մէջ Ռուսսոի դէմքը ամենաուշագրաւներից է: Այսպիսի գրողներ դարերի ընթացքում յաճախ չեն երևում: Յառաջագիւտութեան միապաղաղ ու խուլ գնացքի մէջ՝ նրանք դուրս են գցում մի առանձին ուժով, փոթորկում ժողովուրդների միաբն ու հասարակական կարգը: Երբ յետագարձ ակնարկով դիտում ենք այն երկարաձիգ ճանապարհը, որ անցել է մարդկութիւնը իր բարոյական և մտաւոր արժէքները երկնեիս՝ Ռուսսոի պատկերը այդ մեծ ուղիի գագաթնակէտերին է ներկայանում: Նա մարդկային քաղաքակրթական ուժերի այն սակաւաթիւ խաղաղութեանից է, որ իջնում է պատ-

մական ասպարէզ՝ մէկ օր Սոկրատի, Պլատոնի, Արիստոտէլի, միւս օր՝ Դեկարտի, Լօկիի, երրորդ օր՝ Կանտի, Սպենսերի անունով:

Ռուսսոի անձնաւորութեան մէջ դարերի իդէալներն են ժողովուրդ, նրա մաքի մէջ մարդկութեան զգացմունքներն են կենտրոնանում: Եթէ այդպիսի անհատներ աշխարհը չծնի՝ հաւաքական իմաստութեան, ժողովրդական ուժի ալիքները ցրած ու տեղատուած կը մնան և քաղաքակրթութեան ու պրօգրէսի գործը անհունապէս կը դժւարանայ:

Ռուսսոի պէս մեծ հեղինակներն են կարողանում հաւաքել մարդկութեան հանճարը, բռնել ժամանակի և տարածութեան մէջ լողացող ոգին: Նրանք են, որ այդ հանճարի և այդ ոգու օգնութեամբ կարողանում են ուղղել մեր նաւի ընթացքը, շարժել մեր կեանքը, լուսաւորել մեր անյայտ, անծանօթ ճանապարհը:

Ռուսսոն իր խօսքն ասաց գրական-գեղարւեստական աշխարհին: Այդ միջավայրի սկզբունքները փոխեցին, սրբագրեցին, կատարելագործեցին նրա հրահանգի համաձայն:

Ռուսսոն իր խօսքն ասաց սօցիալական կազմին: Հասարակութեան կառուցւածքը, մարդկանց վիճակն ու ճակատագիրը, դասակարգերի յարաբերութիւնները նրա երկերի մէջ ուժգին ու անկեղծ վերլուծման ենթարկւեցին:

Ռուսսոն զգացմունքով ու բարձրաձայն խօսեց նաև քաղաքական-իրաւական կարգերի մասին: Բռնակալի և ստրուկի, տիրողի և տիրուղի յաւիտենական առեղծւածը նրա աշխատանքների մէջ որոշ, կարուկ լուծումն ստացաւ:

Ռուսսոն կանգ առաւ նաև, սիրով ու յուզմունքով դաստիարակութեան մեծ պրօբլեմի առջև: Նա ցոյց տւեց՝ թէ ինչպէս պիտի զարգանայ մարդը, ինչպէս պիտի կրթւի անհատը՝ երջանիկ, ուժեղ, բարի լինելու համար:

Քաղաքակրթութեան այս մեծ խնդիրների մասին խօսեց նա, խօսեց առանց վարանումի, առանց տատանման, առանց կեղծիքի ու շահախնդրութեան: Մարդկութիւնը երկար ժամանակներից ի վեր չէր լսել այնպիսի ազատ ու համարձակ խօսք: Ինչոր ասաց ժընէվեի այդ մեծանուն մարգարէն՝ սրտից ասաց, համոզմունքով ասաց՝ նա հաւատաց իր ներքին ձայնին և այդ հաւատքը՝ անխախտ ու անայլալ, մարդկութեան հաղորդեց: Կուղէինք այսօր, նրա ծննդեան երկհարիւրամեակի առիթով, մի քանի խօսք ասել այդ ձայնի բովանդակութեան մասին, համառօտակի ներկայացնել նրա ծագումը, նրա էութիւնը և նրա գերը...

Որտեղից եկաւ այդ ձայնը և ի՞նչ աղբիւրից սկզբնաւորեց:

Նախ և առաջ հին աշխարհը, որի կեանքն ու պատմութիւնը Ռուսսոյի երկերում յաճախ յիշատակուած են: Յունաստանը և Հռոմը դարերի հեռավորութիւնից ներգործում են նրա երեւակայութեան, նրա խոհերի վրայ: Անշուշտ միապետական Յունաստանը չէ այդ, որ գրաւում է տասնութերորդ դարի փիլիսոփային և ոչ էլ կայսերական Հռոմը, որ ժպտում է Ռուսսոյի հայեացքին: Երկու տեղն էլ նրան հանրապետական, ռամկավարական շրջաններն են հետաքրքրում: Այդ հինաւուրց երկիրների մէջ գեղարեւեստների փայլը, գիտութիւնների զարգացումը և ընդհանրապէս բաղադրութեան ծաւալումը չէր դրական կերպարանքով յայտնուում ժանժակին: Ընդհակառակը. նա դրանց դէմ, կեանքի այդ ճոխ արտայայտութիւնների դէմ դժգոհութեան, ցասումի խօսքեր ունէր: Ժողովրդական ուժի, ժողովրդական կառավարութեան փաստերն էին հաղորդում նրա որոնող հոգուն: Այն բոլոր դէպքերում, երբ Հռոմն ու Յունաստանը կարողացել են թօթափել բռնաւորի լուծը և իրագործել «ռամիկի» իշխանութիւնը — այդտեղ են նրանք Ռուսսոյին բարեկամ:

Բացի հին աշխարհի կարգերից և իրողութիւններից՝ «Contrat Social»-ի հեղինակը նրանց ի դէմն էր մէջ էլ գտել է ռեալութեան սաղմեր:

Նա կարգացել, խորհրդածել է Արիստոտէլին, բայց իր գրեւորների մէջ ոչ մի տեղ նրա իմաստութեան և հեղինակութեան վրայ չի հիմնուում: «Politique»-ի հանձարեղ ստեղծագործողը, որքան էլ իրապէս մեծ լինէր, չէր կարող հրապուրել «ժողովրդական գերիշխանութեան» համոզած փիլիսոփային: Արիստոտէլը իր պաշտպանութեան տակ էր առել հին աշխարհի ստրկատիրական կարգերը, Արիստոտէլը չէր ըմբոստանում անհաւասարութեան ուժեղիմի դէմ: Ուժեղիմ, որ այնքան բացայայտ կերպով հարեւածում էր մարդու «բնական իրաւունքը»: Ռուսսոն բացասաբար միայն կարող էր վերաբերել դէպի մի այդպիսի փիլիսոփայութիւն:

Պատանի և Սոկրատի համար նա այդ դիրքը չունի: «République»-ի հեղինակը նրան հաճելի է իր հաւասարութեան բարոյով: Այդ իմաստասէրի մէջ Ռուսսոն տեսնում է այն արգարութիւնն ու իրաւունքը, որ հին աշխարհը կարող էր կտակել յետնորդ դարերին և որի վրայ նոր աշխարհը կարող էր հիմնել իր իդէալները: Միւս կողմից՝ Սոկրատի անհատական վարքը, նրա ապրելու պարզ եղանակը, նրա առաքինութիւնը, նրա արհամարհանքը դէպի մեծերը և կասկածը դէպի գիտութիւնը — համակրելի էին Ռուսսոյին: Հին աշխարհի այդ երկու նշանաւոր փիլիսոփաների գործն ու կեանքը որոշ ազդեցութիւն ունեցան Ռուսսոյի արամագրութեան վրայ:

Նոր ժամանակներից նա աւելի բան ստացաւ Իտալական և մանաւանդ Ֆրանսիական վերածնութիւնը գրական և հասարակական տեսակէտով նշանակելի

ծառայութիւն մատուցին նրան: Երկու-երեք դար շարունակ այս կամ այն հեղինակը — բանաստեղծը, բարոյագէտը, փիլիսոփան — իրենց աշխատութիւնների մէջ շօշափում էին Ռուսսոյի սիրած նիւթերը: Եթէ նրանք չէին կարողանում կամ չէին մտածում այդ իմաստով մի սիստեմատիկ, որոշ ու պարզ աշխարհայեացք ներկայացնել — այնուամենայնիւ տալիս էին այն տարրերը, որոնք անհրաժեշտ էին մի այդպիսի աշխարհայեցողութեան համար: Այդ տարրերը յաճախ ցրեւած էին, յաճախ անգիտակից և անկապակից, բայց և այնպէս գոյութիւն ունէին:

Մի բանի մատենագիրներ՝ Ֆրանսիական վերածնունդից սկսած մինչև տասնութերորդ դարի հանրագիտական շարժումը՝ բաւական զգալի ազդեցութիւն ցոյց տւին Ռուսսոյի փիլիսոփայութեան: Այդ շարքի մէջ հնագոյն տեղն են գրաւում Ռաբլէ (Rabelais) և Մօնտէյն (Montaigne): Բնական վիճակի, բնական առաքինութիւնների նկարագրութիւնը սրանցից է սկիզբն առնում: Սրանք են, որ մանաւանդ դաստիարակութեան մէջ սխալաստիկայի այն չոր դարում, բնական միջոցների օգտակարութիւնը վեր հանեցին:

Միապետական և սահմանադրական վարչաձևի պրօբլեմը Ռուսսոն մասամբ Մօնտէյնի օրհուս բերեց: Ցասնութերորդ դարի այդ լրջմիտ, ծանրախոհ մատենագիրը իր «Օրէնքների Ոգին» դասական աշխատութեամբ շատ խնդիրներ յուզեց և շատ մարդկանց վրայ ազդեց: Հաւասարութեան և անհաւասարութեան կնիքը, որ Ռուսսոյի գործունէութեան հիմնական լարն է, այստեղ է ցուցահանուած: Միայն թէ՛ Մօնտէյնի օրհուս էր առել բացառապէս բաղադրական անհաւասարութեան վրայ և չէր զբաղւել տնտեսական անհաւասարութեամբ: Ռուսսոն արձագանք տալով Մօնտէյնի օրհուս աշխարհայեացքին՝ կարողացաւ աւելի խորը հասկանալ անհաւասարութեան պրօբլեմը և աւելի հիմնապէս ներկայացնել այն:

Բնագիտական-փիլիսոփայական խնդիրներում Ռուսսոն ներշնչեց Բիւֆֆօնի գործով: Այս հեղինակի հռչակաւոր «Histoire naturelle»-ի մէջ բնութեան փիլիսոփան ուսումնասիրելու, իւրացնելու շատ բան գտաւ: Անասնական և մարդկային հասարակութիւնների համեմատութիւնն ու նմանութիւնը, վայրենիի և կենդանիի դրացիութիւնը, նրանց հոգեկան և մտաւոր վիճակների մերձաւորութիւնը, կերպարանափոխութեան, զարգացման գաղափարը, բնաշրջումի նախնական սկզբունքը — որոնցով Բիւֆֆօն հանդիսանում էր լամարկի և Դարվինի առաջնորդաւոր նախորդը — այդ բոլորը Ռուսսոն նրանից ստացաւ:

Նշանակելի է նաև Դիդրօի դերը այս գործունեների շարքում: Քաղաքակրթութեան դէմ ունեցած Ռուսսոյի բացասական արամագրութիւնը նախապէս նրանով ամ-

րապնդւեցի Մինչև ժան-ժակի երևումը Ֆրանսիական գրականութեան մէջ Դիդրոն էր յայտնի իր այդպիսի դիրքով։ Նա էր բաղաբաղութեան չարիքները խառնալուծում, նա էր բնութեան ներքոյը անուամբ նա էր արտասանել «դէպի բնութիւն» հռչակաւոր նշանախօսքը։ Ռուսսօի անձնաւորութեան մէջ Դիդրոն տեսաւ իր սիրած գաղափարների պերճախօս, հետեւողական, նախասահմանած արտայայտչին։ զգաց, որ այդ ասպարիզում նրան չի կարող փոխարինել և սիրով նրան թողեց բնական վիճակի յայտագործումն ու պաշտպանութիւնը...

Ցասնեօթերորդ դարի անգլիական փիլիսոփայութիւնը կարեւոր ազդեցութիւն է ունեցել Ֆրանսիական սօցիալական մտքի վրայ։ Մօնտեսքիօ և մանաւանդ Վօլտէր իրենց հայրենիքի կեանքը յեղաշրջելու և վերանորոգելու համար ցնցումներ ստացան ոչ միայն բրիտանական քաղաքական, հասարակական կարգերից, այլ և նրանց գաղափարներից։ Անգլիացի փիլիսոփայ-սօցիոլոգ Հօբս (Hobbes) և մանաւանդ փիլիսոփայ-հոգեբան Լօկկ (Locke) կարեւոր դեր են խաղացել այդ ուղղութեամբ։

Ռուսսօն իր «Contrat Social»-ի մէջ քննադատաբար է վերաբերում դէպի Հօբսի աշխարհահայեացքը, սրբագրում է նրա իրաւական-քաղաքական ըմբռնումները։ Բայց չնայելով այս հանգամանքին՝ նա այդ հեղինակի մէջ ևս գտաւ իր հիմնական մտքի — բնական իրաւունքի — բաւական լսելի արձագանքները։ Լօկկը աւելի շատ ծառայութիւն մատուցեց Ռուսսօի աշխարհահայեացքի կազմակերպման։ Նրա քաղաքական ազատութեան թէօրիան և նրա հոգեբանական դաստիարակութեան սկզբունքը անցան ժընեցի փիլիսոփային, զարգացան, կատարելագործւեցին սրա հասարակական և մանկավարժական երկերի մէջ։ Մանաւանդ վերջին կէտում՝ Ռուսսօն թերեւս ուրիշ աւելի արժեքաւոր աւելի հաստատուն ուղեցոյց չի ունեցել։ Լօկկի «Մտքեր դաստիարակութեան մասին» լուրջ աշխատութիւնը Ռուսսօի «Էմիլ»-ին կարեւոր և անգնահատելի նիւթ է մատակարարել։

Հօլլանդացի նշանաւոր իրաւագէտ-պատմաբան Գրօցիօս, որ գործում էր տասնեօթերորդ դարում՝ անշուշտ որոշ մասնակցութիւն ունեցել է Ռուսսօի իրաւական աշխարհահայեացքի կազմաւորման գործում։ Ինքը Ռուսսօն՝ այս հեղինակի նկատմամբ ևս բնագրատական խիստ ոճով է խօսում, այնպէս, ինչպէս անգլիացի Հօբսի մասին։ Նրա տեսակէտով՝ ո՛չ Գրօցիօս և ո՛չ Հօբս չկարողացան իրաւունքը հասկանալ բացարձակ մտքով, իդէալականօրէն, անկախ այս կամ այն իրական իրաւունքից։ Ռուսսօն շատ առաջ գնաց. «բնական իրաւունք»-ի համար հիմքեր չգտաւ մեր հասարակարգի «իրական իրաւունքի» մէջ։ Այդտեղ նա և Գրօցիօսն ու Հօբսը անշուշտ իրար նման չեն։ Բայց դրանից անկախ՝ մարդուս իրաւունքների, մարդուս ազա-

տութեան ջատագովումը առհասարակ Ռուսսօն կարգացել էր նաև վերոյիշեալ հեղինակների երկերում։

Ինչ որ ասացինք Գրօցիօսի մասին՝ նոյնը կարելի է կրկնել նաև սաքսօնացի իրաւաբան-պատմագէտ Պիլ-ֆէնդօրֆի նկատմամբ։ Այս հեղինակի բաւական ժողովրդական աշխատութեան մէջ — որ կրում է «Traité du Droit de la nature et des gens» խորագիրը — հրահանգւած է անհատի և ազգերի բնական, անձեռնմխելի իրաւունքը։ Եւ իբրև այդպիսին՝ նա ներկայացնում է «Contrat Social»-ի սաղմը։

Այս բոլոր ազդեցութիւններից բացի, որոնք յամենայն դէպս չէին կարող ժան-ժակ Ռուսսօի գրական, փիլիսոփայական, հասարակական գործը վճռականապէս պայմանաւորել — պէտք է յիշատակենք նրա հայրենիքը, ժընեւը։ Իր միջավայրով, իր բարքերով, իր քաղաքական ու հասարակական կազմով, իր մտաւոր վիճակով, իր կրօնով՝ այդ փոքրիկ, պատմական հանրապետութիւնը մեծ դեր է խաղացել Ռուսսօի մտային կազմակերպման ու կառուցման գործում։ Նրա բոլոր աշխատութիւնների մէջ, առաւել կամ նւազ չափով, երևում է հայրենի հանրապետութեան բարոյական կերպարանքը։ Այդ գիծը գրեթէ կայ միշտ, բացայայտ կամ ծածկեալ, ուժեղ կամ մեղմ, գիտակից կամ անգիտակցական դրութեամբ։ Ռուսսօն շատ անգամ հրապարակով ներքոյել է իր հայրենի քաղաքի պարզունակ վարքը, անպաճոյճ կեանքը, բնական ու արինութիւնը, քաղաքական համեմատաբար արդար ձևը, ժողովրդի գերիշխանութիւնը և ազատութիւնը։

Անշուշտ, ժընեւը իր իրական վիճակով նրա երեւկայած հասարակարգը չէ. անշուշտ, ժընեւը նրա իդէալի վերջնական իրագործումը չէ — բայց և այնպէս նա սիրում է ժընեւը, իբրև սկզբնաւորութիւն այդ հասարակարգի, իբր սաղմ այդ իդէալի։ Եւ այսքանը ինքնին բաւական է։ Իր հեղինակական յոռետեսութեան վայրկեաններին՝ նրա միտքը կազդուրւում էր ժընեւով։ Այդ հանրապետութեան հանգէպ, այդ փոքրիկ ժողովրդի դիմաց՝ նա հաւատում էր իր իդէալին և մարդկութեան ապագայ երջանկութեան։ «Contrat Social»-ը որքան էլ բացարձակ մտածողութեան արդիւնք լինի իր ձևով ու արամաբանութեամբ, այնուամենայնիւ նրա կենսական աղբիւրը ամենից առաջ ժընեւն է։ Որքան էլ ռացիօնալ, բանական գունաւորում ունենայ այդ համաբաւարար երկասիրութիւնը, այնուամենայնիւ ժընեւի հանրապետութեան պատմական փաստն է, ամենից առաջ, մնունդ մատակարարում նրա բանականութեան։

Իր աշխատութիւնների մէջ նա յաճախ խօսում է ժընեւի մասին, յարգանքով ու երախտագիտութեամբ, և իր անւան կողքին յաճախ դնում է «ժընեւի քաղաքացի» մակդիրը։ Այս վերաբերմունքը ձեւական, ար-

տաքին խնդիր չէ բնաւ: Հեղինակի ու ժընեւան հան-
րապետութեան ներքին, բարոյական կապի արտայայ-
տութիւնն է դա:

Հասարակական-քաղաքական կազմի հետ միասին՝
ժակ-ժակ Ռուսսօի զարգացման խնդրում որոշ գեր է
խաղացել նաեւ իր հայրենիքի մտաւոր կեանքը: Առանձ-
նապէս յիշատակութեան արժանի է իրաւագէտ Բ ու ռ -
լ ա մ ա կ ի, որ ապրում էր տասնութերորդ դարում
և որ ուսուցչապետի պաշտօն ունէր ժընեւի ակադե-
միայում: «Բնական իրաւունքի» թէորիան Բուրլամակիի
շնորհիւ բաւական առաջ էր գնացել թէ ժընեւի ակա-
դեմիայի և թէ քաղաքի կրթած շրջաններում իր երկու
աշխատութիւններով—որոնք կրում են «*Principes du
Droit naturel*» և «*Principes du Droit politique*»
խորագիրները և որոնք այդ նիւթի պատմութեան մէջ
կարեւոր տեղ են գրաւում—ժընեւի գիտնական ուսուց-
չապետը պաշտպանում էր մարդուս ազատութեան
սկզբունքը, բնական իրաւունքի անձեռնմխելիութիւնը և
ժողովրդական գերիշխանութիւնը: Ժան-ժակ Ռուսսօի
քաղաքական-իրաւական գործը մեծ չափով սկիզբն է
առնում այս երկերից, որ այնքան հարազատ էին նրան
իւր «*Contrat Social*»-ի համար իբրեւ երկրորդ խո-
րագիր՝ նա նոյնութեամբ վերցնում է Բուրլամակիի
աշխատութեան խորագիրը՝ *Principe du Droit po-
littque*:

Ժընեւի կազմը, ժընեւի բարքը, ժընեւի միտքը—աս
այն առաջնակարգ աղբիւրը, որից դուրս ցայտեց Ռուսսօի
հասարակական, բարոյական, փիլիսոփայական գործը:

Բայց, ժընեւից բացի, կար նաեւ Շվեյցարիան ընդ-
հանրապէս, կար նաեւ Սաւոյիան: Երկար տարիներ
Ռուսսօն թափառեց այդ երկրի լեռներում, անտառնե-
րում, լճերի շուրջը, մենաւոր կղզիների վրայ: Երկար
տարիներ ապրեց նա բն ու թ ե ա ն հետ միասին, հրա-
շալի և ընդարձակ դաշտերի վրայ, բաց, կապուտակ
երկրի տակ, աստղերի հմայիչ փայլին հայեացքը սեւե-
ռած: Եւ այդ բոլորը, այդ բազմախորհուրդ ու սքանչելի
բնութիւնը նրան շատ բան տւեց: Ինչ որ նա չկարո-
ղացաւ ստանալ հին աշխարհից, նշանաւոր փիլիսոփա-
ներից, ստացաւ ժընեւից, և ինչ որ չկարողացաւ ստա-
նալ ժընեւից, ստացաւ այս խօսուն, այս իմաստուն բնու-
թիւնից: Նրա երկերը լի են այն թարմութեամբ, պար-
զութեամբ, խորութեամբ, ինչ որ կար շվեյցարական մեծ
բնութեան ծոցում: Քրանսիական գրականութեան մէջ
և առհասարակ աշխարհի չոր, դասական գրականու-
թեան մէջ նա մտքեց բնութեան բոլորը: Նրա «*Նոր
Հելոիզը*», նրա «*Եմիլը*» թաթաւած են այդ հոտով և
այդ համով: Նրա ամբողջ գործը այդ միջավայրի խո-
րունկ կնիքն է կրում...

Բայց այս բոլորը ամեն բան չէր: Այս բոլորը—հին
աշխարհը, հեղինակները, ժընեւը, բնութիւնը — բացա-

տրում են գրողի տ ե ս ա կ ը, մեկնաբանում են նրա
այս կամ այն միտքը, այս կամ այն գիծը, այս կամ
այն գործը ընդհանրապէս Ռուսսօի մ ե ծ ու թ իւ ն ը
նրանք չեն նախասահմանում, չեն պայմանաւորում: Այդ
մեծութիւնը գալիս է նրա հ ո գ ու ճ յ: Նրա ներքին
էութեան, նրա անկեղծ, խորը, բուռն անհատականու-
թեան մէջ զտւում են վերոյիշեալ գործօնները և այդ-
պէս արժեքաւորած հաղորդւում են աշխարհին:

Այս կազմով, այս հիմքերով և այս արամադրու-
թեամբ Ռուսսօն նետւեց տասնութերորդ դարի հասա-
րակական, փիլիսոփայական մտքի ասպարեզը: Եւ այսպէս
սկսեց յեղաշրջել նա կեանքն ու գաղափարները...

II

Դիօսուքիւնների և զեղաւեհանների դերը

1749 թւականին Դիօսի ակադեմիան մի հարց նե-
տեց հրապարակ. «Արդեօք գիտութիւնները և գեղար-
ւեստները նպաստեցին բարբերի ազնւացման»: Այդ
համաւար հարցը մեծ աղմուկ բարձրացրեց Քրան-
սիական մտաւոր աշխարհում: Ո՞վ կարող էր կասկածել
դրա մասին, ո՞վ կարող էր բացասական պատասխան
ներկայացնել իմաստունների կաճառին: Ռուսսօն այդ
ժամանակ արդէն 38 տարեկան էր և մինչև այդ՝ ոչինչ
չէր գրել: Նրա անունը միանգամայն անծանօթ էր գրա-
կան աշխարհին: Ակադեմիայի հարցը նրան յուզեց, նրա
ներքին էութիւնը այնպիսից: Իւ նա որոշեց իր ձայնը
հաղորդել աշխարհին: Ինքը Ռուսսօն, մի նամակի մէջ,
գրած 1761 թւականին, այսպէս է նկարագրում իր
հոգեկան դրութիւնը այդ հռչակաւոր հարցից յետոյ.

«... Յանկարծ զգացի միտքս պայծառացած հազա-
րաւոր լոյսերով: Գաղափարների բազմութիւններ ներ-
կայանում են ինձ մեծ ուժգնութեամբ և ինձ նետում
են մի անարտայայտելի դողի մէջ: Զգում եմ, որ գլուխս
բոլորովին բռնւել է, ասես գինով լինեմ: Մի անօրինակ
բաբախում ճնշում է ինձ, արմատախիլ է անում
կուրծքս: Զկարողանալով այլ ևս բայել՝ ես վար եմ
ընկնում ճանապարհին, մի ծառի տակ, և մնում այդ-
պէս մօտ կէս ժամ: Եւ երբ յուզմունքից ուշքի եմ
գալիս՝ նոր եմ նկատում, որ բաճկոնիս առաջի մասը
ամբողջովին թաց է. ես լացել եմ անընդհատ առանց
զգալու: Օ, եթէ կարողանայի գրել բառորդը, ինչ ես
տեսայ և զգացի այդ ժամին ու այդ ծառի տակ —
ինչպիսի պայծառութեամբ ցոյց կը տայի հասարակական
սխտեմի բոլոր հակասութիւնները, ինչպիսի ուժով կը
ներկայացնէի մեր հաստատութիւնների բովանդակ վնաս-
սակարութիւնը, ինչպիսի պարզութեամբ կ'ապացուցէի,
որ մարդս բարի է բնականապէս և որ այդ հաստա-
տութիւնների միջոցով է միայն չար դառնում»...

Բնութեան մարդու հոգեբանութիւնն է դա, որ ընկել է աշխարհիկ միջավայրը, քաղաքակրթութեան աղմկոտ կենտրոնը և տառապում է այնտեղի ներքին պայքարը մի մարդու, որ այնքան տարիներ ապրել է հեռու գրական կեանքից և օր սակայն այդ բոլոր տարիներում ուսումնասիրել է, կարդացել, դիտել, խորհրդածել մեր գոյութեան իմաստն ու նպատակը:

Այդ հարցի ապաւորութեան տակ պայթում է բնական մարդու հոգին, դուրս է ցայտում տարիների բողբոջը, դժգոհութիւնը, գանգատը քաղաքակրթութեան դէմ, որ չի երջանկացնում մարդուն և որ ընդհակառակը՝ աւերում է նրան:

Այսպէս է սկսում Ռուսսօի գրական գործունէութիւնը:

Դիժօնի գիտունների ժողովին նա յայտարարում է բացարձակ կերպով, որ գիտութիւնները և գեղարւեստները բնաւ չնպաստեցին բարքերի ազնւացման: Ռուսսօի կարծիքով՝ գիտութիւնները մարդկային արատների արգիւնք են: Առողջ, բարոյական մղումները չեն նրան ըստեղծագործել, այլ հիւանդոտ ու մոլար կրքերը: Աստղագիտութիւնը ծնունդ է նախապաշարման, պերճախօսութիւնը՝ ստախօսութեան, բարոյագիտութիւնը՝ մարդկային գոռոզութեան, իրաւագիտութիւնը՝ անարդարութեան, պատմութիւնը՝ բռնակալութեան: Նրանց բոլորի էլ արմատը, աղբիւրը թունաւոր է ու անմաքուր:

Եթէ այդպէս են գոյացել նրանք՝ նշանակում է ուրեմն, որ չեն կարող օգտակար լինել մարդկութեան: Նրանք փնասակար են կրկնակի տեսակետով— փնասակար են մարմնին, փնասակար են նաև հոգուն: Նրանց միջոցով կորչում է բաջութիւնը, առողջութիւնը, հերոսութիւնը: Պետութիւնների և ժողովուրդների անկումը, այլասերումը՝ հեռաւոր թէ մերձաւոր, հետեւանքն է գիտութիւնների և գեղարւեստների ծաղկման: Հին Եգիպտոսը, Յունաստանը, Հռոմը երջանիկ էին, առողջ, կենսունակ անգիտութեան շրջաններում: Գիտութիւններն ու գեղարւեստները պատճառ դարձան նրանց կործանման: Գրքերի յետեւից վազելով, դատարկ և անիմաստ ծանօթութիւնների հետամտելով, անպէտք արւեստների վրայ եռանդ վառնելով՝ նրանք կորցրին կեանքի զգացումը, իրականութեան հոստառութիւնը: Հայրենիքը մնաց առանց հերոսի, առանց պայքարողի և գիւրու-թեամբ խորտակեց ասպատակողների ոտքերի տակ, որոնք ոչ գիտութիւն ունէին և ոչ գեղարւեստ:

Մարմնի աւերումներից բացի՝ գիտութիւնների ու գեղարւեստների մէջ աւերում է նաև բարոյականը, հոգին: Դաստիարակութիւնը դառնում է մի աւելորդ ու փնասակար պաշտօն: Մանուկներին սովորեցնում են ամեն բան, բայց երբէք այն, ինչ հարկաւոր է մարդկութեան և հայրենիքին: Գլուխները լցնում են բերականութիւններով, թւերով, գրքերով և սակայն չեն կարողանում

ճշմարտութիւնը մոլորութիւնից տարբերել: Գիտութիւնների և գեղարւեստների ազդեցութեան շրջանում կամքը, առաքինութիւնը արհամարհւում են և մեծարւում են երկրորդական, երրորդական յատկութիւններ: Այլ ևս չենք հարցնում մարդկանց արիւթիւնը, ազնւութիւնը, արդարութիւնը, այլ միայն տաղանդը: «Մենք ունինք բնագէտներ, երկրաչափներ, բիմիկոսներ, աստղաբաշխներ, բանաստեղծներ, երաժիշտներ, նկարիչներ, մենք չունինք այլ ևս քաղաքացիներ»: Մարդիկ հետապնդելով շատ բան գիտնալու փափագին, լաւ խօսելու ցանկութեան՝ կորցնում են գործելու ընդունակութիւնը: Մարդու մէջ թագնաւած աստուածային ուժերը վատնւում են ի զուր և մարդկութիւնը զրկւում է իր գոյութեան հիմքերից:

Գիտութիւնները և գեղարւեստները այնպէս, ինչպէս կան՝ դէպի անկումն են տանում ժողովուրդներին: Նրանք ծնում են անհաւասարութիւն և բաժանում են մարդկանց, հեռացնում են միմեանցից: Ռուսսօի կարծիքով՝ հասարակական անհաւասարութիւնը ոչ մի տեղ և ոչ մի շրջանում այնքան անտանելի չէ, որքան գիտութիւնների և գեղարւեստների տիրապետութեան մէջ: Նրանք ծառայում են մէկին, ուրախացնում են միւսին, բայց ժողովրդական բազմութիւնները մնում են ոտնահարած: Նրանց անխուսափելի ծնունդն է շռայլութիւնը, *luxe*-ը, որ աւերում է տնտեսական կանոնաւորութիւնը և սակաւաթիւ վայելողների հանդէպ՝ կանգնեցնում է կարիքաւորների բանակը: Մարդկութիւնը այլասերւում է այդ ուժերի մէջ և մարդկային երջանկութիւնը դառնում է բանդագուշանք...

Դէմ լինելով գիտութիւններին ու գեղարւեստներին այնպէս, ինչպէս նրանք երևացել են պատմութեան մէջ՝ Ռուսսօն դէմ չէ գիտութեան, իմաստութեան, առհասարակ: Նրա կարծիքով կենքի մէջ կամքն ու միտքը անհամաձայն են եղել, հասարակական միջայնօրեայ սիստէմի մէջ գործն ու իմացականութիւնը անհամերաշխ են ապրել: Մինչդեռ նրանց ներդաշնակութիւնը հնարաւոր է և Ռուսսօի համար անշուշտ ցանկալի է: «Քանի որ մի կողմում միայն ուժ լինի, միւս կողմում միայն լոյսն ու իմաստութիւնը— գիտունները հազիւ թէ մեծ բան մտածեն, և իշխանները հազիւ թէ գեղեցիկ գործեր կատարեն»:

Քաղաքակրթութեան չարիքները հարւածելով հանդերձ՝ Ռուսսօն խորապէս զգաց վերոյիշեալ ներդաշնակութեան օգտակարութիւնը...

Ժան-Ժակ Ռուսսօի այդ անդրանիկ աշխատութիւնը ահագին հարւածով պայթեց իր ժամանակի գրականագիտական աշխարհում: Դիժօնի ակադեմիան նրան մըրցանակի արժանացրեց, և Ռուսսօի անունը կարճ ժամանակում հռչակեց ամենուրեք: Այդ երկի մէջ նա դրել էր անկախ, ազատ, ինքնուրոյն մտածողութիւն և

կարողացել էր իր ժամանակի սրբագործւած մոլորութիւնները համարձակօրէն բնագատել: Այդտեղ սխալ տեսութիւններ կային անշուշտ, առերեւոյթական հակասութիւններ գոյութիւն ունէին, մանրամասների մէջ վրիպումներ նկատուում էին, բայց և կային մէկից աւելի առողջ մաքեր, ճշմարիտ գաղափարներ, որոնք արժէք էին տալիս գործին և որոնք նոր իդէալներ, նոր հոսանք էին հաղորդում անշարժացած կեանքին...

Այդ մաքերն ու գաղափարները յետագայ տասնամեակում պիտի զարգանային, պատճառաբանէին և բացատրէին նրա նշանաւոր երկերում: Ռուսսօն դրանցից մի սիստեմատիկ աշխարհահայեացք պիտի դուրս բերէր...

III

Անհաւաստութեան պօքլեմը

Գիտութիւնների և գեղարվեստների դերից յետոյ Ռուսսօն դիմում է անհաւաստութեան պօքլեմին: Այդ նիւթին է վերաբերում նրա երկրորդ գրւածքը, որ այնքան մեծ ցնցում առաջ բերեց և որ այնքան ժողովրդականութիւն ստացաւ: Այսօր էլ կարելի է հիացմունքով կարգաւ այդ պատմական երկը — «Ճառ անհաւաստութեան մասին» — որ տասնութերորդ դարի հեռաւորութիւնից տասնիններորդ դարի հարցն էր վերլուծում:

Ժան-Ժակ Ռուսսօն այդ աշխատութիւնը բաժանել է երկու մասի: Առաջինում «բնական կարգի» և «բնական մարդու» առաւելութիւններն է ցուցահանում: Երկրորդում «հասարակական կեանքի» և «հասարակական մարդու» աղաւաղած պատկերն է ներկայացնում:

Անհաւաստութեան խնդիրը մարդկութեան ամենավիրաւոր կնճիռն է, համաշխարհային պատմութեան հիւանդոտ կէտը: Ինչո՞ւ են մարդիկ անհաւաստ ինչո՞ւ մէկը աէր է առասպելական կարողութեան, իսկ միւսը զուրկ է ամենաանհրաժեշտ պէտքերից: Ինչո՞ւ մէկը բռնակալ է, միւսը ստրուկ:

Փիլիսոփայութիւնը սկսած հնագոյն ժամանակներից մինչև Ժան-Ժակ Ռուսսօ միշտ զբաղւել էր այդ տիեզերական պօքլեմով: Հին աշխարհը, միջին դարը, նոր դարը, մեծանուն ու հանճարեղ իմաստասէրների բերանով այս կամ այն բացատրութիւնն ու լուծումն է գտել այդ դժբախտ պօքլեմի համար: Եթէ չհաշուենք մի քանի սակաւթիւ հեղինակներ՝ մտածողների մեծ մասը այդ իրողութեան մէջ տեսել է մի բնական անհրաժեշտութիւն, որին կամայ թէ ակամայ պէտք է համակերպել: Հաւաստութիւնը — նրանց ըմբռնումի համաձայն — ցնորք է միայն: Անհաւաստութիւնը բնութեան անդառնալի օրէնքն է և տիեզերքի կանոնը:

Ռուսսօն ընդգիմանում է այս հայեացքին: Նա ըն-

դունում է անհաւաստութեան երկու տեսակ: Մէկին կոչում է բնական կամ ֆիզիկական, միւսին բարոյական կամ քաղաքական *): Բնական անհաւաստութիւնը, այսինքն՝ հասակների, առողջութեան, իմացականութեան տարբերութիւնը՝ նա համարում էր բնութեան գործ: Բարոյական անհաւաստութիւնը — հարստութիւն և աղքատութիւն, բռնակալութիւն և ստրկութիւն — նա համարում էր հասարակութեան գործ:

Նա գտնում էր մինչև անգամ, որ բնական դիտւած որոշ անհաւաստութիւն հետեանք է հասարակական անհաւաստութեան: Առողջութիւնը, ֆիզիկական կազմը հասարակական պայմանների ծնունդ են յաճախ իմացականութիւնը որոշ չափով հասարակական կարգի արգիւնք է: Արդ, անհրաժեշտութիւն է և անխուսափելիութիւն այն, ինչ որ գալիս է բնութիւնից, ինչ որ բնական կարգի արտագրութիւն է: Իսկ այն, ինչ որ հասարակական կարգի ստեղծագործութիւնն է՝ անհրաժեշտ չէ բնաւ և խուսափելի է մարդկայնօրէն: Բնութեան մէջ չկայ մեր անհաւաստութիւնը: Այնտեղ մարդը չէ ճանաչում վիճակների տարբերութիւն: Այնտեղ մարդս ազատ է և անկախ: «Բնական կարգի» մէջ մարդս բարի է միաժամանակ: Նա իր նմանին չարիք չէ անում: Նրա մէջ մի ինքնածին, ինքնաբուխ բնազդ կայ այլասիրութեան, որի համաձայն ապրում է կեանքը, կանգուն է կեանքը: Առանց այս բնական բարութեան կեանքը, աշխարհը չէր կարող իր գոյութիւնը պահել: Անկարելի է երեւակայել թէ չարութիւնը, փոխադարձատելութիւնը մարդուս բնական յատկութիւնը լինին: Այդ չար ուժերի վրայ չէր կարող ոչ մի մարդկային խմբակցութիւն իր հաւաստարակչիւնը անաղարտ պահպանել: Այդ բացասական և կործանարար ուժերի մէջ ամեն ինչ բաօս կը դառնար և մարդկութիւնը կ'անհետանար տիեզերքից: Եւ եթէ այսօրւայ մարդկութիւնը այնուամենայնիւ ապրում է — ապրում է այն պատճառով, որ մարդուս մէջ բնական, ինքնաբուխ բարութիւն կայ: «Հասարակական կարգի» մէջ մարդուս հոգին չարութիւն մտաւ, բայց այդ չարութիւնը չէր կարող բոլորովին արմատախիլ անել նախնական բարութիւնը, որ նրա հիմքումն է: Բնական վիճակի այս բոլոր ներդաշնակութիւնը հետեանք է սեփականութեան բացակայութեան: Մարդիկ ազատ են, հաւաստար են, բարի են, որովհետև սեփականութիւն չկայ և սեփականութեան գիտակցութիւն չունին:

*) Հայերէն վերջին կոչումները ճիշտ չեն արտայայտում իրի իմաստը: *Morale* և *politique* բառերը փիլիսոփայական նիւթերի մէջ շատ ընդարձակ բովանդակութիւն ունին: Նրանք ընդգրկում են սոցիալական և բարոյական լայն սահմաններ: Ռուսսօն քաղաքական անհաւաստութեան տեսանկյունից հասկանում էր մանաւանդ սոցիալական անհաւաստութիւնը:

«Այն մարդը, որ առաջին անգամ շրջափակեց մի կտոր հող և ասաց՝ «այս իմն է», և բաւական միամիտ մարդիկ գտաւ իրեն հաւատացող — եղաւ մեր հասարակութեան իսկական հիմնադիրը: Որքա՞ն ոճիրներ, պատերազմներ, սպանութիւններ, որքա՞ն թըշուառութիւններ ու սարսափներ կը խնայէր մարդկային տեսակին նա, ով աղաղակէր իր նմաններին. «Մի հաւատաք այդ խաբեբային: Դուք կորած էք, եթէ մոռանաք, որ արդիւնքը պատկանում է ամենքին, բայց հողը — ոչ ոքի»:

Ռուսսօի կարծիքով՝ մարդիկ հողը սեփականացնելու ժամանակ՝ բռնութիւն գործեցին բնութեան դէմ: «Սեփականութիւնը յափշտակութիւն է», ձայնում էր ժընեցի փիլիսոփան: Եւ իբրեւ այդպիսին՝ աղբւր է դժբախտութեան ու չարիքների: Այդ սեփականութիւնը պահպանելու համար՝ մարդիկ օրէնքներ հնարեցին, կառավարիչներ նշանակեցին և այդպիսով՝ ներառեցին յափշտակութիւնը: Եւ այդ օրէնքների ու այդ կառավարութեան մէջ, այդ սեփականատիրական կարգի մէջ, առաջացաւ անհաւասարութիւն: Մարդկութեան մէջ գոյացան հարուստներ և աղքատներ, տէրեր և ստրուկներ: Եւ այնուհետեւ դժբախտութիւնը փոխարինեց երջանկութեան, չարութիւնը բարութեան, գերութիւնը ազատութեան: Բնական կարգի մէջ չկար այդ աններդաշնակութիւնը: Հասարակական կարգի արդիւնք է դա: Եւ այսօր, որքան էլ խաբւինք քաղաքակրթութեան արտաքինի հանդէպ՝ այնուամենայնիւ «մենք ունինք պատիւ, առանց առաքինութեան, բանականութիւն, առանց իմաստութեան և հաճոյք, առանց երջանկութեան»:

Այսպէս է վերջանում Ժան-ժակ Ռուսսօի երկրորդ աշխատութիւնը:

Ինչպէս տեսնում էք՝ այդ երկու գրածքներով Ռուսսօն խիստ բնագաւառութեան է ենթարկում ժամանակակից հասարակութիւնը, ընկերական կազմը, բարքերը և օրէնքները: Այդ երկերի մէջ նա հարեւածում է ոչ միայն քաղաքական անհաւասարութեան ռեժիմը, այլ և հասարակական-անտեսական անհաւասարութեան կարգը: Նա բացատրէ և մերժող նրա փիլիսոփայութիւնը գերազանցապէս ժխտական վերաբերմունք ունի դէպի կեանքի արժէքները և դէպի քաղաքակրթութեան պտուղները: Նա դրանց մէջ չէ գտնում մարդուս երջանկութեան գրաւականները:

Բայց այդ բացասական գործից յետոյ՝ նա առաջարկում է նաև դրական գործ: Նա ի դէպ չէ անհրաժեշտ չէ ասելու՝ «նա ձգտում է վերանորոգել կեանքը»:

«Եմիլ», «Նոր Հէօիզ» և «Ընկերային դաշինք» այդ վերակազմութեան աղբիւրներն են...

Ս. ՆՐԻՊԱՆԵԱՆ

Ս Օ Ց Ի Ա Լ Ա Կ Ա Ն

ՊԱՌԱՎՏՈՒՄ ԻՏԱԼԻԱՅԻ ՍՕՑ. ԿՈՒՍԱԿՑՈՒԹԵԱՆ ՄԷՋ

Իտալո-թիւրք պատերազմը անգրագրածաւ նաև սօցիալիստ կուսակցութեան ներքին կեանքի վրայ, աւելի ճիշտ՝ ուժեղացրեց արդէն եղած հատածային հակամարտութիւնը և հասցրեց պառակտումի: Երտաբուսեցին կուսակցութիւնից մի քանի աչքի ընկնող գէմբեր, որոնց միջև է օնի դա Բիսսօլատի, ընկերակարական հինաւուրց գործիչը և իտալական պարլամենտի զարգերից միւնը:

Հոսանքներ, այո, կային արդէն: Մի կողմ թողնելով անիշխանականներին ու յեղափոխական սինդիկալիստներին, որոնք կազմում են փոքրամասնութիւն երկրի աշխատաւորական շարքերի մէջ — բուն սօցիալիստ կուսակցութիւնը ունի իմ երկու հակամարտ թեւերը, ինչպէս և բոլոր միւս երկրներում. ձախակողմեան և աջակողմեան, ուրիշ խօսքով՝ յեղափոխական և չափաւոր, բայց են որոգչական (ռեֆորմիստ):

Երկու թեւերը ունեն 20—25 տարիներից ի վեր իրենց պերճախօս առաջնորդները. ձախակողմեան կամ յեղափոխական հատածի լիդերն էր՝ Էնրիկօ Ֆէրրի, բարենորոգչական կամ չափաւոր հատածինը — Փիլիպպօ Տուրատի:

Սակայն — մի տարապայման դիմադրածութեամբ — իտալական շարժման լիդերները փոփոխում են իրենց դերերը և փոփոխում են հիմնականապէս «Յեղափոխական» Էնրիկօ Ֆէրրին մի քանի տարուց ի վեր աստիճանաբար ոահելով ու սպլաշելով, դարձաւ ի վերջոյ մի ողբալի պատեհապաշտ, օպորտունիստ, ջնջեց իր նախկին ընկերակարական հաւատաքը, որով և ստիպւած եղաւ հեռանալ կուսակցութիւնից:

Մինչդեռ չափաւոր և օպորտունիստ համարած Տուրատին բարձրացաւ միշտ հակառակ ուղղութեամբ, և այսօր նա մէկն է այն ընկերակարականներից, որոնք յատապարտում են Բիսսօլատիի ու այլոց պատեհապաշտութիւնը...

Երկու թեւերը յաճախ էին բախում իրարու, սակայն էական խնդիրների ու ձեռնարկների մէջ մէկ համերաշխ մարմին էին և այս պառակտումն էլ հաւանականօրէն չէր առաջանայ, եթէ չլինէր պատերազմը: Չէր առաջանայ, քանի որ Բիսսօլատիի ու իր չափաւոր ընկերների տակտիկը էապէս նային էր, ինչ որ կիրառւում են միւս երկրների համանուն բարենորոգչական հատածները: Բիսսօլատին աւելի չափաւոր ու պատեհապաշտ չէր, քան Էդուարդ Բերնշտայն. իսկ վերջինը մնում է անգամ Գերմանիոյ հսկայ ընկերակարական կուսակցութեան և ոչ ոք չի մոտենել նրա արտաքուստ մասին: Բիսսօլատին գնացել է թագաւորի մօտ, երբ վերջինը հրաւիրել է նրան ի շարս ուրիշների՝ նոր միւստրութիւն կազմելու համար: Բայց կայսեր մօտ յաճախ գնացել է և աւստրիական նշանաւոր սօցիալիստ Պերնեյրստօրֆերը, իբրեւ պարլամենտի փոխ-նախագահ... և գնացել է միշտ, պատճառաբանելով. «Մենք յաճախ սեղմում ենք միւստրների ու այլ պոռնոսական անձերի ձեռքը, ինչո՞ւ չենք սեղմի թագաւորինը... Պերնեյրստորֆերը նոյնպէս այսօր աւստրիական սօց. կուսակցութեան ամենայնազաւած առաջնորդներից միւն է: Նոյն Բերնշտայնը յայտարարել է միշտ, որ գերմանացի սօցիալիստները չպիտի հրաժարին Ռայխստագի մէջ փոխ-նախագահի պաշտօնից և երբ ոտանձնեն այն՝ չպիտի մերժեն կատարելու իրենց պաշտօնական ձեռնարկութիւնները, պալատ գնալու և թագաւորի ձեռքը սեղմելու:

Բիսսօլատին գնացել էր պալատ թագաւորի հրաւերով և միւստրական պաշտօն ստանձնելու համար դրել էր այնպիսի պահանջներ, որոնց անընդունելի լինելը ինքը նախապէս արդէն գիտէր: Այդ և նման բայերի համար չէր, որ նշանաւոր գործիչը պիտի արտաքուստ կուսակցութիւնից, թէև այդ բայը փոթորիկ յարուցեց անհաշտների բանակում:

Պատերազմն էր, որ սրեց ու լարեց յարաբերութիւնները, չղթալագործելով իտալիայի մէջ հայրենասիրութեան ու ջո-

վերջին մի կատարեալ համաձայնակ, որից ազատ չմնացին, տարաբախտաբար, Լէօնիդա Բիսսուլատի իր ընկերներով: Նա իբրև սօցիալիստ, դէժ է պատերազմներ, բայց երբ արդէն պատերազմը յայտարարել է, անկարելի է դիմագրական բանակ կազմել հայրենի կառավարութեան դէմ. այդպէս էր պատճառաբանում Բիսսուլատի թուում է թէ նա, ինչպէս և շատ ուրիշ իտալացի սօցիալիստներ, սրտանց ուրախ էին պատերազմի անակնկալով, գոչ էին, որ Տրիպօլիսը մի կիսա-վայրենի պետութեան ձեռքից ազատելով, անցնում էր համեմատաբար աւելի քաղաքակիրթ իտալիայի ձեռքը:

Այսպէս թէ այնպէս, չափաւորների հայրենասիրական գինովութիւնը փնտեց նրանց, յայտնեց մի վայրկեան հասկացութեան մէջ իրենց սօցիալիստական հաւատամքի հետ: Իւ ահա Ռէջիօ Էմիլիայի կուսակցական համագումարը մեծամասնութեամբ որոշեց հեռացնել կուսակցութիւնից չորս սոցիալիստական սօցիալիստներին, որոնք անդամ են իտալական պարլամենտի. Բիսսուլատի, Բոնոմի, Կարբինի և Պոդրեկկայի: Վերջինները իրենց համախոհներով կազմեցին անմիջապէս նոր սօցիալիստ կուսակցութիւն և անւանեցին այն՝ «Իտալական ռեֆորմիստ, ընկերակարական կուսակցութիւն»:

Այդ իրողութեան դէմ բողոքեց կուսակցութեան վարիչ մարմինը մի նամակով ուղղւած Միլ. Սոց. Բիւրօյին:

Ահաւասիկ այդ նամակը, որ Սոց. Բիւրօն չըջաբերականով ուղղում է մեզ Բիւրօսէից:

Սիրելի ընկերներ,

Ներքոյ ստորագրեալներս, ընտրւած Ռէջիօ Էմիլիայի մէջ տեղի ունեցած իտալական Սոց. կուսակցութեան համագումարի կողմից և անդամներ կուսակցութեան Գործադիր Զանձնաժողովի, հաղորդում ենք ձեզ ի գիտութիւն, որ յիշեալ համագումարը մօտ 12,000 ձայնով արտաքսել է իտալիկան Սոց. կուսակցութիւնից՝ երեսփոխաններ Բ. ի. Ս. Օ. Լ. Ի. Ն. Բոնոմիին, Կարբինիին և Պոդրեկկայիին, որոնց քաղաքական գործունէութիւնն ու բռնած դիրքը գիտել է կուսակցութեան և համագումարի մեծամասնութեան կողմից, իբրև հակառակ սօցիալիստական ինտերնացիօնալի սկզբունքներին և տակտիկին. մասնաւորապէս առաջին երեքը՝ արտաքսել են իրենց բռնած դիրքի պատճառով ներկայ պատերազմի հանդէպ, ինչպէս նաև իրենց միապետական ցոյցերի համար. իսկ վերջինը, Պոդրեկկան՝ նոյն պատերազմի հանդէպ բռնած իր դիրքի պատճառով, իբր երեսփոխան և օրագրող: Վերոյիշեալ չորս երեսփոխանները, կուսակցութեան այլ անդամների հետ, հիմնեցին անմիջապէս մի մարմին, որ անւանեցին Ի տ ա լ ա կ ա ն Բ ա բ Ն ռ ո ղ չ ա կ ա ն Ս ո ջ ի ա լ ի ս տ Վ ու ս ա կ ց ու թ իւ ն (Il Partito Socialista Reformista Italiano):

Ներքոյ ստորագրեալները, իբրև կուսակցութեան գործադիր մարմնի անդամներ, տեղեկացնում են Միջազգ. Սոց. Բիւրօին այդ նոր կուսակցութեան գոյացման մասին, որ սպասուում է իտալիայի սօցիալիստական պրօլետարիատի միութեան:

Ներքոյ ստորագրեալներս բողոքում ենք այդ նոր կուսակցութեան յորջորջումի դէմ. բարենորոգչական կամ ռեֆորմիստական ուղղութիւնը չի արտաքսել կուսակցութիւնից, քանի որ նրա մէջ կան պատկառելի թւով ռեֆորմիստներ: Չորս երեսփոխանները արտաքսել են կուսակցութիւնից ոչ թէ ռեֆորմիզմին յատուկ թէօրիական կամ տակտիկական դիրքի պատճառով, այլ այնպիսի գործողութիւնների համար, որ կուսակցութեան մեծամասնութիւնը, առանց տեսական կամ գործնական ուղղութիւնների խտրութեան, նշաւակել է, իբրև «չ-ընկեր վարակա՝ գործողութիւններ»:

Խնդրելով ի նկատի առնել մեր այս տեղեկութիւնը, հաղորդում ենք ձեզ միաժամանակ, որ Միջազգ. Սոց. Բիւրօն երկու անդամներ Բիսսուլատի և Կարբինի չեն այլ ևս պատկանում իտալական Սոցիալիստ կուսակցութեան:

Ընդունեցէք, սիրելի ընկերներ, մեր եղբայրական ողջոյնները:

Ազնիւի, Բաչչի, Բալաբանով, Գանիօնի, Դելլա Սեզա, Գիօնիկօ, Մատտակկի, Մուզատտի, Մուսսոլինի, Սմորոնի, Ռատտի, Տրէմատորէ, Վելլա, Տերբինի, Բարտոլոմէո Լացցարի:

Վ Ե Ր Զ Ի Ն Պ Ա Հ Ո Ի Ն

Քօչանայի կոտորածը մեծ յուզումն է առաջացրել Բուլգարիոյ մէջ: Պարզուում է, որ 100-ից աւելի բուլգար բրիտաններ են ջարդուել զինւորների և խուժանի ձեռքով, բազմաթիւ կանայք ու երեխաներ, որոնց վրայ գործ են դրել սովորական բարբարոսութիւնները: Կան նաև 200-ի չափ ծանր ու թեթեւ վիրաւորւածներ: Բուլգարական մամուլը ցասկոտ յօդւածների մէջ յորդորում է կառավարութեանը՝ միջամտել և վերջ տալ արիւնակից Մակեդօնիայի տառապանքներին: յերիտասարդ Թիւրքիայի ռէժիմը, ասում է նա, վերջին 4 տարւայ ընթացքում ոչնչացրել է 3,000 բուլգար կեանքեր... Գուռը, ազգւած բուլգարական սպանալիքներից՝ շտապեց Քննիչ Յանձնաժողով ճամբել կոտորածի վայրը և այժմ Բուլգարիան սպասում է քննութեան հետևանքին՝ իր անելիքը որոշելու համար:

Տեղի ունեցաւ Սօֆիայի մէջ մի չտեսնւած միտինգ: Մօտ 30,000 բուլգարներ հաւաքեցին, ունկնդրելու մի շարք ատենախօսների, իրեսփոխանների, գրողների, անգամ նախկին մինիստրների, բոլոր դասակարգերը և բոլոր կուսակցութիւնները: Գումարումը ընդունում է արտակարգ հանդիսաւորութիւն. հրթիռները սուլում են, զանգակները շողանում ամբողջ մայրաքաղաքի մէջ: Տրատարակւած է ազգային սուգ. հսկայ թափօրը շարժւում է դէպի պարլամենտի հրապարակը 30-ի չափ դրօշակներ, որոնցից երեքը՝ սև են, նրանք պատկանում են մակեդօնական յեղափ. կոմիտէին: Դրօշակներից մի քանիսի վրայ գրւած է. «Պատերազմ ենք ուզում»...

Նոյն ոգով են խօսում բոլոր հռետորները, եթէ հարկ լինի, ասում են ոմանք, մենք կը ապալենք ներկայ բուլգար կառավարութիւնը և կըստիպենք կռիւ յայտարարել Թիւրքիային՝ Մակեդօնիայի ինքնավարութիւնը ձեռք բերելու համար:

Գաւառներից ևս նման պահանջներով դիմում են կառավարութեան. իսկ մամուլի տոնը միշտ աւելի և աւելի բարձրանում է: «Հինգ դարուց ի վեր, ասում է մի կարևոր թերթ, բուլգարները ենթակայ են թիւրքական ջարդերի. յիշենք Բատակը, Պերուստիցան, Իզթիլը, այժմ ահա քօչանան. սա գազաթնակէտն է... Ժողովրդի պատիւը պաշտպանելու է զենքով: Այլ ևս սպասել անհնարին է. նւաճողական պատերազմ մենք չենք ուզում, այլ Մակեդօնիայի ինքնօրինութիւնը»...

Իթիթհատեան պարլամենտը լուծելուց յետոյ՝ ալբանացիք հաշտարար արամագրութիւն են ցոյց աւելիս: Ապստամբների պարագլուխները առաջագրել են Բ. Դրան մի շարք պահանջներ, որոնց իրագործումը հաւասար է

գրեթէ երկրի ինքնօրինակութեան (ավտոնոմիայի)։ Այդ հանգամանքը լուրջ մտահոգութիւն է պատճառում ոչ միայն թիւրք կառավարական շրջանների մէջ, այլ և բալկանեան ու եւրոպական դաշինքներում։ Ռուսաստանը, մասնաւորապէս, թւում է թէ ամեն կերպ պիտի ընդդիմանայ այլապէս անհրաժեշտութեան Բալկանների հաւասարակշռութիւնը։ Եթէ — ասում է *Corriere della Sera*-ի պետերութեան թղթակիցը — եթէ Ալբանեան կազմէ նոր ավտոնոմ պետութիւն ամփոփելով իր մէջ Նովի-Բազար և Սկիւբ վիլայէթները, որ սլավոնական ազգաբնակչութիւն ունին — Սերբիան, Բուլղարիան, Մոնտենեգրոն պիտի բողոքեն և հաւանորէն պիտի դիմեն յուսահատական միջոցների... Որովհետեւ իւրաքանչիւրը նրանցից ունի բաղձանքներ ու յաւակնութիւններ այդ հողերի վերաբերմամբ։ Սերբիան, օրինակ, յոյս ունի վաղ թէ ուշ ձեռք բերել մի նաւահանգիստ Ատրիատիկի վրայ։ Բուլղարիան էլ յոյսեր ունի Սկիւբի նկատմամբ։ Եթէ այդ երկու սլավ վիլայէթները մասնէն ավտոնոմ Ալբանիայի մէջ — վերոյիշեալ պետութիւնների երազները միանգամ ընդմիջտ պիտի խորտակւին։

«Իթթիհատի» պարագլուխները չեն հաշտում Խորհրդարանը ցրելու մտքի հետ և Սալոնիկ անցնելով, ձգտում են նորէն իրենց կողմը գրաւել պատմական, ազատարար բանակը։ Յայտարարեցին նոյնիսկ ի լուր եւրոպայի, թէ պատրաստ են հետեւել ուսւ յեղափոխական Դումայի օրինակին և փոխադրել Իթթիհատեան պարլամենտը Սալոնիկ կամ Ադրիանօպոլ։

Սակայն թւում է, թէ Զափտների ու Թալաւթների ջանքերը զուր պիտի անցնեն. բանակի մէջ նրանք այլ ևս չեն գտնում նախկին ջերմ համակրանքը — թէև բանակը ըստ երևոյթին, մնում է ջերմապէս սահմանադրական։ Իթթիհատի համախոհներ դեռ շատ կան սպաների ու ժանդարմների շարքերում, սակայն մեծ մասը կարծես որոշած է աջակցել նոր կառավարութեանը։ Օֆիցերների բազմաստորագիր մի դիմումն Սալոնիկից ծանուցանում է Մուխտար փաշայի դաշինքին, որ բանակը մեծամասնութեամբ պատրաստ է կատարել իր զինուորական ու հայրենասիրական պարտքը, հրաժարել «պօլիտիկից» և նեցուկ լինել նորակազմ դաշինքներին, պաշտօնաւոր որ վերջինը պաշտպան կանգնէ սահմանադրական կարգերի։

Այդպիսով տագնապը, որ մի քանի օր առաջ հասել էր լարման գագաթնակէտին, բաւականաչափ մեղմացած է և Իթթիհատին մնում է միայն համակերպիլ ու ճիգ թափել առաջիկայ ընտրութիւններին նորէն անցկացնելու իր համախոհները։ Այդ յոյսը այլ ևս չի իրականանայ,

Իթթիհատականները չգում են այդ, և նրանցից ոմանք թելադրում են բոյկոտի ենթարկել ընտրութիւնները և նոյնը քարոզել ժողովրդին... Կռիւր, հարկաւ, շուտ չի դադարի... մի երկրի մէջ, ուր կոռւսակցական հակամարտութիւն, բառի եւրոպական իմաստով գոյութիւն չունի, այլ սովորաբար այլասեւում է, դառնում թայֆայական ու ազգակործան։

L'Humanité-ի մէջ, Ժօրէս «Միացէ՛ք» խորագրով մի յօդաւածի մէջ ուժգին յորդոր է կարգում Թիւրքիոյ սահմանադրականներին և մասնաւորապէս հայերին՝ համերաշխ գործելու ներկայ ճգնաժամի ընթացքում և թող չտալու հին ուժեղ մի վերադարձը։

«Հայերը — ասում է *Pro Armenia*-ի նախկին Խրմաբարական Յանձնաժողովի անդամը — հայերը ծանր սխալ կը գործէին, եթէ չնպաստէին միաբան քաղաքականութեան յաղթանակին։ Նրանք միշտ առիթ չեն ունեցել գոհ լինելու նոր ուժեղ միջոց։ Նրանք իրաւունք և պարտաւորութիւն ունին պահանջելու աւելի գործօն մասնակցութիւն կառավարութեան մէջ և այն դրական երաշխիքները, որ տալիս է իշխանութեան բաժանումը։ Բայց նրանք պիտի նպաստեն հաշտարար լուծումների, որպէս զի չվերադառնայ հին գարշելի ուժեղ մը։ Նրանք գիտեն, որ մենք Ֆրանսիացի սօցիալիստներս, կորովի կերպով պաշտպանել ենք իրենց՝ չարաշուք օրերին։ Նրանք դրա համար մի բանի անգամ յայտնել են մեզ իրենց երախտագիտութիւնը։ Եթէ այդ յիշողութիւնը կարող է մի յայտնի վարկ հաղորդել մեր խօսքին, թախանձագին խնդրում ենք նրանց՝ չտարւել ռիսկալ քաղաքականութեամբ ընդդէմ երիտասարդ թիւրքերի, այլ նպաստել նոր ուժեղ մի ամրապնդման և բարեփոխման։

«Չնայած ուժեղ մի թերութիւններին, այնուամենայնիւ, որոշ առաջագիմութիւն կատարւել է։ Ստեղծւել են նոր հնարաւորութիւններ։ Մտածեցէք ճշմարիտ ներկայացուցչական ուժեղ մը հաստատելու դժւարութիւնների մասին, մի երկրում՝ որ կրօնների ու ցեղերի մի քաօս է. երևակայեցէք մշտնջենական բաղխումները մահաբազանների ու բրիտանականների միջև, ի նկատի ունեցէք այն արածութիւնը, որ բաժանում է նրբենի հային կամ թէ Ստամբուլի խորամանկ յոյն վաճառականին՝ Լպիրի նկարագրել և դժնդակ լեռնականից. թող մտածեն և մրցակից պետութիւնների դաւերի մասին, որոնք պատրաստուում են ապագայ նաւաւորների համար... և այն ժամանակ նազխիստ կը լինին երիտասարդ-թիւրքերի սխալների վերաբերմամբ...»